

# WANTOK

NIUSPEPA BILONG YUMI OL PAPUA NIUGINI STRET! 31 YIA NAU

40 pes

Namba 1,434

Wik i stat long Fonde Desemba 20, 2001

70t

## INSAIT

**Kot bilong PNGBC beng i go yet**

**- pes 2**

**Madang setelmen bai paia**

**- pes 3**

**Boino bagarapim sans bilong gol medel**

**- pes 32**

**8-pes Krismas saptemen**

**- pes 13-20**

# Narapela senis bai kamap long ol minista

JOE KANEKANE i raitim

GAVMAN bilong Sir Mekere Morauta bai kamapim narapela senis gen long ol Minista bilong em bihain tasol long Pipels Demokratik Muvmen (PDM) i kamapim ol wok na pinisim baset bilong yia 2002.

Dispela em bai namba 12 taim we em i senisim ol Minista bilong em taim em i kisim wok Praim Minista long Julai 1999.

Dispela senis bai lukim wanpela Ministri i go long Pangu, wanpela long Pan Melanesian

Kongres na sampela strongpela PDM memba. I gat bilip tu olsem Deputi Praim Minista bai lusim wok bilong em long wanpela Gavana.

Ol toktok *Wantok* i kisim i tok olsem dispela ol senis bai kamap long niu yia sapos ol bik-lain bilong PDM i pilim olsem namba bilong i stap strong.

Gavman i gat bikpela wok tru long kamapim sampela senis long mama lo we bai i givim moa pawa i go long ol pipel long Bogenvil.

"Ol toktok i wok long kamap olsem sampela senis i kam tasol

mipela i no save wanem taim Praim Minista bai tokaut," wanpela PDM opisel i tokaut.

"Senis bai kamap tasol wanem taim em bai kamap i stap yet wantaim Sir Mekere."

Ol nius ripot i bin tok olsem gavman i laik rausim Spika bilong Palamen Bernard Narokobi tasol nogat wanpela samting i kamap long sindaun bilong Palamen.

Gavman bai i mas kisim helpim bilong em long pusim dispela lo bilong Bogenvil. Sampela ol Minista bai stap long dispela senis em, Plis, Sivel Aviesen, Provinsel Afeas, Komyunikesen,

Lens, Helt na Praivetaisesen.

PDM tu i wok long tingting strong long makim ol Minista husat i gat sans long winim sit bilong ol. Dispela bai mekim isi long fomim wanpela PDM gavman long neks yia.

"Sampela bilong dispela ol senis i mas kamap long wanem tingting na laik bilong pati i mas go het. Wanem Minista o pati i no bihainim dispela tingting bai kisim taim," dispela opisel i tok.

APP, Pangu, Pan Melanesian Kongres na Kristen Demokratik Pati tasol i stap wantaim PDM long gavman. Olgeta narapela pati i stap long Oposisen.

## Amerika painim yet Osama bin Laden

PAIT long Afghanistan klostu pinis na Amerika wantaim oposisen ami bilong kantri yet i go insait pinis long las hait ples bilong Osama bin Laden wantaim ol paitman bilong em tasol ol i hat long kisim em.

Tora Bora, wanpela las maunten we bin Laden i hait i stap nau long han bilong Amerika na sapota bilong em. Las wik tasol ol opisal i bin kisim toktok bilong bin Laden long radio tasol i hat long painim wanem hap tru em i stap.

Planti man i paul bikos Amerika na oposisen ami i bin blokim olgeta rot em bai ronawe long en.

Long Mande sampela kalabus man bilong al Qaeda, (lain bilong bin Laden) i tok olsem bin Laden yet i stap long eria yet na sampela ripot i tok em i ronawe pinis lusim dispela hap ples.

Ol wok hait lain blong Amerika na Afghanistan yet bai painim Bin Laden na lida bilong Taliban gavman we nau

### AMERIKA NA TERORIS WOA


pundaun Mullah Mohammed Omar.

Ol opisal toktok i kam olsem Omar i hait i stap na ol i save tasol planti samting i bagarap pinis na larim em i stap pas-taim, bihain ol bai kalabusim em.

Long wankain taim ol opisal i pikim sampela faivpela kalabus man namel long planti al Qaeda paitman na kisim i kam aut bikos ol i sinia tumas na inap save wanem arapela plen bin Laden i bin i gat.

Al Qaeda i bin trenim moa long 80,000 man long Afghanistan tasol planti bilong ol i stap raun long wol yet na ol dispela inap kamapim moa birua.

Long wankain taim Presiden bilong Amerika George Bush i tokaut olsem ol i kisim sampela moa vidio tap na gavman i wok long glasim yet ol dispela piksa.



• Wanpela ami bilong Amerika i sanap lukautim ol helikopta bilong Amerika i stap na ol pipel bilong ples i kam sanap lukluk. Inset: Hul bilong ston we ol paitman bilong bin Laden i bin hait na pait long en. Ol i kisim bom na gan ol lusim bihain klostu long dispela hap

## YU LAIKIM EKSTRA MONI LONG KRISMAS DE...??

**FinCorp**

Finance Corporation Limited  
Your Future Today

**HARIA D IGO LONG FINCORP**

**FINCORP**

**Taim i sot!!**

TICK!!

TOCK!!

TICK!!

TOCK!!

• Port Moresby.....Ph: 325 4209

• Lae ..... Ph: 472 7240

• Mt Hagen ..... Ph: 542 1566

• Goroka ..... Ph: 732 1109

• Wewak ..... Ph: 856 1422

• Kokopo ..... Ph: 982 8340

• Alotau ..... Ph: 641 0272

• Madang ..... Ph: 852 1944

### PLIS RIPOT

#### MOSBI:

\* Plis i wok long lukautim Siti Hol long Mosbi bikos dispela wok bikos ol sapotas bilong bipo Edministreta na nau Gavana Philip Taku i bin mekim bikipela pait tru we planti manmeri i bin stap. Plis i tok ol sapotas i wok long tromoi ston nabaut i go kam na klostu ol ka na bilding bilong siti hol i bagarap tru. Plis i stap yet long hap long stapim moa trabel.

\* Plis long Mosbi i bin mekim planti rot blok na sekim planti ka tru long bikipela siti. Planti ol draiva na ka we i nogat rait long raun long rot em plis i holim ol na sasim ol long brukim lo. Plis i mekim olsem bilong stapim ol ka nogut long raun nating na brukim lo.

#### MENDI:

\* Plis i stap pinis long Mendi long traim stapim bikipela pait we i wok long kamap long hap. Sampela ripot i tok olsem 8-pela man i dai pinis long dispela pait tasol namba i wok long go antap yet. Plis long olgeta hap hailans provins i bung long stapim moa bagarap long kamap nau tasol planti pret tingting i stap yet namel long ol pipel.

\* I gat planti ripot olsem pait nau long Mendi em ol man i no yusim ol liklik gan nating. Planti ol strong-pela gan em ol i wok long yusim long bagarapim laip bilong ol pipel na plis i pret olsem kain samting olsem bai bagarapim moa laip. Plis i stap yet long Mendi tasol tupela birua sait wantaim i holim kain gan we i strong tumas na planti laip i lus pinis long dispela.

#### HAGEN:

\* Plis long Hagen i holimpas pinis foapela man em ol i ting olsem ol i bin bung long mekim bikipela stil pasin long Hagen tupela wik i go pinis. Plis i tok ol i singaut long komyniti na pipel long helpim long holimpas ol narapela husat i wok long hait raun i stap yet. Nau yet em Westpac benk i no op bikos benk i laik stretim ol hevi pastaim long em i op.

## Pipel laikim Ok Tedi agrimen i go het

PLANTI pipel long Ok Tedi na Flai Riva long ol ples we Ok Tedi main i stap insait long Westen Provins i sapotim Main Kontinyuesen Agrimen (MCA) na i no sapotim kot long kamap.

Ol Main vilis, Haiwe, Not na Lowa Ok Tedi, Midel na Saut Flai i bin sainim MCA wantaim Ok Tedi Maining Limited (OTML) na ol i laik long lukim nupela poroman namel long ol pipel, OTML, na gavman long sotpela taim bilong main long stap. Ol lain sainim MCA i soim olsem ol i ken wok wantaim OTML na gavman.

Ol lida i tok, "OTML i no fosim mipela long sainim dispela MCA.

Mipela i bin sainim bihain olsem tupela yia taim awenes, komyunikesen, na ol wok bung wantaim OTML.

Em taim PNG gavman na ol opisa bilong Non gavman Ogenai-sesen i bin stap na lukim. Ol pipel long Ok Tedi na Flai Riva i tok tenkyu long nesenel gavman long dispela 9th Sapimentel Agrimen.

Ol lida i sapotim Praitim Minista Sir Mekere Morauta na gavman bilong em i bilip olsem dispela agrimen i fea na i stap long intres bilong ol pipel. Nesenel gavman i bin statim dispela rot aninit long foma Maining Minista Sir Micheal Somare na i gat sapot long ol pipel.

Kot bai mekim na main bai i pas na dispela bai stopim ol developmen spending insait long Westen Provins na ol benefit ol i laik kisim long sainim MCA.

"Westim taim, mani na hat-wok long sapotim dispela kot we bai em i no inap helpim ol pipel," ol lida i tok.

Ol lida tok, "mipela i no laikim ol ausait lo kampani long helpim mipela, ol i save kisim olgeta samting long mipela na i no save givim mipela wanpela samting.

Mipela i no gat wanpela samting long mekim wantaim dispela kot eksen long Melben, Australia."

Ol lida i no amamas long ol loya i save paulim ol komyniti long sapotim dispela kot keis.

## K200,000 i go long Eda Ranu long givim wara long Pari

MEMBA bilong Mosbi Saut Ledi Carol Kidu i givim K200,000 sek bilong Rurel Developmen Fan bilong em yet i go long Eda Ranu long Desemba 13, 2001 bilong statim wara saplai projek long Pari na Taurama.

Rurel Developmen Fan i givim sek i go long hand bilong Eksekutiv Siaman bilong Eda Ranu Jamie Maxtone Graham.

Pari bai i stat long kisim wara bihain long tripela mun taim dispela projek i pinis.

"Olsem 10 i go long namba 15 de i nogat wara saplai long Pari na mipela i save karim bikipela hevi tumas. Ol meri i save kisim taim nogut tru tasol nau i gat nupela wara saplai

projek. Dispela projek i olsem Krismas presen bilong mipela." Sia ledi bilong Pari's Women Felosip Venisi Oru i tok.

"Gavman i tok olsem Eda Ranu mas painim we long kisim mani. Taim Eda Ranu i no stap yet NCDC i bin lukautim wara na surij wantaim. Tasol long dispela taim i bin i gat planti hevi long ol pipel long sampela hap bilong Mosbi siti long wanem ol i no bin kisim wara liklik. Nogat wara na planti lain i kisim bikipela hevi tumas," Mista Graham i tok.

"I mas gat sampela we long painim mani long baim ol kemikel bilong tritim wara bambai yumi ken kisim klinpela

wara we yumi bai i no inap painim sik. Em bai bikipela mani moa long baim kemikel bilong tritim deti wara i save kam daun long Rouna na Laloki," Mista Graham i tok.

Ol wara komiti long Pari vilis bai kisim mani long husait i save yusim wara bilong ol na peim Eda Ranu. Ol komiti bai lukautim wara.

Ledi Kidu i tenkim Eda Ranu long soim sapot bilong em long dispela projek.

Pari bai no inap peim wara bil sapos ol arapela setelmen i no peim wara bil tu. Tasol Pari bai peim wara bil sapos ol arapela setelmen i peim wara bil tu, Ledi Carol Kidu i tok.

## Suprim Kot tok nogat tasol pait i stap yet

### HILDA WAYNE i raitim

DEPUTI Seif Jas Sir Mari Kapi long Suprim Kot disisen bilong em dispela wik i no givim tok orait long stapim wok bilong pravitaisesen we i lukim Bank South Pacific (BSP) i baim Papua New Guinea Banking Corporation (PNGBC).

Dispela tingting long stapim BSP long baim PNGBC em tingting bilong ol Nesenel Wok manmeri long PNGBC yet husat i wok long pait strong long kisim ol supa fan mani bilong ol em gavman i no givim long ol yet.

Ol dispela wok manmeri tru long PNGBC Nesenel Staf Asosiesen (PNGBCNSA) i bin strong olsem menesmen bilong PNGBC mas stretim ol mani bilong ol pastaim long BSP i baim bisnis na ol i noken salim inap dispela hevi em ol i stretim.

Tupela taim ol i bin

bringim dispela hevi bilong ol i go long nesenel kot tasol ol jas i no mekim disisen long tingting bilong ol na dispela wik em nambawan taim ol i go long Suprim Kot tasol jas Sir Mari Kapi i tok em i no lukim wanpela as we ol i mas stapim salim bilong PNGBC.

Sir Mari i tokim kot olsem loya bilong PNGBCNSA i mas

kamap wantaim wanpela as we inap long stapim dispela wok. Nogat bai ol i ken rausim dispela kot kes.

Ausait long kot haus presiden bilong PNGBCNSA Elijah Luke i tokim dispela askim bilong ol wok manmeri long PNGBC i no bikipela samting bikos em mani bilong ol na Praitim Minista Sir

Mekere Morauta i mas sainim ol pepa na givim mani bilong ol hariap.

Mista Luke i tok em i no bikipela samting tasol ol i wok long mekim olsem em i bikipela.

Em i tok sapos gavman inap long hariap tru kamapim NCDC ekt long wanpela de tasol orait em i ken mekim wankain samting tasol.



• Loya bilong PNGBC wokus union (namel) i kam aut long Waigani kot haus wantaim ol yunion lain bilong PNGBC long Mande dispela wik. Foto: HILDA WAYNE

## WANTOK

All departments, Phone: 325 2500 - Fax: 325 2579  
P. O. Box 1982, Boroko, NCD, Papua New Guinea

Publishing Weekly, Thursday, for  
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Group Editor in Chief:  
Anna Solomon.  
Acting Advertising Manager:

Papers distributed by air throughout PNG. Available by air mail subscription within Papua New Guinea and overseas  
Email address:  
word@global.net.pg

Editor of Wantok:  
Yakam Kelo.

Advertising deadlines, Display bookings, Tuesday midday. Camera ready copy, Wednesday midday. Classified Advertising, Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

# TORO

TORO SAVE LEIT OL GETA TAIM LONG WOK NA BOSS I HATIM EM...  
TORO, MI AMAMAS LONG WOK BILONG YU... TASOL WAI NA YU SAVE LEIT TUMAS?  
SORI BOSS! HALU PULAP NA PLANTI NOIS NA...

NAU EM TINGTING LONG GO LONG OPIS ELI TRU NA EM LONG JOHNSON PAMESI NA BAIM OL MARASIN BILONG SILIP HARIAP... (SLIPING PILS)  
BAI MI DRINGIM DISPELA SLIPING PILL NA SILIP ELI TRU... MI BAI KIRAP BIK MONIN NA GO WOK...  
...NAU EM DRINGIM MARASIN NAGO SILIP...

TRAPELA MONING TRU EM KIRAP NA FESMAN STRET EM STAP LONG OPIS...  
HE! HE! HE! MI ELI TRU... BOSS BAI AMAMAS TRU LONG MI!  
EM SO-OFF STRET... EM TING BAI BOSS I AMAMAS...

NAU BOSS I KAM INSAIT NA TORO I MEKIM BIKPELA SMAIL LONG EM...  
MONING BOSS! YU TING WANEM MI ELI TRU!  
OH, YEAAH! MI AMAMAS LONG YU KAM ELI TUDE...  
...TASOL ASTE NA HAP-ASTE YU STAP WE, AHS...  
TORO INO SAVE OISEM MARASIN I KIKIM EM NA EM SILIP TUPELA DES.



## Momis tok Bogenvil baset i no inap

VERONICA HATUTASI  
i raitim

MANI we Nesenel Gavman i katim bilong Bogenvil baset i no inap wantaim bikipela hap mani bilong go hetim ol wok long stretim Bogenvil i kam long ol ausait helpim grup, Gavana John Momis i tok.

"Antap tu long en, Nesenel Gavman i no givim yet K5.6 milien developmen gren bilong dispela yia i go long Bogenvil.

Taim Gavana i luksave long Nesenel Gavman i katim K66 milien i go long Bogenvil olsem mani mak ya i antap moa winim ol arapela provins, Mista Momis i tok dispela i paulim ol pipel bikos mani ya i sot long mak bilong helpim karimaut ol wok long stretim ples na pipel long en.

"Pasin we Nesenel Gavman i wokim i soim olsem em no bisilong ol wok bilong stretim Bogenvil wantaim tu ol developmen program. Na em i salim ol developmen wok long han bilong ol ausait helpim grup long fandim. Na long wankain taim, em (Nesenel Gavman) i no givim helpim tumas," Mista Momis i tok.

Em i tok tru na tu bihainim hetkaun bilong olgeta pipel long provins we mak i stap long 171,000, mak bilong gren mani i go daun long manimak em bin kisim long dispela yia.

Mista Momis i tok aninit long Nesenel Gavman baset bilong neks yia, Bogenvil bai kisim K24,960,800 long rikaren gren na dispela mak go antap long K843,500 i no bikipela skelim wantaim dispela bilong 2001 baset.

Long narapela gren ol i kolim long Ankonidisenel o dispela we ol i larim long han bilong provinsel gavman i yusim long save bilong em, Mista Momis i tok gavman i katim i go daun mak long 6.5 pesen mak. Long baset bilong 2001, provins i bin ksiim K4,226,100 milien tasol long dispela yia, em i kisim K2,405,100 miien. Ol i katim Stafing gren long 6 pe sen mak na dispela em long K4,226,100 i go daun long K3,972,500 milienOl publik sevana na ol tisa i no kisim wanpela alokesen long baset bilong dispela yia. Las yia ol bin putim K58,400 long stretim rot bilong baim tiket bilong ol publik sevana taim dispela bilong ol tisa em long K71,300.

Mista Momis i tok gavman bilong em i bin redim rikaren gren baset inap long K2,565,000 milien. Dispela i karamapim olgeta 171,000 pipel long provins. na dispela manimak em bilong ol i mas kisim long wanem lo i stap insait long Mama Lo i toktok long dispela samting.

Tasol Mista Momis i tok Nesenel

Gavman aninit long Nesenel Fiskel Komisni i daunim mani mak ya long givim i go long Bogenvil. Hau bai Bogenvil i lukautim gavman na operesen bilong em?" Mista Momis i askim.

Bikos ol i katim gren bilong sapotim ol woklain (Stafing Gren) etministresen bai i noken karimaut wok long kamapim sampela senis insait long dipatmen we Ogenik Lo i tokaut long en.

Mista Momis i tok aninit long mani ol i katim long Developmen gren, mak i pondaun long K41,395,00. Ol foren o ausait dona grup bai givim bikipela mak helpim gen long dispela eria. Na em dispela manimak bilong ol helpim o dona grup we i skruim manimak bilong Bogenvil baset i go antap.

Nesenel Gavman bai givim K5 milien. Dispela mak i go daun long 50 pesen o haf mak long manimak em bin kisim long las yia. Mak em long K10 milien. Dispela K5 milien i makim tasol 12 pe sen long olgeta Developmen gren mani long en.

Em bin tok ol eid dona olsem AusAID, Nu Silan na Yuropien Yunien i wokim narapela hap mani inap long K36,395,000.

Em i tok gavman bilong em i bin kamapim K74.6 milien developmen baset na ol i wokim dispela long karamapim ol program na projek i bin stat long 2000 na i wok long go het. Na tu ol nupela projek we i kam aninit long Bogenvil Pis Agrimen we ol bin sainim i no long taim i go pinis.

Em i tok fanding bilong dispela yia bai kamapim hevi long ol projek i stap pinis na long ol nupela we em laik go hetim long neks yia na tu long kamapim gut ikonomi long ailan.

"Mipela i wari long mani i no inap long karimaut wok long kamapim gutpela sindaun, lusim ol gan samting bilong pait na kamapim bel isi pasin wantaim tu ol arapela samting i sut long edministresen.

Long sait bilong K5.6 milien we Nesenel Gavman i no givim yet hap mani bilong dispela yia, Mista Momis i tok dispela mak i makim hap long Developmen gren mani. we i bin nap long helpim provins i karimaut sampela wok long en.

Olsem na em i askim wanem promis ol i gat olsem tru tru ol bai kisim dispela Developmen gren bilong dispela yia.

Em i tok provins bai gat shevi yet bikos long dispela mani em i kisim aninit long 2002 baset bilong Nesenel Gavman.

Em bin tok bikipela wok i stap yet long kirapim na strongim wok mani bilong Bogenvil na olsem ol bai traime long painim moa rot long pulim mani long en.

## Wingti wanbel long gavman i salim ol bisnis

OLPELA Prais Minista Paias Wingti i tok sapos gavman na ol pipel bilong Papua Niugini i laik lukim gutpela sevis, gutpela profit na gutpela wok i kamap, gavman i mas salim ol bisnis bilong em we i no save mekim gut mani.

Sampela bisnis bilong gayman tude i no save mekim gut mani na gavman i wok long go- het yet long putim moa mani i go

long ol dispela bisnis olgeta yia long larim ol i wok yet, Mista Wingti i tok.

Mista Wingti i mekim dispela toktok long las wik Sarere taim em i go lukim Tomoa Tambul rot projek we i kos K9.6 milien long kamapim.

Mista Wingti i tok PDM gavman i kamap wantaim dispela tingting long mekim ol pipel bilong PNG i kisim gutpela sevis na tu gavman i ken kisim mani


stret long sasim takis long ol bisnis.

Mista Wingti i tok long dispela taim gavman i wok long lusim planti mani tru long traime helpim ol dispela bisnis i stap laip yet maski ol i no ron gut bikos long kainkain hevi long menesmen na wok bilong ol.

Long dispela taim ol pipel bilong Tambul i karim Mista Wingti na wokabout klostu 100 mita rot i go long ples

bung taim Deputi Prais Minista Michael Ogio i wokabout i go pas na i no kisim wanpela gutpela luksave olsem namba tu Prais Minista bilong kantri.

Ol Minista husat i kamap long dispela de long opim rot projek ya em Vincent Auali Minista bilong Praivetaisesen, Alfred Pogo Minista bilong Woks, Puri Ruing Minista bilong Jastis na Sekekeri bilong Woks.



• NCD na Sauten Rijinel Komanda Jeffrey Vaki (Namba tu long lephan) i sindaun wantaim ol plis opisa long Tubuserea viles long opim aweanes bilong lo na oda long las wik.

## Madang gavman bai rausim ol setelmen long Januari

BEN TAUMAI  
i raitim

Ol setelmen long Madang taun bai kisim taim long bikipela operesen bilong Provinsel Gavman long rausim ol setelmen nabaut insait long Madang taun.

Madang Provinsel Gavman wantaim Setelmen Komiti bai i go het long karimaut namba tu wok bilong rausim ol setelmen we ol i bin mekim namba

wan operesen long rausim Banana na Fikus setelmen long mun Epril long dispela yia.

Wanpela mausman bilong Setelmen Komiti i tokim PNGFM nius olsem dispela operesen i stat tude we ol plis bai i go pas long karimaut ol aweanes na toksave.

Em i tok aweanes bai go inap long namba 6 de long mun Jenueri, 2002. Na long Jenueri 7 bai ol stat long rausim haus na blok nabaut.

Bikos long dispela, komiti mausman i tok olsem ol i givim longpela taim pinis na pipel long ol dispela setelmen ya i mas painim rot bilong ol yet nau na go bek long ples bilong ol.

Ol lain husat i wok tru na mekim bisnis tru na i gat nem bilong ol pinis bai ino inap kisim taim long dispela operesen. Olsem na ol i mas go long Lens opis na lukim ol opisa long hap.

Ol dispela setelmen bai kisim taim long dis-

pela operesen bilong rausim ol setelmen em; Gavman Stua, DCA posen 908, Bilia Maus Rot seksen 116, 117 na posen 1011, Wagol plentesen posen 50, Bundi Handy Mart seksen 95, Bundi Lava Lava setelmen seksen 104, Fikus, Sikirap klap, Sodast eria posen 104, Publik Tenk posen 51, 53 na 76, Bilia Point posen 511 na Niutaun Bogia setelmen seksen 97 na Humade setelmen.



ELECTION  
2002

## Pawa bilong makim ol Gutpela Lida o Lida Nogut i stap long vot bilong yumi

ILEKTOROL Komisni bai yusim olpela wei bilong vot long Nesenel na Lokol Gavman Ilekseks neks yia, bos bilong ilekseen Mista Reuben Kaiulo i tokaut pinis.

Ol i kolim dispela olpela wei bilong vot First Past The Post sistem long Tok Inglis.

"Yumi bai i no yusim nupela wei bilong vot," Mista Kaiulo i tok. "Olgeta manmeri i mas klia long dispela." Mista Kaiulo em i Iektorol Komisina na em i mekim dispela toksave long Iektorol Komisni Hetkwota bilong em long Pot Mosbi. Stretim na lukautim ilekseen em i wok bilong Iektorol

Komisni.

Mista Kaiulo i no laikim ol manmeri i paul long wei bilong vot. Nupela Lo i stap nau long Nesenel Paliamen long senisim olpela wei bilong vot. Ol Memba bilong Paliamen bai toktok long dispela nupela Lo long Novemba na tok orait o nogat long senisim wei bilong vot.

Ol wasman bilong T I o Transperensi Intanesenel i no laikim olpela wei bilong vot na ol i wok long mekim planti planti toksave long redio na niuspepa long rausim olepla wei bilong vot.

T I em i bikipela wol N G O grup husat i save go pas long kirapim ol gut-

pela gutpela wei bilong helpim ol kantri na ol gavman wok gut.

Mista Kaiulo i tok ol manmeri i noken paul long ol toksave T I i wok long mekim nau long wei bilong vot. Sapos Paliamen i senisim Lo, Nesenel Gavman i tok pinis olsem nupela wei bilong vot bai i no nap kamap long ilekseen neks yia, Mista Kaiulo i tok.

"Sapos Paliamen i senisim Lo, mipela long Iektorol Komisni bai yusim nupela wei bilong vot bihain long 2002 ilekseen," Mista Kaiulo i tok.

Em i tok olsem Nesenel Gavman i tok orait pinis long dispela long winim sapot bilong olgeta Memba bilong

Paliamen nogut ol i poret long sapotim nupela wei bilong vot.

Ol i kolim nupela wei bilong vot Limited Preferential Voting long Tok Inglis.

I bai hat moa long winim ilekseen aninit long Limited Preferential Voting bikos ol wanwan kandidate i mas kisim planti vot tru long win.

Em i isi moa long winim ilekseen aninit long olpela wei bilong vot bikos wanpela kandidate i ken win maski em i no kisim planti vot tumas.

• PNG Iektorol Komisni i sponsorim dispela Ilekseen Tok Save.

# Nu Ailan Asembli bai oraitim baset

NU Ailan Provinsel Asembli i bung long dispela wik long tok oraitim K38 milien provinsel baset.

Provinsel Asembli i sindaun aste na tude long glasim na skelim na oraitim baset we i sot long mak provins i bin laikim long en.

Dispela i putim presa long provins i yusim mani em i resim em yet.

Provinsel Edministreta bilong Nu Ailan Moses Makis i bin tok em i bilip olsem ol bai tok oraitim baset ya long dispela wik.

Tasol em i no amamas long gavman i katim mak long baset bilong ol.

"I kam inap nau, nesanel gavman i save katim mani mak bilong provins long nesanel baset. Ol i katim nesanel gren long K2 milien mak na olsem, mani mipela yet i kam apim long provins i

helpim mipela long karimaut ol wok," Mista Makis i bin tok.

Em i tok long dispela baset, nesanel gavman i holim bek mani we provins i save kisim long helpim skul fi sab-sidi. Em i tok i luk olsem dispela i bilong fandim fri edukesen polisi bilong em (nesanel gavman).

Provins i save kisim mani long tupela rot long provinsel baset bilong em. Tupela em long Nesanel gavman grent na revenyu o mani ol i save resim long kolektim takis long provins yet, ol laisens fi na ol arapela takis we provins i sasim long en. Mista Makis i tok wantaim moa kat long baset, provins i mas lukluk long resim mani em yet long helpim em i karimaut ol wok.

Em i tok tru ol i katim baset tasol em i bilip olsem asembli bai tok oraitim.

# Ol Bogenvil memba askim long Palamen sapot



• Yut grup bilong Torukina, Wes Kos Bogenvil i paitim gita na singsing long seremoni bilong lusim ol gan.

Bogenvil memba Michael Laimo. Foapela memba i askim ol arapela palamen memba long kamap long miting bilong spesel sesen we ol bai lukluk long Bogenvil na dispela bai kamap long Januari 22 neks ya.

Ol i tok dispela ol bil i gat ol bikpela samting tru long en bikos bai senis long Mama Lo i kamap insait long 26 yia nau kantri i kisim indipendens.

Long wankain taim tu, foapela memba i singaut long ol eks paitman na komyuniti long ailan long lusim moa gan, moa yet ol strongpela gan ol i wokim long fektori long en.

Foapela i luksave long helpim we Australia, Nu silan, Yunaitet Kingdom, Yunaitet Nesens na ol arapela ausait kantri i givim long helpim wok bilong lusim ol gan long Bogenvil i go het gut.

Ol bin tok long sait bilong ol, ol bai sapotim ol wok long lusim ol gan samting na givim fainensel helpim bilong ol wantaim Membas Diskreseneri Fans na Distrik Sapot Gren

Foapela i bin tok Bogenvil Pis Agrimen em i wanpela karamap na ol planti hap hap i sapotim wanpela arapela.

"Em i bikpela samting long olgeta i wokim hap bilong ol na muv i go fowed. Dispela i karamapim ol bil long go hetim otonomi gavman, indipenden vot na lusim ol gan samting" Foapela memba i bin tok.

VERONICA HATUTASI i raitim

(Palamen) memba long sapotim bil bilong kamapim ol senis long Mama Lo na otonomi gavman i ken kirap.

Foapela memba em long Gavmana John Momis, Deputi Praim Minista na Not Bogenvil memba Michael Ogio, Sentrel Bogenvil memba Sam Akoitai na Saut

FOAPELA Nesanel Palamen memba bilong Bogenvil i singaut long ol



Ol bikman witesim ol eks paitman lusim gan • Ol bikman i sindaun harim ol toktok long taim bilong lusim ol gan long Torukina, Wes Kos Bogenvil. I-r: Nu Silan Hai Komisina em Chris Seed, BPC presiden Joseph Kabui, Bogenvil Afeas Minista Moi Avei, Yunaitet Nesens Obseva Misin bos long Bogenvil Ambaseda Noel Sinclair, Bogenvil Gavana John Momis.

# Plis bai karimaut spesel krismas operesen long Niugini Ailans rijen

NEVILLE CHOI i raitim

PLIS bai strongim operesens insait long Niugini Ailans rijen long Krismas na Nu Yia.

Taim tupela provins i no ting olsem bikpela meknais bai kamap

long dispela Krismas na Nu Yia, ol i strong yet, olsem ol bai putim inap plis long wok insait long Krismas na Nu Yia taim bilong stapim ol lain husat i laik wokim nabaut long taim bilong amamasim Krismas na Nu Yia.

Provinsel Plis Komanda bilong Wes Nu Briten Tom Uapipi i bin tok plis operesen bilong Krismas na Nu Yia bai stat long Desemab 20 na pinis long Januari 4, 2002.

Long operesen, ol provinsel trafik opisa bai wokim ol rot blok long sekim ol ka, Ol CID plis bai bihainim na sekim ol saspek, wokim

ol lek patrol long ol biseria olsem ol stoa hap, ol bisnis eria we i save gat planti raskol i stil long poket bilong ol arapela man na stil pasin.

"Mipela i save olsmepanti pipel long ol ples na ol liklik ailan bai kam long taun long wokim soping bilong ol. Mipela i save tu olsmepanti bai i laik stil na olsem ol opisa bilong mipela bai patrol raun nabaut i stap long ol strit bilong stapim ol trabeli kamap," Sief Inspekta Uapipi i tok.

Em i singaut long pablik long Wes Nu Briten long luksave long trupela mining bilong Krismas na dispela em

long amamasim bon de bilong Jisas na i no yusim dispela sans long wokim trabel. na long selebretim long gutpela rot.

Em i wokim strongpela toktok i go long ol kriminel long noken wokim trabel bikos ol plis bai i no isi long ol.

Long wankain taim, edministreta bilong Nu Ailan Moses Makis i bin tok em i no ting olsem bai i gat planti trabel i kamap long provins long Krismas na Nu Yia.

Tasol em i tok edministresen wantaim plis bai bung na lukluk long Krismas na Nu Yia operesen we bai kamap long provins.

# Nu Ailan baset bai stretim ol rot

BASET bilong Nu Ailan Provinsel Gavman long neks yia i makim sampela projek we bai em i mas karimaut.

Bikpela wan em long rot we provinsel gavman i givim praioriti long en.

Ol bai kirapim na go hetim gen hap rot long Nu Hanova long pinisim olgeta wok long en neks yia.

Ol arapela projek i karamapim 20 kilomita rot long mein koslain bilong meinlen we ol bin lusim bikos i no bin gat inap mani. Ol bai kirapim bek gen ol wok tasol wantaim fanding nau, ol bai pinisim.

Tu long baset, ol bin plenim long

kirapim tupela nupela hai skul long provins.

Provinsel edministreta Moses Makis i tok edministresen i no kisim yet tok orait i kam long Edukesen Dipatmen long dispela samting, ol i katim pinis mani long kirapim wanpela nupela hai skul long Namatanai na narapela long Nu Hanova.

Long wankain taim tu, ol putim long baset nupela jenereta set long daunim hevi we liklik taun bilong Namatanai i save gat long en long pawa belk aut.

Narapela rot projek i stap long baset em long wokim rot na bris long Mussau Ailan.

**Biabia**  
LONG NAIT BIABIA DRIMAN OLSEM EM WIN LONG POKIS...  
FULL HAUS!!  
200000  
POKIES I PAS?  
WAI ZI!

TRAIPELA MONING TRU EM WASWAS NA TEK-OFF IGO LONG KLAB-ZI LONG TRAIM LAK BILONG EM...  
KLAB ZI

TASOL OL SEKURITI PASIM EM...  
YURITIM PEPA TU ZI OLGETA POKIES I PAS...  
WAI ZI!

EM BELHAT NOGUT TRU...  
BIKOS GAVMANI PUTIM BIKPELA TAKIS LONG OL!  
G\*Z! NAI MI KLIA! OL ISAVE OLSEM BAI MI WINIM JEK POT TUDE NA OL PASIM!



# Wewak plis i holim biknem raskolman

**FAY DUEGA i raitim**

PLIS long Wewak i holim wanpela biknem trabel man long wiken. Dispela man i gat rekot long planti bikpela trabel insait long Is Sepik provins long sampela taim i kam inap nau.

Plis i ting dispela man em Robin Dambui krismas bilong em namel long 24 na 25 bilong Bararat ples long Kubalia long Yangoru distrik. Plis i holim em long las wik Sarere long moning taim long Nuwigo setelmen.

Provinsal Plis Komanda Leo Kubaleo i tok dispela man ol i holim em plis i ting i gat nem long ol bikpela trabel olsem stil, brukim haus na stua, kilim man i dai, stilim ka na ronawe na holim meri na bagarapim.

Suprintenden Kubaleo i tok ol plisman bilong em i holim dispela man taim ol i karimaut spesel operesen bilong Krismas na Nu Yia.


Mista Kubaleo i tok taim ol plisman i bin holim dispela man, em i bin gat wantaim em wanpela point 38 faktori pistol na

wanpela hom med sotgan.

Plis i holim em na lokim em long Wewak plis rum gad long wetim kot bilong em long kamap.

Suprintenden Kubaleo i tok Wewak taun i bin stap isi na nogat nois o trabel nabaut long dispela taim ol i bin holim Dumbui long las wiken.

Provinsal Plis Komanda i tok ol plisman long provins j redi na sambai long karimaut wok bilong lukautim lo na oda long dispela taim bilong Krismas na Nu Yia. Dispela operesen i wok long ron gut i kam.



• Dispela pikinini meri ya i kisim presen bilong em long han bilong komyuniti lida bilong Paparom. Las wik Paparom komyuniti skul i bin wokim klos ap bilong skul bilong em long dispela yia.



• Liklik meri ya em sem wantaim na kisim presen bilong em long han bilong Komyuniti Liaison Opisa bilong HELP Resources Balthazar Sau.

## Statim bisnis kos i kamap long Aitape

**JACKLEEN TILI i raitim**

Wanpela kos bilong statim bisnis i bin kamap long Aitape long namba wan taim tru na i bin ron inap tupela wik olgeta. Dispela kos em ol i kolim Start Your Business (SYB) o Statim Bisnis bilong Yu. Opis bilong Komes na Industri i go pas long kamapim dispela kos.

SYB program ya i helpim ol manmeri husat i kamap long kos long kisim save long statim ol liklik wok bilong ol yet. Kos ya i soim ol rot bilong bihainim isi isi long mekim liklik wok bilong ol i groa na kamap bikpela.

Trena bilong kos Martin Kevi husat i wok wantaim Komes na Industri i tok ol i traim long ol i traim long skulim ol manmeri long ol namba wan step bilong bihainim.

Mista Kevi i tok ol manmeri husat i kamap long kos ya i laki long go aut wantaim pepa o setifiket we i gat luksave long ol arapela ovasis kantri. E i tok 84 kantri long wol i save yusim dispela wankain trening program ria

Papua Niugini wantaim Fiji tu i save yusim dispela wankain trening program.

SYB program i sut long helpim ol manmeri i kamapim ol liklik bisnis bilong ol yet na lainim ol rot na step bilong mekim dispela bisnis i groa insait long wanem kain hap ol i stap long en.

Dispela projek em AusAID i putim mani long mekim i kamap na Intanesenel Leba Opis i karimaut na PNG gavman aninit long Tred na Industri opis i go pas long kamapim.

UNDP opis i save lukautim na stretim ol program bilong dispela kos.

Mista Kevi i tok Small Business Development Coporation i givim K4,200 long kamapim dispela kos.

Em i tok em i putim aut toksave long kisim 50 manmeri i kamap long kos tasol ol i kisim tasol 20 manmeri bikos mani bilong lukautim kos ya i inap tasol long 20 manmeri.

Em i tok aidia bilong statim bisnis i no isi long kamap wantaim olsem na ol i save skulim ol manmeri long rot bilong brukim mani, wanem hap mani bai i

kam long en, makim bisnis yu laik kamapim na ol arapela bikpela samting tu bilong kirapim wok bisnis.

Wanpela man insait long dispela kos Kelly Walpui i tokim ol lain bilong em long kos olsem ol i mas lukluk long yusim ol risos ol i gat long statim bisnis bilong ol yet.

Em i tok yumi gat olgeta samting yumi i gat i stap olsem na yumi ino ken painim bikpela mani. Statim bisnis wantaim wanem samting yu i gat.

Mista Walpui em presiden bilong Aitape Disebel Pipels Ogenaisesen we i gat kredit skim bilong ol disebel lain i ken kisim mani long kamapim ol liklik wok bisnis bilong ol wantaim.

Aitape Lumi Distrik Edministreta Martin Selmatin i bin givim aut ol setifiket long ol manmeri husat i kamap na sindaun long dispela kos.

Em i tok em i amamas long lukim olsem sampela meri tu i sindaun long dispela kos.

Em i tokim ol manmeri long yusim wanem samting ol i lainim na i noken tarim dispela save i lus nating.

## Is Sepik nogat provinsel edministreta

**PEKU PILIMBO i raitim**

BIHAIN long saspending bilong Is Sepik provinsel edministreta, Nelson Angrabos gavman i no makim wanpela man yet husat inap kisim ples bilong em.

Nau yet Raymond Kamanabi i stap olsem Keateka edministreta tasol nogat wanpela man i save sas ol i putim a rausim Mista Hangrabos olsem Edministreta bilong Is Sepik provinsel gavman.

Gavana Aurther Somare husat rausim Mista Hangrabos i no tok klia yet wanem taim ol bai makim nupela edministreta bilong provins.

Wok bilong edministreta long ol provins em Nesenel Eksekutiv Kaunsel (NEC) i

save makim bihainim long ol i kisim nem i kam long provinsel eksekutiv kaunsel (PEC). Dipatmen bilong Pesenel Menesmen (DPM) i save stap insait long makim edministreta.

PEC i save salim nem bilong tripela man i go long DPM na aninit long toksave bilong NEC ol i save makim wanpela man na salim i go bek long PEC. Wantok i bin traim kisim toktok long seketeri bilong Dipatmen Peter Tsiamalili tasol em i stap long wanpela miting na i no stap bilong givim aut toksave long wanem samting bai kamap.

Pablik Sevis Komisin i tokaut olsem ol i no save stap insait bilong makim husat man bai kamap edministreta long ol provins.

Planti manmeri long Is Sepik i no klia yet husat man i go pas

long lukautim wok bilong provins na planti i bin askim Gavana Somare long tokaut.

Wanpela man i tok aninit long lo bilong pablik sevis, man husat go pas long rausim wanpela gavman opisal i mas sasim em. Na tok aut long wanem hevi i stap na ol i rausim em olsem.

Aninit long wankain lo em i mas tokaut aninit long 21 de na noken surikim taim i go longpela.

Wantok i traim toktok wantaim Gavana Somare tasol em i bin stap long palamen bung long Pot Mosbi na i nogat taim.

I luk olsem Gavana Somare bai go bek long provins dispela wik na em bai tok klia long dispela hevi bilong provins.

Keateka provinsel edministreta i nogat pawa bilong yusim tok orait bilong em long rausim mani na wok long provins.

• Dispela liklik manki em i wokim gret wan. Stat long skul long dispela yia inap long klos ap bilong skul, dispela pikinini i no save wanem samting em hangre. Moning tru em i save lus lain long haus na kamap long skul long kisim save. Long dispela tasol na olgeta lain long skul i kolim em Nesinel Battery o raun long win tasol. Boi ros i kisim prais bilong atendens long han bilong Pasto bilong SSEC sios long Paparom.



• Ol sumatin gret 4 na 5 i kisim poto bihain long presentesjin long klos ap program bilong ol.



# Nem bilong God bai stap long Kina na Toea sapos APP i win

**JOHN NILLES KOLIO i raitim**

SAPOS Edvens PNG Pati (APP) i kisim gavman bihain long 2002 Nesenel Ilekse bai em i raitim nem bilong God long mani bilong yumi Kina na Toea.

APP Presiden Mista Bonny Igime i tok olsem PNG i wanpela kristen kantri na long givim biknem na amamas long lukautim bilong God long yumi bai APP i putim men bilong God long Kina na Toea bilong yumi taim APP i kisim gavman neks yia.

Amerika wanpela tasol i wanpela kantri insait long wol husat i gat nem bilong God long mani bilong em. Mani bilong Amerika i ritim; "Insait long God yumi Bilip."

Mista Bonney Igime i tok, "Mi bilip olsem long dispela tasol na Amerika i kamap wanpela strongpela na pawa kantri."

"PNG bai kamap namba tu kantri long wol bihain long Amerika long tokaut long God antap long mani bilong em. Dispela em i namba wan samting APP bai mekim taim em i kisim gavman," em i tok.

Em i tok, "God em strong bilong yumi wanwan na God i strong bilong kantri bilong yumi tu olsem na APP i plen long putim 'God i stap olsem strong bilong Mipela' (Inggris: God is our Hope) antap long mani bilong yumi.

APP i no tokaut stret sapos dispela em i wanpela kempen polisi bilong em long 2002 Nesenel Ilekse.

Tasol Palamen lida bilong APP na Minista bilong Lens Charlie Benjamin i tok dispela toktok bilong pati presiden em tingting bilong em yet na i no makim tingting bilong pati olgeta.

# PPP makim Tari Pori Kendidet

PIPEL'S Progres Pati i givim tok orait long wanpela kendidet bilong em long sit bilong Tari Pori insait long Sauten Hailans Provins.

Jenerel seketeri bilong PPP Mista Emos Daniels i tok pati i amamas long kisim Mista James Marape long 2002 nesenel ilekxen.

Nem bilong kendidet em Mista James Marape husat i bilong ples Pai insait long Tari.

Mista Marape i gat Digri o pepa bilong skul em i kisim taim em i skul long Yunivesiti bilong Papua Niugini. Em bin wok olsem Asisten Seketeri bilong Dipatmen bilong Pesenel Menesmen na em i no pes taim bilong em long wok wantaim PPP. Pastaim em i bin wok wantaim PPP olsem fainensel memba bilong olsem na PPP i gat sampela save long em.

Jenerel Seketeri bilong Pati, Mista Emos Daniels i tokaut olsem Pati i amamas long makim wanpela strongpela na gutpela man olsem Mista James Marape.

Papa na Presiden bilong Pipel's Progres Pati Sir Julius Chan wantaim memba bilong Mendi na Palamen lida bilong PPP Michael Nali, Gavana bilong Sauten Hailans

Anderson Agiru, memba bilong Komo Magarima, Alfred Kaiabe na klostu inap long 400 sapota bilong Tari Pori ilektoret ol i stap long Pot Mosbi na i kam long lukim dispela endosmen o sapot bilong Mista James Marape olsem wanpela PPP kendidet.

Pipel's Progres Pati i makim ol arapela kendidet pinis we namba i go antap long 50.

# Melanesian Pipels Pati i opim brens long Wewak

MELANESIAN Pipels Pati (MPP) i opim brens bilong em long Wewak, Is Sepik provins long las wik Fraide.

Antap long astingting bilong pati em, Kirapim Na Stretim Sepik. Dispela bung bilong MPP long Wewak taun maket i pulim planti manmeri mak olsem 5000 insait long Is Sepik na sampela i kam tu long Wes Sepik provins.

Oi manmeri i singaut na amamas na karim pati lida husat em rijinol memba bilong Sandaun provins John Tekwie artap long sia na i go long ples

bilong bung. Singsing grup tu i meknais wantaim ol singsing na dānis bilong ol long pulim ol bikman i kam long ples bung.

Pati lida John Tekwie i tok dispela opim bilong pati brens long Sepik i makim nupela mak na senis long politiks bilong Sepik pipel. Dispela i makim pinis bilong olupela Sepik stail bilong lidasip we i no wok strong moa long makim laik na tingting tru bilong ol pipel. Long dispela as, Sepik i no bin develop na ino bin kisim gutpela sevis i kam longpela taim olsem na

nau ol pipel i muv long kisim nupela rot na nupela senis long kisim bek strong, luksave na nem bilong Sepik gen.

Mista Tekwie i tok olupela stail bilong Sepik lida long larim kantri i groa na lusim tingting long stretim gut banis bilong em yet i mas pinis. Em i singautim olgeta Sepik long kam bek na helpim long kirapim bek Sepik. Em i tok sapos olgeta saveman bilong Sepik i kam bek na bung wantaim em nau bai ol i ken lukim gutpela senis tru i kamp long rijon.

Em i tok planti pati i gat kainkain polisi na tingting bilong ol tasol long bikpela plen bilong MPP em long kirapim tru wok bilong bisnis o indastrielaiesen we dispela i ken bringim bisnis developmen i kam long senisim na stretim gut laip na sindaun bilong ol manmeri.

MPP i redi long muv i go long Madang na Is Nu Briten provins long opim brens bilong em long hap na bihain kamapim bikpela nesene konvensen bilong em long Vanimo long Januari neks yia.

## CTP INSURENCE PE E GO UNTAP *wantaim statutori levi na tax*

MOTOR VEHICLES INSURANCE LTD TOKSAVE LON OL MANMERI OLSEM NIUPELA PEI WE MIPELA SOIM TAMBLO BAI STAT LON TUNDE NAMBawan DEI LON MUN JANUARI YIA 2002 DISPELA IGO WANTAIM MOTOR VEHICLE INSURENCE (THIRD PARTY) (AMENDMENT) LO 2000

Premium Class	Vehicle Description	2001 Rate	2002 Rate	INS levy 1.0%	NRSC 5.0%	Sub Total	Stamp Duty 6.50%	Sub Total	VAT 10%	Total Premium Payable
10	Sedan - Private Use	187.50	234.38	2.34	11.72	248.44	16.15	264.59	26.46	291.05
11	Station Wagon - Private Use	187.50	234.38	2.34	11.72	248.44	16.15	264.59	26.46	291.05
12	9 Seater Van - Private Use	265.63	332.04	3.32	16.60	351.96	22.88	374.84	37.48	412.32
13	Sedan - Religious Use	187.50	234.38	2.34	11.72	248.44	16.15	264.59	26.46	291.05
14	Station Wagon - Religious Use	187.50	234.38	2.34	11.72	248.44	16.15	264.59	26.46	291.05
15	9 Seater Van - Religious Use	265.63	332.04	3.32	16.60	351.96	22.88	374.84	37.48	412.32
16	Sedan - Medical Practitioner	187.50	234.38	2.34	11.72	248.44	16.15	264.59	26.46	291.05
17	Station Wagon - Medical Practitioner	187.50	234.38	2.34	11.72	248.44	16.15	264.59	26.46	291.05
18	9 Seater Van - Medical Practitioner	265.63	332.04	3.32	16.60	351.96	22.88	374.84	37.48	412.32
19	Ambulance - Hearse	187.50	234.38	2.34	11.72	248.44	16.15	264.59	26.46	291.05
20	Sedan - Business Use	218.80	273.50	2.74	13.68	289.92	18.84	308.76	30.88	339.64
21	Station Wagon - Business Use	218.80	273.50	2.74	13.68	289.92	18.84	308.76	30.88	339.64
22	Buses - Less than 9 Seats	265.63	332.04	3.32	16.60	351.96	22.88	374.84	37.48	412.32
23	Station Wagon - SWB - Private Use	187.50	234.38	2.34	11.72	248.44	16.15	264.59	26.46	291.05
24	Station Wagon - SWB - Business Use	218.80	273.50	2.74	13.68	289.92	18.84	308.76	30.88	339.64
25	Station Wagon - LWB - Private Use	265.63	332.04	3.32	16.60	351.96	22.88	374.84	37.48	412.32
26	Station Wagon - LWB - Business Use	453.13	566.41	5.66	28.32	600.39	39.03	639.42	63.94	703.36
30	Utility - Business Use	453.13	566.41	5.66	28.32	600.39	39.03	639.42	63.94	703.36
31	Van - 9 Seats or Less	265.63	332.04	3.32	16.60	351.96	22.88	374.84	37.48	412.32
32	Van - Exceeding 9 Seats	453.13	566.41	5.66	28.32	600.39	39.03	639.42	63.94	703.36
33	Trucks	453.13	566.41	5.66	28.32	600.39	39.03	639.42	63.94	703.36
34	Buses - More than 9 Seats	453.13	566.41	5.66	28.32	600.39	39.03	639.42	63.94	703.36
35	Public Motor Vehicle ( PMV )	453.13	566.41	5.66	28.32	600.39	39.03	639.42	63.94	703.36
36	Taxi - Commercial	265.63	332.04	3.32	16.60	351.96	22.88	374.84	37.48	412.32
37	Rental / Hire Car	265.63	332.04	3.32	16.60	351.96	22.88	374.84	37.48	412.32
38	Driving School Vehicles	265.63	332.04	3.32	16.60	351.96	22.88	374.84	37.48	412.32
39	Mobile Crane - Tractor	172.00	215.00	2.15	10.75	227.90	14.81	242.71	24.27	266.98
40	Utility - Private Use	265.63	332.04	3.32	16.60	351.96	22.88	374.84	37.48	412.32
45	Utility - Exceeding 9 Seats	453.13	566.41	5.66	28.32	600.39	39.03	639.42	63.94	703.36
50	Trade Plate	172.00	215.00	2.15	10.75	227.90	14.81	242.71	24.27	266.98
60	Motor Cycle	133.00	166.25	1.66	8.31	176.22	11.45	187.67	18.77	206.44
70	Trailer	78.13	97.66	0.98	4.88	103.52	6.73	110.25	11.02	121.27
	Any change to existing policy	37.50	46.88	0.47	2.34	49.69	3.23	52.92	5.29	58.21



# Yaki askim ol lida long bungim Sauten Hailans

PLANTI trabel i kamap long Sauten Hailans na namel long olgeta dispela hevi em lalibu-Pangia memba Roy Yaki i singaut long olgeta lida long provins olsem ol i mas wok strong bungim provins na olgeta pipel.

Mista Yaki em pes memba long kamaut klia na toktok long gutpela sindaun i mas kamap gen long provins we planti hevi i wok long kamap nau.

"Posisen bilong mi em i klia oslem Sauten Hailans i nidim gutpela sindaun nau na ol nesenel lida i mas bungim tingting long helpim provins long kisma gutpela sevis," Mista Yaki i tok.

Em i tok yet olsem dispela kain politikis bilong provins i stap yet long bik taun bilong provins Mendi na ol ilektoret bilong em na pipel i wok long kism taim tru long nogat sevis i go long ol.

Mista Yaki i tok bipo yet kain pait i mekim na ol pipel bilong lalibu-Pangia i nogat gavman sevis na ol baset mani bilong ol tu i no save go gut long ol na dispela em i laik i mas stop.

Em i tok maski ol lida i noken tingting tumas long posisen na taitel ol-i laik holim bikos taim ol i mekim olsem ol pipel i wok long kism taim yet.

Mista Yaki i tok nau dispela bikpela hevi i



• Memba Roy Yaki i askim ol pipel na lida long Sauten Hailans i mas bungim long stapim long provins.

kamap long provins i no mas lukim ol lida i bruk nabaut na kism sait bilong ol yet tasol ol i mas bungim olgeta pipel na wok hat long kamapim gutpela sindaun na bel isi long ol pipel.

Em i tok em i bin mekim dispela singaut i go long ol narapela lida na bipo gavana Anderson Agiru tasol ol i no bin kism toktok bilong em na bung long toktok long provins.

Mista Yaki i tok em i bin askim ol lida long bung na toktok long wanem samting ol i mas mekim long kamapim gutpela sindaun long provins na maski long kain politikis bilong ol yet.

# Hom bru bia bagarapim hailans

BIKPELA singaut i go long ol hailans komyuniti lida long ol i mas traim long helpim long stapim pasin bilong man i mekim hom bru o bia ol yet i save mekim long salim na dring.

Seif Lika Laisensing Komisina Wilson Thompson i tok ol opisa bilong em i bin mekim wanpela wok painimaut dring we i ken bagarapim laip bilong ol tasol opis bilong em i nogat risos inap long stapim dispela problem.

"Planti pipel i save mekim moa profit long hom bru dring. Mak bilong alkohol i antap tumas. Ol komyuniti i mas helpim long stapim dispela," Mista Thompson i tok.

Em i tok Minj na Banz eria long Westen Hailans provins em planti kain wok bilong mekim bia i save kamap na planti pipel i save go long dispela tupela taun long baim bia long ol.

Mista Thompson i tok planti pipel i no tingting gut na kism dispela dring we i ken bagarapim laip bilong ol tasol opis bilong em i nogat risos inap long stapim dispela problem.

Em i tok ol sios grup na Pis na Gud Oda Komiti i ken helpim sapos ol i toktok wantaim ol lain husat i save mekim ol hom bru.

"Dispela pasin bai bagarapim komyuniti

na ol i mas stapim dispela bikos hevi bai kamap long ol yet," Mista Thompson i tok.

Em i tok ol i mekim wok painimaut yet long olgeta hailans rjen long lukim olsem wanem dispela lika ban i bin helpim ol pipel na wanem kain senis i kamap wantaim ban.

Bihain long ol i mekim wok painimaut bai ol i givim las ripot i go long kabinet long mekim ol senis.

Dispela lika ban i bin stap long olgeta hailans provins tasol lsten Hailans tasol em nogat lika ban.

Ban i bin kamap bikos gavman i ting olsem planti hevi we i

# Ol Hailens lida i laik soim olsem ol i nogat rong

WANPELA olpela sumatin lida i laikim ol lain ol manmeri i bin saspektim ol long mekim trabel mas sanapim long kot hariap na larim ol yet i tokaut olsem ol i no mekim trabel.

Wanpela taim Presiden bilong Nesenel Yunien ov Studens (NUS) Joseph Taso i tok: "I mas gat ol strongpela lo long ol lain ol manmeri i bin saspektim ol long mekim trabel bilong soim sapos ol i mekim trabel o nogat long ai bilong ol kot.

"Ol saspek mas sanap long kot na tokaut stret sapos ol i bin mekim trabel o nogat. Sapos ol i no tokaut stret bai lo i mekim save long ol. Dispela bai helpim komyuniti," Mista Taso i tok.

Em tok dispela bai mekim wok bilong ol plis prosekyuta i kamap isi tru bikos planti taim ol lain bilong mekim trabel i save paulim kot.

Mista Taso i tok ol plis i no save amamas taim ol i holim pasim ol saspek na bihain ol i save lukim ol gen long strit. Dispela i save westim

taim bilong ol.


Em tok gen olsem plis man o meri i laik trense o go long liv mas noken kism keis long kot bikos em i gat inap sabmisen long kot. Dispela bai daunim ol kos.

"Ol witnes mas raitim ol evidens bilong ol long pepa sapos ol i les long sanap long kot. Planti ol witnes i no save sanap long kot long givim evidens bilong ol bikos ol i save pret nogut ol birua i atekim ol," said Mista Taso.

Em tok olsem ol lain bilong mekim trabel bai kism taim. Ol bai i stap long kalabus sapos ol i no givim ol evidens bilong soim olsem ol i no mekim rong.

Mista Taso i tok olsem em i isi tru long mekim asua long sutim tok nating long ol manmeri i no save mekim trabel na kalabus i save pulap tru long kantri.

Mista Taso em i bilong Wabag na wanpela praivet sitisen i bin salim submisen i go long Lae long opening bilong wanpela forum.



Lukautim bataflai

• Dispela man bilong Minj i soim bokis we ol bataflai i wok long gro i stap. File foto.

# Kot rausim Tomiape olsem gavana

NESENEL kot long las wik i rausim Tom Tomiape olsem nupela gavna bilong Sauten Hailans na makim namba tu gavana bilong provins Wombi Nondi olsem Gavana bilong Provins inap long Gavana Anderson Agiru i winim kot bilong lidasip traibunal.

I no long taim i go pinis Agiru i bin winim kot bihainim saspensen bilong em olsem Gavana long Oktoba 1999 tasol kot bilong lida i painim sampela haus wantaim em.

Minista bilong Pablik Sevis na memba bilong Nipa Kutubu Philemon Embel wantaim memba bilong Kagua Erave David Basua, minista bilong Envaironmen na Konsevesen na memba bilong Koroba Kopiajo Herowa Agiwa i bin makim memba bilong Tari Pori Tom Tomiape olsem gavana.

Tasol Nesenel Kot i tok namba tu gavana bai wok i stap inap Anderson Agiru i pinisim kot bilong lida na i kam bek.

Kot i bin tok olsem gavana ol pipel makim i no dai yet na i no gutpela long makim nupela gen. Taim gavana

tru i stap aninit long kot, namba tu bilong em bai mekim wok bilong gavana.

Tasol narapela wik i go pinis nesenel kot i bin pasim tu pasbuk bilong Sauten Hailans provinsel gavman wantaim K4 milien i stap yet bilong dispela yia.

Insait long tupela krismas olgeta Sauten Hailans i bin stap long hevi. Pasin bilong pilai politikis long provins i bagarap tru sevis i go long ol pipel.

Insait long sotpela taim i bin gat kainkain edministreta husat traim stretim hevi bilong provins tasol i hapim hevi bilong provins i go antap.

Nau tasol pait bilong kism sia bilong gavana na edministreta i stap paul na olgeta i sanap long nesenel kot bai tokaut wanem hevi i stap.

Planti manmeri luksave olsem sevis i go long ol pipel i bikpela samting tasol ol lida i ting olsem ol wok ol i holim em bikpela moa long ol pipel.

Mista Tomiape i lusim sia bilong Gavana bihain tasol long ol i makim em i go insait tasol luk olsem pait bilong kamap gavana na edministreta bilong provins i no inap pinis hariap.

# Trabel pait bagarapim Mendi taun

MENDI taun i bagarap tru bihain long trabel pait namel long Unjimap na Tugumap wanpisin i bruk i kam insait long taun eria.

Moa long 22 man i dai pinis namel long pait, Amas man long wanem sait i no klia yet bikos taim tasol Ujimap lain i kukim haus na ronim ol Tugumap i go daun olsem long Wara Mendi na sutim planti, inap long 14 man na ol i pulim bodi bilong ol i kam aut logn wara bihain.

Sampela hap ripot i kam long Mendi soim olsem olgeta ples arere long Tete, Momei oval, Haus sik na Mendi Hai Skul i bagarap.

Wanpela ai witnes i tok pait man i kukim pinis sampela klasrum bilong Mendi Hai Skul na olgeta nes na arapela wok manmeri bilong gavman na ol bisnis husat slip jong sait bilong Tente i ronawe pinis.

Ol pait man i tok haus sik i mas noken op. Sapos ol i opim bai ol i kam kukim haus. Haus sik i salim man-

meri wantaim bikpela sik i kam long Mt Hagen, lalibu na i go olsem long Tari haus sik.

Sampela sik manmeri i ronawe lusim haus sik na i go bek long ples bilong ol.

Dispela hevi i stat las wik tasol i gat bilip olsem dispela em wankain pait we i bin kamap namel long 1998 na 1999 we lukim sampela haus na bisnis i paia na planti man i dai tu.

Hap bilong dispela kros i kamap bikplea gen las wik taim ol Unjimap haus lain i kam bagarapim ol lain long Tugumap. Plis i no tok aut amas man i dai tasol i gat bilip olsem 14-pela man i dai taim pait i stat i kam inap nau.

Planti milien kina mak bilong haus, kaikai, bisnis na manmeri i bagarap long dispela birua pasin.

Planti pablik seven na famili bilong ol husat save slip long Tente i lusim pinis haus bilong ol na ronawe pinis.

Ol wok manmeri bilong Mendi taun i pret long laip bilong ol na i stap bikos pait lain i kam insait long taun.

Sindaun bilong mama pikinini i save bagarap taim ol ronawe na man bilong narapela haus lain i save pulim meri na mekim pasin nogut. Planti pik, dok na gaden tu save bagarap long taim bilong trabel pait.

Planti pikinini na

mama i no save kaikai gut na planti naispela yangpela man i save dai nating long pait.

Stori i kam olsem planti pait man i wok long yusim ol strongpela gan bilong fektori we inap kilim planti man. Taim bilong pait olsem ol pipel i save askim wanem hap tru ol pait man i save kism ol bikpela pawful gan olsem bikos prais bilong ol gan ya i bikpela tru.

**SEOUL HOUSE**  
KOREAN RESTAURANT



Individual  
Bar-B-Q Plates  
at each table

**EXCLUSIVE PRIVATE ROOMS**

**TRADITIONAL KOREAN DISHES**

**AUTHENTIC JAPANESE MENU**

**SELECT FINE WINES**

**HABBANA CIGARS**

**7 DAYS DINING**

**Ph: 325 2231 / 325 2078 Fax: 325 1929**

EAST BOROKO ENTRANCE

WBC

AIRPORT

WAGARI

SEOUL HOUSE

HARDY MURRAY HWY

FIVE MILE

4TH AVENUE

BOROKO

Section 12, Lot 9.

Hubert Murray Hwy, Five Mile



## Tutumang kamapim lo long helpim ol pasto na evenjelis

MORobe gavman i pasim lo long givim pe long olgeta pasto, ol evenjelis na ol sios woka insait long olgeta distrik long olgeta yia. Dispela nupela lo em ol i kolim Miti Grent Lo bilong 2001.

Gavana Luther Wenge i tok dispela lo i kamap pinis na gavman bilong em i putim K15,000 long wanwan lokol level gavman kaunsil eria long helpim ol pasto na ol evenjelis wantaim sampela kain pe bilong helpim ol wantaim laip na sindaun bilong ol taim ol i go het long mekim wok bilong ol wantaim pipel.


Mista Wenge i tok dispela em lo na olgeta yia bai dispela helpim i mas kamap olgeta taim insait long baset bilong Morobe provins taim Provinsal gavman i kamapim baset.

Morobe gavman i brukim K10,000 i go tu long helpim ol wok bilong agrikalsa long wanwan distrik o lokol gavman kaunsil eria na K10,000 i go tu long helpim wok bilong ol mama na yut insait long wanwan kaunsil eria.

Wanwan kaunsil eria bai kisim K70,000 long ol wok bilong ol na bungim olgeta, wanwan kaunsil eria bai kisim olsem K105,000 long neks yia 2002 provinsal baset.

Gavana Wenge i tok dispela Miti Grent em namba wan taim tru long gavman bilong Morobe long kamapim long helpim wok bilong sios insait long provins. Na dispela Miti Grent em bilong helpim olgeta sios na i no wanpela sios tasol.

Mista Wenge i tok Tutumang i makim tu wanpela komiti bilong ol pas long lukautim na skelim dispela mani i go long wanwan kaunsil eria na lukim olsem ol dispela wok i kisim



• Gavana Luther Wenge.

stret dispela mani bilong ol we gavman i brukim pinis insait long baset.

Taim Provinsal Afeas Minista Mathias Karani i kisim dispela nupela lo bilong Miti Grent na oraitim, em nau bai Morobe gavman i karimaut dispela lo taim em i skelim ol mani bilong 2002 baset.

Wantok i askim long nogut ol pipel i kisim tingting olsem dispela em wanpela gris baset bilong pulim sapot bilong ol pipel long 2002 nesenele ileksen. Tasol Mista Wenge i tok dispela lo bilong Miti Grent i no kamap nau tasol. Gavman bilong em i bin statim dispela helpim i go long ol sios wokman long 1999. Inap nau ol i pasim na kamapim lo stret. Nupela provinsa gavman i no inap egensim na brukim dispela lo inap ol yet i kamapim amenmen o kamapim senis long senisim dispela lo.

## Tutumang pasim K81 milien baset bilong provins

### YAKAM KELO i raitim

MORobe Provinsal Gavman i brukim pinis K81.439 milien provinsal baset bilong neks yia 2002 long Mande dispela wik.

Dispela baset em nesenele gavman bai givim K51.054 milien na Morobe gavman bai kamapim K30.387 milien insait long provins yet na bungim wantaim bai kamap K81.439 milien bilong 2002 baset.

Baset bilong dispela yia 2001 em nesenele gavman i bin givim K53,849,300 tasol baset yia i kam daun long K51.439 milien. K2,797,900 i daun long baset bilong neks yia.

Morobe provinsal gavman i bin makim K33 milien long dispela yia baset tasol nau em i daunim i kam daun long K30.387 milien. K3 milien i daun long baset bilong neks yia.

Morobe Gavana Luther Wenge i tokim Wantok olsem baset bilong dispela yia 2001 i no bin kamap tru bikos nesenele gavman i no bin givim stret dispela K53 milien em i makim long givim insait long baset. Ol i bin givim tasol K10 milien na dispela daunim tru planti wok na program bilong Morobe provinsal gavman long karimaut long dispela yia we i lukim planti projek i kisim taim.

Olsem na mipela i daunim mak bilong baset i kam daun liklik we dispela i soim tru amas mani inap kamap stret long sait bilong provinsal gavman. Tasol mipela bai pret tasol sapos nesenele gavman bai i no inap givim stret dispela K51.054 milien long neks yia olsem em i mekim long dispela yia, Gavana Wenge i tok.

Sapos nesenele gavman i no givim stret dispela K51 milien, bai planti planti wok na projek bilong provins i bungim hevi gen long sait bilong mani long neks yia. Na dispela i no asua bilong Morobe gavman tasol em asua bilong nesenele gavman, Gavana Wenge i tok.

Morobe gavman i brukim dispela

• K30 milien bilong em i go long helpim ol bikipela wok we i save kamapim sevis na developmen insait long provins.

• Em i brukim mani long helpim wok bilong Radio Morobe wantaim K400,000. Em bai lukautim tu wok bilong Buimo haus kalabus, plis, Agrikalsa, stretim gen Lae Eben Distrik opis we i bin paia na ol arapela gavman sevis olsem.

Morobe gavman i skelim mani tu i go long helpim:

• Ahi Len Mobilaisesen program wantaim K100,000 bilong ol i ken rejistaim graun bilong ol,

• K250,000 i go long ol nupela distrik stesin,

• K150,000 i go long las fisibiliti stadi bilong wel pam projek namel long Morobe na Kerama,

• K100,000 bilong putim kolta long Wau Bulolo na Gagidu taun na

• K57,000 bilong stretim gut ol dispela taun bai ol manmeri i ken kamap long kisim sevis long dispela taun tasol na go bek long ples na i no ken hat wok long go long Lae.

K160.000 i go long Maus Morobe Asosiesen long lukautim wok bilong sekuriti long Lae siti na ol setelmen.

Mista Wenge i tok yumi ino inap wetim nesenele gavman olgeta taim long stretim ol sevis na developmen long provins bilong yumi. Olsem na mipela yet i mas tingting long kamapim ol samting i ron gut long provins na ol distrik bilong mipela long givim gut sevis i go long ol pipel bilong yumi, em i tok.

Gavana Wenge i tok olgeta kaunsil presiden i amamas long dispela baset na olgeta i votim baset yia long Haus Tutumang long Mande dispela wik.

Bai Gavana i karim dispela 2002 baset plen bilong Morobe provins i go givim long Praim Minista Sir Mekere Morauta long dispela wik long Mosbi.

## Man Kabwum kamap pailot bilong MAF balus

THOMAS Keindip bilong Kabwum distrik insait long Morobe provins kisim blessing bilong bikipela long han bilong ol Luteran na Pasto bilong Betel Inglis Kongrikesen bilong Hagen Distrik ELC-PNG.

Thomas em i bilong Ukata distrik, we ol ELC-PNG sios distrik i stap insait long en.

"Taim em i liklik manki yet em i bin stap isi long Luteran sios na go long skul i kam inap nau long em i pinisim pailot trening bilong em na bai plai antap long skai wantaim wanpela MAF balus," Pasto Antoni Awi bilong Jiwaka distrik i tok.

Pasto Antoni bin makim maus bilong Evejelikal Luteran sios bilong Papua Niugini na tok, "Taim Thomas askim laik bilong ELC-PNG long kisim tok orait na go moa long em laik i go long Pailot trening, planti hetman olsem 40-memba bilong ELC-PNG het Opis long Lae bin bung na tok orait long Tomas ken i go long MAF Pailot trening."

"Mipela amamas nau olsem dispela i karim kaikai na nau wanpela pikinini bilong ELC-PNG bai kamap pailot na mekim wok bilong bikipela insait long kantri we rot bilong ka i hat tumas, Pasto Antoni i tok.

Pasto i tok "nau mi makim maus bilong

ELC-PNG na opisali givim Thomas Keindip i kam long han bilong MAF long em i ken mekim wok wantaim yupela. Tomas yu ken go wantaim dispela baibel ves long buk long 34:1-9 na mekim wok wantaim MAF."

Man i go pas long kisim ol man long wok wantaim MAF Kos Umion i tok, MAF i bin stat long 1351 bhain long ol manmeri stap insait long kantri bipo i bin painim hat long i go aut long ol ples we ol man i bin stap long en. PNG em i pulap long ol bikipela maunten, wara na ol tais, olsem na olgeta manmeri bilong wanwan sios bungim tingting long statim wanpela babus kampani long mekim wol misin bilong ol."

Em i tok, "Ol dispela misineri i no bilong wanpela sios o bilong wanpela hap kantri tasol, nogat. Ol i bilong wanpela narapela kantri na sios tu. Sampela ol misineri i kam long Amerika wantaim SDA sios, sampela i kan wantaim Luteran sios long Jemeni na planti olsem bikos ol i painim hat tru long rot bilong ka olsem na ol i kamap long wanpela tingting long kamapim MAF we nau yupela yet tokim pikinini bilong yupela long join nau."

Mista Umion i tok, mipela save lainim ol sumatin long flaim balus, na tu lainim ol

long tok bilong God."

"MAF i no save lukluk long mekim mani long ol man, nogat MAF i save traim hat long helpim ol turangu manmeri husat i painim hat tru long ol bikiples," Mista Umion i tok.

Em i tok tu olsem bikos MAF em bilong olgeta lotu i stap insait long kantri, MAF i nidim tru ol prea na sapot bilong olgeta sios insait long kantri long em i ken mekim wok yet.

Mista Umion i tok, "Mipela i gat 5-pela Papua Niugini Pailot, wanpela em meri pailot na em i bilong Samarai. Nau Thomas bai mekim 6-pela.

Wanpela 3-pela i stap long trening yet na bai pinisim long klostu bhainim 2-pela bilong SDA sios na wanpela bilong Emanuel distrik lalibu ELC-PNG.

Em i tokim Tomas tu olsem bikipela hap bilong karampim na hat wok i stap yet.

"Em i no isi long mekim dispela wok." Mista Umion i tokim Tomas. Ol bikman bilong MAF husat i stap wantaim long lain bilong Blessing em, Siv Pailot bilong MAF-Loel Dering na flait instrakta bilong MAF-Clint Smith.

Bihain long sevis Thomas Kundip wantaim tupela papamama bilong em ol i givim planti bilum olsem presen i go long ol Bethel Inglis Kongrikesen.



Papua New Guinea's First Bank

### Westpac Bank Mt Hagen stretim ol benk sevis

Westpac i laik toksave olsem bikos long wanpela bikipela stil pasin we i bin kamap long Mt Hagen Sevis Senta long Disemba 5, 2001, olgeta benk sevis bai i no inap kamap inap ol i stretim ol sekuriti hevi pastaim. Dispela bai kisim sampela taim.

Hia em nupela plen benk i mekim long ol kastoma bilong em:

- Bisnis Kastomas i ken kisim ol benk sevis bilong ol wantaim ANZ, BSP o PNGBC. Long stretim dispela plis ringim Menesa bilong wanem benk yu laik kisim sevis long en.
- Kastomas husat i gat Handycard inap long kisim mani bilong ol long ol EFTPOS masin (i gat lo long yu mas bhainim long dispela).
- Ol lain husat i gat Pasbuk Akaun husat i laik kisim mani bai Westpac bai givim ol wanpela Benk Sek (nogat kes mani bai stap long Westpac) long opim wanpela akaun o long kisim kes mani long ANZ, BSP o PNGBC (yu mas gat gutpela aidentifikesen long soim).
- Husat kastoma i laik kisim wanpela Benk Sek i ken kisim long opis bilong benk long Sop 3, Graun Flo WAMPNA Haus namel long 10 kilok moning i go 2 kilok apinun. Mande i go Fraide stat long Fonde Disemba 20, 2001 i go Fraide Januari 4, 2002.
- Ol AGC kastomas inap long mekim AGC pemen long BSP benk long Hagen we ol i makim AGC Window.
- Yu gat moa askim orait yu ken salim i go long Telepon Benking namba 3220 888.

Mipela i sori tru long givim kain sevis olsem long ol kastomas, tasol mipela i gat wok long luksave olsem laip bilong ol wok manmeri na pablik i no ken painim birua bhainim taim. Mipela i laik tu long tok tenkyu long ANZ, BSP na PNGBC long helpim bilong ol.

PLIS KISIM KLIA OLSEM NOGAT KES MANI I STAP LONG BENK BILONG MIPELA LONG MT HAGEN NA OPIS LONG WAMPNA HAUS.

Trevor Wisemantel  
Menesing Dairekta  
Westpac Bank-PNG-Limited



# Madang laik kirapim fiseris projek

MADANG Provinsel Gavman i laik lukim olsem ol pipel bilong em long ples mas wokbung long ol agrikalsa na fiseris projek insait long provins.

Em long wanem em laik lukim olsem ol pipel yet long ples tu mas kisim gutpela helpim long wanem kain mani i kam insait long provins.

Ekting Gavana Mista Pangau Nangau i mekim dispela toktok las wik long taim em presentim K80,000 sek i go long Mista lan Middleton bilong Dylup plente-sen husat i go pas long menesim Bismack Baramandi hia long Madang long helpim ol pipel bilong Sarang viles long setim ap Baramandi pond na presim ol long taim ol bikipela ol ken salim ol na kisim mani.

"Em wanpela gutpela na isi we tru long mekim mani na mi amamas tru olsem yumi gat wanpela Marine Biologist ya em long lan Middleton i stap wantaim yumi hia long provins husat bai helpim yumi long wok bilong yumi," Mista Nengau tok.

Dispela bai kamap wanpela bikipela projek tru long provins long neks 5-pela yia we em ol surikim i go olgeta long Bogia nambis na Madang tu wantaim.

Nau yet em bai bringim olsem K25,000 long wanwan yia long wanwan klen na dispela em bikipela mani long ol lain long rurel eria.

Mista Middleton tok em amamas long wanem samting provinsel gavman i mekim na tok

em bai wok strong na dispela bisnis i no ken bruk daun namel.

Siaman bilong Nesenel Risos Mista Peter Bais man husat strongim dispela bisnis tu gat wankain tingting olsem Mista Middleton.

Deputi Edministreta Mista Galun Kassas i tok, olgeta samting provinsel gavman i mekim em bihainim 5 yia plen bilong Agrikalsa na fiseri.

Em tok em laik lukim tu olsem i mas gat ol ekstensen opis long helpim Mista Middleton long supavaisim dispela projek long ol ples.

Long las wik Japan gavman bin givim 5-pela rais masin long provinsel gavman long wokim rais long provins.

# Telepon sevis bai go long Apa Ramu

OL pablik sevans bilong Apa Ramu long Walium Gavman Stesen bai klostu yusim Telepon sistem long ring olgeta hap long PNG na ovasis tu wantaim.

Dispela bai kamap isi long Walium bikos memba bilong ol Mista George Wan i putim pinis K300,000 pinis long dispela projek.

Em long wanem, em laik lukim olsem distrik hetkwata bilong em mas yusim gutpela telepon sistem na feks masin long toktok wantaim ausait wol long mekim wok bilong ol isi.

Long dispela wik ol bin sainim wanpela MOA wantaim Dairekta bilong opis bilong Rurel Developmen long Mosbi long rausim dispela K300,000 bilong Mista Wan i go long Telepon

long statim dispela DAMA Setelait sistem.

Telepon Meneša Dairekta i no bin sainim long wanem em i makim taim long go tru long dispela MOA.

Telepon Meneša long Madang Mista Leo Wamo i tok wok bai stat taim bos bilong ol sainim dispela MOA agrimen. Na tu long taim ol kisim mani.

Mista Waino tok dispela wok ya bai kisim 2 de 3 wiks samting long pinisim.

Distrik Edministreta bilong Walium Mista Benga Timula tok tenkyu long Mista Wan long bikipela helpim bilong em. Em long wanem dispela nau bai ol wetim taim bilong ol telepon lain long raun i kam long Madang na mekim ol telepon wok gut.

## Mista Alok i kisim wok

• Clan Alok, edministreta bilong i sainim kontrak bilong em olsem edministrata bilong Madang.



# PAP i tok stia long ol Madang kandidate

PIPELS Eksen Pati (PAP) gat strongpela bilip olsem sapos em winim planti sit long neks yia Nesenel lleksen na fomim gavman em bai strongim yuniti bilong PNG na kamapim planti we bilong wokim na bringim moa mani i kam insait long kantri.

Lida bilong PAP Mista Ted Diro i mekim dispela toktok bilong em

long wanpela bung em holim wantaim ol kandidate bilong PAP long Jais Abin Hotel long las wik.

Em tokim ol kandidate ya olsem bikipela samting yumi olgeta mas lukim na bihainim long olgeta mas sevim dispela kantri bilong yumi nau. Sapos yumi no wokim wanpela samting na sevim, em bai yumi olgeta bai bagarapim.

em bikos kantri bilong yumi i go insait long kainkain hevi na sapos PAP kisim gavman em bai yumi bungim PNG na mekim bikipela ekonomi bes bilong em na bringim moa mani kam insait, yumi bai mekim planti wok long

helpim dispela kantri na long sem taim tu helpim na kisim sindaun bilong ol pipel. Mani em ki bilong olgeta samting, Mista Diro i tok.

Mista Diro tok em yet i kam long gutpela bek graun taim kantri i ron gut long menesim i we planti PNG lida nau i go long taim kantri i gat hevi.

Bikos long dispela insait tru long save bilong em, em lukim olsem PAP mas sevim PNG nau bipo olgeta samting i bagarap.

Em tokim ol kandidate olsem ol mas wok hat na winim dispela ileksen. Na tu olsem PAP bai sponsorin wanpela meri tasol.

# Madang kisim gutpela luksave long gavman

HILDA WAYNE i raitim

MADANG provins i kisim gutpela luksave bikos gavman i makim dispela provins antap long ol narapela long kamapim sampela senis insait long kantri.

Dispela provins i gat gutpela ol kastom na pasin tumbuna na ples tu i nais tumas we i save lukim ol turis i kam bung long olgeta yia.

Nau em edministresen bilong provins tu i kisim gutpela luksave bikos Dipatmeri bilong Pesenel Menesmen (DPM) i sainim wanpela agrimen we i givim

planti ol wok bilong DPM i go long provinsal edministresen.

Madang nau bai kamap olsem wanpela piksa provins we gavman bai lukim gut sapos dispela senis bai kamap gut o nogat.

Sapos dispela senis kamap gutpela bai ol i mekim wankain long ol narapela provins tu.

Wanpela woksop i bin kamap long Madang na planti ol sinia pablik sevans i bin go bung long dispela woksop long save gut wanem kain senis i laik kamap.

Planti long provins i amamas olsem Madang i kisim dispela luksave tasol ol i tok moa wok i stap long

helpim gavman long kamapim tru ol senis em ol i plenim bilong provins.

Ol i tok i gutpela olsem ol yet i save gut long senis pastaim long ol i tok orait long senis.

Planti ol wok bilong DPM bai go long han bilong provinsal edministresen na dispela ol senis i helpim long sapatim ol rifom wok we i kamapim long kantri.

Pablik Sevis Minista Philemon Embel i singaut long olgeta hetman long edministresen long las wik olsem ol i mas wok strong long bringim ol dispela senis we i kamap.

Em i tokim edministresen olsem provins i

kisim luksave long nesenel gavman na nau em wok bilong ol long helpim ol senis i kamap tru na rifom i mas go het yet.

Sekretari bilong DPM Peter Tsiamalili i tok


Madang em i kamap namba wan long tingting bilong ol na bai ol i lukim sapos ol senis i kamap gut bai ol i mekim wankain senis long wanwan moa provins.

# Embel askim ol pablik sevans long wok gut

PABLIK Sevan Minista Philemon Embel i tokim ol Provinsal Edministra, Plena, Provinsal Tresera na ol Sief Eksekyutiv Opisa long wanpela rijinel woksop long Madang olsem, i moa gutpela tru nau olsem yumi mas nau wok gut na strongim ol wok bilong ol Provinsal Edministreta long kantri long karim aut gut wok bilong ol long mekim rifom wok gut.

Olsem na dispela tupela de woksop ya we bin we i bin kamap las wik ya em gutpela tru long olgeta lain serim ol tingting long helpim ol yet wanwan long mekim wok bilong ol gut.

Minista Embel i no inap kamap long opisem opening bilong dispela bung tasol em i givim toktok bilong em go long Provinsal Edministreta bilong Madang Clant Alok na mi i tokim ol lain husat i bung Sekretari bilong stet 'Ambasada Peter Tsiamalili tu bin stap, long dispela bung.



• Philemon Embel.

Mista Embel tok dispela nupela Ogenik Lo long provinsal na lokal level gavman em ol kamapim long traimgivim gutpela sindaun bilong kantri na pipel long ol sevis bilong gavman.

Tasol dispela i no wok gut long

las 6-pela yia. Em bikos long ol politikal na edministretiv wok we i no kamap gut.

- Sampela bilong ol em:
  - Politik i paulim wok we pablik sevans inap long makim em. Ol politisen i wok long strong;
  - Politesen makim ol wanpisin wantok bilong ol long ol sinia posisen long pablik sevis;
  - I no gat gutpela menesmen na wok bilong pablik fans;
  - I no yusim gut ol inap risos bikos nogat gutpela plening na karimaut wok;
  - Nogat kodinesen gut long ol nesenel na provinsal ajensi; na
  - Lejislesen i slek na Ogenik Lo no stret tumas.

Embel i tok em save olsem ol bai i no inap stretim dispela hevi kwik na em bai kisim 5 i go 10 yia moa.

Seketeri Embel i tok, taim bilong malolo em pinis na yumi olgeta mas sanap na wok bung wantaim nau.

## Wok long Madang plis haus i ron gut

WOK long wokim ol haus bilong ol painim long Madang i wok long go het gut tru na ol bilip ol bai pinisim dispela bipo long Me 2002.

Sinia Inspekta James Kupi i mekim dispela toktok long taim Wantok ringim em.

Em i tok wok i wok long ron gut tru na ol pinisim 4-pela pinis na wok long wokim ol sampela tu we klostu bai pinis. Em long taim ol stat wok long nau dispela yia mun Septemba inap nau.

Haus ol wok em hariap tru na mipela bilip ol bai pinisim dispela 31 haus ya we AusAid in fandim wantaim moa long K3 milien bipo long Me 2002, Mista Kupi tok.

Em tok bikos long dispela em

helpim apim morel bilong ol plismanmeri we olgeta lukluk fowet long go kisim wanpela bilong ol na slip bihain long yia 2002 samting ol nogat gutpela hap bilong ol long stap long em bihain long ol pasim na brukim Kusbau plis breks.

Mista Kupi tokaut long 31 haus, 2-pela em ol Komisen Opis bai kisim na narapela 29 em ol narapela plisman bai kisim.

I gat ripot i go aut nabaut nau olsem planti ol raskel man ranawe long Lae nau i go hait nabaut long Madang na ol pablik i pret olsem bai gat bikipela hevi bilong lo na oda long Madang sapos ol plis i no wokim wanpela "Opereten Oda" bilong ol long wok long Krismas na Nu Yia.

### Meri Hula bai namba wan minista long Sentrel

**JOE KARUKURU  
i raitim**

LONG kamap olsem wanpela kleji o pasto em i hat long ol meri, olsem planti pipel i tok.

Tasol em dispela kain wok we wanpela yangpela na singel meri bilong Hula insait long Sentrel provins i laik wokim bihain long odinesen bilong em long yia i kam.

Kristen pablik inap wokim planti tingting tasol long Yunaitet Sios insait long kantri, Gloria Renagi em i no namba wan meri long kisim dispela salens tasol em bai namba foa meri tasol namba wan (meri) insait long Sentrel provins long kamap olsem Pasto.

Wes Galp Rijen Yunaitet Sios i gat wanpela meri Minista husat i wok olsem Seket Superintenden Minista long Daru, Westen provins long dispela taim, asples tu bilong em. Nem bilong en em long Reveren Anna Bissai.

Insait tu long Papua Ailans rijen long Milen Be tupela meri Minista i karimaut pastorel wok bilong ol. Inap i kam nau, ol meri Minista ya i singel na mekim wok bilong Bikpela i stap.

Gloria Renagi i werim het olsem Peobesen Minista na wok Is Papua Menlen rijen hetkota opis olsem rijinel Wimens Progrem Kodineta.

Mis Renagi i kam long famili we i gat sikspela pikinini meri tasol long em, na em i namba tu pikinini.

Papa bilong en em Reveren Bisop Laka Renagi husat i go pas long sios long Is Papua Menlen rijen. Em bin kisim laik long wok bilong sios ministri taim em i liklik yet na go long sande skul. Isi isi em i wok wantaim yut na ol arapela ministri na long 1995, em bin go long Malmaluan Kolis long skul long Misin na lidasip.

Em bin wokim prektikel wok long Mendi long Mastad Sid Ministri senta long 1996. Bihain long dispela, em bin wok wantaim ol yut, Sande Skul na ol meri long rijen.

Long 1997 em bin wokim tripela mun kos long evanjelaisesen long Allan Walker kolis long Australia. Taim em i kam bek, em bin aplai long skul long Rarongo Tiolojikel Kolis na ol bin kisim em. Tripela yia skul bilong em long hap em i bin pinisim long las yia na nau em i wetim odinesen bilong em long kamap olsem ful minista.

Gloria em i amamas olsem driman bilong em i kamap tru.

## Ol sios lida kisim singaut long bihainim Bikpela

**HELEN REI  
i raitim**

OL Minista, ol pasto na ol lida bilong ol wan wan sios husat i bin sindaun long wanpela de semina las wiken i bin kisim singaut long luk-save olsem ol i go insait long wok bihainim singaut bilong Bikpela.

Reveren Dokta Creflo Dollar husat i wanpela biknem Evanjelis bilong

Amerika i bin wokim dispela singaut insait long wanpela semina wantaim ol sios lida long Sione Kami Memoriel Sios long Pot Mosbi.

Reveren Creflo i bin holim tupela nait semina long Pot Mosbi we planti tausen pipel i bin go long en.

Bikpela samting we Evanjelis Creflo i bin toktok long en em long edresim rot long luk-

save long singaut bilong Bikpela long laip bilong yumi na rot we wanpela i ken gat gutpela ministri.

Minista ya i bin kam long Mosbi long balus yet bilong em. Ol wan wan sios lida long Mosbi i bin stretim wok-about bilong em i kam long kantri.

Em bin tokim ol lida olsem sapos Bikman i singautim ol em bai givim ol visen o driman we bai rausim ol hevi, wari na brukim ol dispela samting.

Em bin tok strong long ol lida long laikim ol arapela na poinim olsem Bikman i as long olgeta visen na singsut long en.

Em bin salensim tu ol lida long lainim long putim mani i go long ol samting bilong Bikpela.

"Man i no yusim gut mani na dispela em i as long ol samting nogut i kamap.

Olsem na mipela i mas planim ol samting long graun na gutpela samting i ken kamap," Reveren Creflo i bin tok.



### Maria i Karim Jisas

Long dispela taim Sisar Ogastus i putim wanpela lo long ol i mas kisim nem bilong olgeta manmeri. Olsem na olgeta manmeri i go long as ples bilong ol, bai gavman i ken kisim nem bilong ol. Olsem na em i lusim taun Nasaret long Galili, na em i go long Judia long taun bilong Devit, ol i kolim Bethlehem. Em i go wantaim meri bilong en Maria, bai gavman i ken kisim nem bilong tupela. Na long dispela taim Maria i gat bel. Tupela i stap yet long Bethlehem, na taim i kamap bilong Maria i karim pikinini. Na em i karim namba wan pikinini man bilong en.

Luk 2: 1, 3, 4b, 5-7a

# PNG i gat nupela Nunsio

PAPUA Niugini i gat nupela Nunsio o ambeseda o mausman bilong lida bilong Katolik Sios long wol Pop Paul 2, opis bilong Apostolik Nunsio long Pot Mosbi i tok.

Nem bilong nupela Nunsio em Reveren Asbisop Adolfo Tito Yllana.

Opis i tok Pop Paul 2 i bin makim nupela Nunsio long dispela wok long las Fonde, Desemba 13 long Rom.

Asbisop Adolfo i kisim ples bilong leit Asbisop Hans Schwemmer husat i bin sik na dai long mun Septemba long dispela yia.

Nupela Nunsio i bilong kantri Filipins. Mama i bin karim em long Naga siti long Febrieri 1948. Em i gat 53 krismas.

Em bin kamap pater long Mas 19, 1972.

Long 1984, em bin joinim diplometik sevis bilong

Vatiken. Em i wok pinis olsem Nunsio long kantri Ghana, Sri Lanka, Teki, Lebanon na Hangeri. Laspela ples we em bin wok long en na em i ka long PNG em long Taiwan insait long Ripablik ov Saina. Em bin holim dispela wok long Taiwan long Jun 1999 yet.



Hagen holim Kerismatik Konfrens • Ol Kerismatik grup bilong Hagen Katolik Daiosis i bin stap insait long wanpela wik bung bilong ol.

## Bos bilong ol SVD misinari long PNG i dai

WANPELA Divain Wod Misinari pater husat i bin mekim bikpela wok long PNG i bin dai long ples bilong em long Amerika tupela wik i go pinis.

Nem bilong en em

Pater Elmer Elsbend SVD.

Inap long stat bilong dispela yia, Pater Elmer i bin holim wok olsem Provinsel o bos bilong ol SVD pater long PNG. Em bin holim dispela wok inap long faipela krismas.

Em bin gat 65 krismas taim em i dai long Desemba 8 long ples bilong em long Amerika.

Long stat bilong dispela yia, Pater Elmer i wok long sik planti na ol i salim em i go bek long kantri bilong em long kisim tritmen long ol dokta na haus sik. Pater Cantwell em wanpela SVD i tok "PNG bai tingim Pater Elmer olsem wanpela ektiv misineri husat i gat bikpela laik long helpim ol yangpela pipel. Em bin kirapim Maria Hill Gels Vokesenel senta long Kainantu, Isten Hailens.

"Em i wanpela gutpela man bilong stap wantaim, em i save wokim fani tu ya. Em i wanpela gutpela edministreta na oge-naisa.

Na em bin lukautim ol SVD long PNG gut tru inap sik i bagarapim em. Em i no bin laik lusim PNG na em plen long kam bek tasol Bikpela i bin gat ol arapela plen long em na singautim em i go long en," Pater Cantwell i tok.

Mama i bin karim leit Pater Elmer long Festina, Iowa insait



• Leit bos bilong ol SVD long PNG, Pater Elmer i toktok wantaim foma Praim Minista Bill Skate long opening bilong nupela mateniti wing long Gogolme Peris Haus Sik long Hagen.

long Amerika long Me 4, 1936. Em bin skul long Maina Kolis bilong ol SVD long Is Troy, Wisconsin long Septemba 1950. Long Januari 1965, em bin pinisim ol skul bilong em na kisim fainel blasing olsem pater long Tekni, Illinois long Amerika yet.

Leit Pater Elmer i bin wok long Amerika long 20 krismas bipo em bin

kam long PNG long Ogas 1986.

Long Amerika, em bin tisa long tupela krismas long Divain Wod Seminari long Epworth, Iowa. Em bin kamap olsem Vokesen dairekta-long ol yangpela man i kam long semineri na skul long kamap ol misinari pater na bruder. Dispela em long 1972. Bihain long dispela,

ol bin makim em olsem Din o bos bilong ol sumatin long ol hais skul seminari lain. Long tupela yia em bin holim wok olsem Prinsipel bilong Divain Wod Seminari long Perrysberg long Ohio.

Em bin voluntia long kam wok misinari long PNG na em i kam long Ogas 1986. Ol bin makim em long wok long Kainantu peris insait long Isten Hailen. Bihain long sampela taim long hap, em bin kamap olsem Vika Jenerel insait long Goroka daiosis. Bihain long dai bilong Bisop Raymond Ceasar, em bin lukautim daiosis inap long ol bin makim pater Francesco Sarego long kamap bisop bilong daiosis.

Ol bin makim em olsem bos bilong ol SVD insait long PNG long tupela tem. Dispela em long ol yia 1996 inap long 1998 na 1999 inap long 2001.

Long dispela taim nau em bin kisim sik we em i go long ples bilong em na dai long en tupela wikm i go pinis.

Long ol wik i kam na dai bilong em, sik i go nogut na em i dai hari-ap tru. Sik em bin kisim em i bilong kru we i bagarapim dispela na man i lusim tingting hariap long samting.

Ol bin planim bodi bilong liet Pater Elmer long ples bilong em long Amerika.



# Meri na pikinini i save kisim bagarap

PEKU PILIMBO  
i raitim

MEKIM pasin nogut long ol manmeri i bai gat nupela lo klostu na ol manmeri husat kamapim dispela kain pasin bai sanap long kot.

Wanpela ripot United Nations Children Fund i redi bai go bipo long palamen bilong kisim tok orait long stapim pasin bilong man i daunim ol meri pikinini.

Taim bilong kamapim ripot nambawan taim long palamen, memba bilong Mosbi Not Wes Lady Carol Kidu i bin tok olsem ripot i mas kisim sapot bilong ol memba bikos planti manmeri i save kisim taim long han bilong ol man.

"Long graun ol meri na yangpela gel i save stap aninit long kainkain birua. Ol kisim bagarap bikos ol i pikinini meri," em i tok.

Em i tok planti i stap wantaim hevi bikos ol i pikinini meri na tu pasin nogut ol i save mekim long hait na ol i save

sem long kamap ples klia.

Taim ol man mekim pasin nogut, dispela i wankain olsem yu pulim wanpela manmeri as nating long olgeta pablik i ken lukim.

Lady Kidu i tok tenk yu long Shelly Casey, meri husat go pas long kamapim dispela ripot we i tok klia long sait bilong lo long man i mekim pasin nogut long ol meri na pikinini.

Em i askim sapot bilong olgeta man memba long palamen i ken sapotim na strongim dispela lo we bai lukautim bodi bilong wanwan manmeri long birua we inap kamap.

Lo bilong pasin nogut we i stap nau i kam long taim bilong nambawan wait man i akm insait long kantri na i gat nid i stap bilong kantri i senisim lo.

Lady Kidu i askim ol United Nations long givim moa taim long Shelly Casey bai em i ken lukim wok bilong em pinis na go bek.

Planti taim man i gat strong olsem na daunim olgeta meri tasol taim lo i kamap em bai orait gen.

Planti pikinini husat save stap wantaim pret bai orait liklik. Ol mama

i no inap stap wantaim pret olgeta taim.

Planti sapot tru i kam long opisal bilong narapela kantri husat stap long hia wantaim planti save manmeri bilong kantri long dispela lo.



Pilai pren! • Liklik pikinini i sanap pilai wantaim pik.

## lilimo wok manmeri i no amamas long menesmen

DAVID BAKIO  
i raitim

OL wokman bilong lilimo Fam i no amamas long menesmen bilong lilimo Fam long wanem kampani i pinisim ol na i no bin givim gut ol pinis pe na balus tiket bilong ol long go long

asples bilong ol.

Dispela i kamapim bikipela bel hevi namel long ol wokman bilong lilimo Fam long wanem longpela taim nau ol i wet long ol entaitelmen bilong ol. Ol woka bilong lilimo Fam i painim hat tru long go long ples wantaim dispela K300 o K400 o K800 ol i kisim. Ol i tok sampela i kam long ol ples i longwe olsem Morobe, Wabag na Kerema na planti arapela longwe ples we balus tasol inap bringim ol. Ol i no wanbel tu long dispela kain pasin long wanem planti bilong ol i gat ol pikinini long skul na long dispela kain taim we prais bilong ol samting i stap antap tru ol i pilim mani ol i kisim i no inap.

Mista Henry Landa, husat i wok 16 yia wantaim lilimo Fam olsem broila na leya menesa i tok kampani i bruk daun long wanem i nogat gutpela menesmen.

Mista Henry i tok long taim em i stat wok wantaim lilimo i bin gat senis long mesesmen olsem 6-pela taim. Long yia 1999 lilimo i bin pinisim ol wokman bilong em na em i rausim sampela wokman gen long mun Septemba long dispela yia 2001. Dispela ol wokman husat i bin kisim pinis wok toksave i no amamas long ritrensman pe bilong ol.

## POSF memba bai gat kat bilong kisim diskaun

PIPEL husat memba bilong Public Officers Superannuation Fund (POSF) bai kisim kat klostu na ol i ken soim kat na kisim diskaun long prais bilong kaikai na sevis long ol sampela stua.

Menesing Dairekta bilong POSF Ces lewago i tokaut las wik olsem dispela i wankain olsem kismas presen long ol manmeri husat i bin sapotim na kamap memba long planti yia.

Ol manmeri husat memba longpela taim winim 15 kismas na moa bai kisim moa helpim bihainim long ol i pinis na ritaita.

Dispela kat i wankain olsem Save Card bilong PNGBC we yu ken kisim i go long ol stua, sampela husat tok orait pinis na baim ol samting long diskaun prais.

Kat bai stap redi long pinis bilong kismas na ol memba i ken yusim log baim samting long taim bilong kismas.

Mista lewago i tok dispela kat i wankain olsem bekim bilong gutpela sapot POSF i save kisim long ol memba.

Em i promis olsem

Liklik mani ol i kisim i no inap long kain laip hia long siti long wanem pei bilong ol kaikai na sku lfi i antap tumas Mista Henry i tok.

Taim wanpela likwideta kampani KPNG i wokim wok bilong painimaut bilong salim ol propeti bilong lilimo Fam em (KPNG) i luksave olsem lilimo i gat bikipela dinau long beng na dispela i min olsem beng bai salim planti samting bilong lilimo long kisim bek ol dinau em i gat long lilimo. Olsem tasol ol wokman i kisim hat taim long wanem lilimo bai kisim mani we long baim ol dispela woka em i ritrensman.

Long dispela taim yet ol wokas i askim kampani lilimo long putim mani insait long Nesenel Providen Fan (NPF) bai i ken helpim ol long sindaun bilong ol. Nau yet ol i kisim mani long NPF long marimari bilong NPF.

Ol i askim tu bai kampani i givim hariap pe bilong salim ol i go long ples bilong ol. Stat long Septemba 27 taim ol i laik salim lilimo fam i nogat wanpela gutpela bekim long askim bilong ol.

Tude i gat 150 famili i stap long lilimo fam na ol i tok ol i lukautim ol yet long ol kumu na ol liklik gaden kaikai ol i planim na salim, Mista Henry i tok.

## UNICEF i opim buk bilong ol pikinini insait long wol

PRAIM Minista Sir Mekere Morauta i lonsim '2002 Buk Bilong ol Pikinini insait long Wol'. Long taim Sir Mekere i lonsim dispela buk em i tok, Yunaitet Nesen Fan bilong ol pikinini i gat sevenpela rot bilong kamapim gutpela sindaun bilong ol pikinini insait long wol. Dispela ol gol i kamap long yia 1990 long Yunaitet Nesen Wol Samit bilong ol pikinini long kain taim we olgeta hap i toktok long Human Developmen olsem pasin bilong kamapim gutpela sindaun bilong ol pikinini.

Wanpela yia bipo ol wol lida i sainim dispela wanbel long raits bilong ol pikinini long pasin bilong lukautim pikinini (Children's Protection) na developmen i kamap lo nau.

Sir Mekere i tok ol gol ol i mas winim las yia (2000) em :

Long daunim level bilong liklik pikinini i dai i go long 33 pesen; long daunim sik bun nating long ol pikinini aninit long 5-pela kismas long 50 pesen; long kamapim gutpela wara bilong dring; long kamapim gutpela ples bilong tromoi pipia; long kamapim gutpela edukesen na katim namba bilong ol pikinini i pinisim praimer skul long 80 pesen; long kamapim lukaut bilong ol pikinini long ol ples i gat bikipela hevi.

Sir Mekere i tok dispela buk: "The State of the Worlds Children 2002," aninit long astingting ILIDASIP i soim olsem ol wol i no winim ol gol ol i makim.

Long bikipela lukluk i bin gat gutpelasenim long ol pikinini i dai aninit long 5-pela kismas we i kamap olsem 14 pesen.

Tasol dispela i no inap, Sir Mekere i tok. No gat senis i kamap long ol mama i dai taim ol i karim pikinini. Long sik bun nating i nogat gutpela risal. Tasol ol i kamap klostu long long painim gutpela wara, tromoi pipia na edukesen, Sir Mekere i tok. Dispela 11-pela yia kempen (1990-2001) long lukautim gut ol pikinini i hatwok tru. Kain olsem ol pikinini i save wok; ol pikinini i stap long ples i gat pait; ol refuji na ol i stap kalabus na planti narapela hap moa.

"Tasol pasin bilong yusim ol pikinini long ol kainkain wok i kamap bikipela moa yet," Sir Mekere i tok.

I gat planti samting yumi mas wokim hia long PNG. Long ol wok painimaut bilong PNG Human Developmen Ripot bilong 1990 i soim yumi i daunim ol pikinini bilong yumi.

"Nau dispela nupela hevi i kamap we ol pikinini i kamap wantaim HIV/AIDS taim mama i karim ol i putim ol pikinini bilong yumi long bikipela hevi," Sir Mekere i tok.

Nesenel Helt Plen tu i soim olsem sut bilong ol pikinini (imuneseisen) i drop long 10 pesen. Dispela i soim olsem 15,000 bebi long Papua Niugini aninit long wanpela kismas i save dai olgeta yia.

Nau gavman i luksave aninit het tok bilong dispela buk Lidasis olsem em i gat bikipela wok bilong lukautim ol pikinini.

Gavman bilong Sir Mekere i kamap wantaim dispela plen ov eksen we UNICEF i sapotim. Em i tok ol pikinini long PNG i mas Groa long seif ples, Kisim skul bilong laip, save long autim tingting bilong ol yet, fri long toktok na wok wantaim narapela na ol pikinini i mas gat ol samting ol i laikim.

Sir Mekere i amamas long dispela Plen ov Eksen na i tok ol lain husat bai i karim aut dispela wok bilong ol pikinini bai i painim bikipela helpim long dispela buk.



Ol fama i kisim setifiket • Ol manmeri bilong Nambawan Taim Rais trening kos i bin kamap long Trukai Fam long DAL-Erap stesin ausait long Lae siti kisim pinis setifiket bilong ol. Foto: DAPSY MINGKA

# Popondeta plis i redi long Krismas

OL Plis long Popondetta insait long Noten provins bai karimaut strong wok bilong ol long lukim olsem Krismas na Nu Yia i go gut na ol manmeri long hap i amamasim dispela bikpela de.

Ekting Provinsel Plis Komanda Teddy Tei i tok ol bai yusim helpim bilong oksileri na risev plis insait long dispela spesel operesen.

Mista Tei i singaut long olgeta pipel long Oro long selebretim gut Krismas na Nu Yia na i no wokim trabel wantaim lo.

Em i tok nomol operesen bai go het tasol dispela spesel operesen bai stat long neks wik Tunde, Desemba 24 na pinis long Nu Yia.

Em i tok long sampela taim nau, i nogat trabel tumas i kamap long sait bilong lo na

oda insait long Popondetta.

m i tok sindaun bilong jenerel pablik i stap gutpela na ol manmeri long taun i wok long i go na i kam mekim wok bilong ol.

Em i tok liklik lain yut tasol i save wokim bikhet pasin na i moabeta long ol i stapim dispela pasin.

Em i bilip olsem bai i gat kwait krismas na Nu Yia long taun na provins long dispela yia.

Long wankain taim, plis i mekim wok painimaut long wanpela haus i bin paia long ples Harange i stap namel long Kaiveria.

Mista Tei i tok ol dispela wok painim em long luksave tasol long husat i bin wokim dispela pasin. Em i no bin laikim wokim moa toktok bikos ol plis i karimaut wok painim long em yet.



**Rot wok i kamap long Jacksons ples balus teminel**  
 • Wok long stretim rot insait long Nesanel Kapitel Distrik i kamapim planti hevi long trafik. Piksa i soim olsem ol ka we i go na i kam long ples balus i kisim taim ya.



# Ihu Distrik holim gutpela kalsere so

IHU Distrik insait long Galp provins i bin holim wanpela mini so las wik.

So ya i bin kamap insait long tripela de. Em bin stat long Trinde na pinis long Fraide.

Dispela em i namba wan taim bilong holim so na as tingting long dispela em long kirapim bek ol pasin kastom bilong ol pipel bipo ol i dai long en..

Ol bin wokim ol kain samting olsem tumbuna singsing na danis, pilai drama i sut long ol stori tumbuna bilong ol pipel yet, at na kraf.

Ol bin holim so long ples Harevavo na dispela em wanpela long ol las ples insait long Ihu Distrik.

Ol pipel i bin wokabout i kam long ol longwe ples olsem Pakovavu we i

stap 15 kilomita longwe long hetkota bilong distrik bilong stap insait long so.

Dairekta bilong Nesanel Musium Soroi Marepo Eoe i bin stap long so na em tu i bin kinot spika ya.

Em bin tok ol dispela kain so i gutpela bikos kalsa i ken kisim mani i go long ol pipel.

Em bin tok ol samting bilong kalsa i ken pulim planti turi moa i kam insait long kantri.

Progrem bilong dispela de em long Trinde em opening de na tu de bilong ol singsing tumbuna i kamap. Long Fonde em ol i putim kamap ol pilai drama na ol henkraf samting we ol i putim long pablik long lukim. Long Fraide, moa atifeks so na pasim long Fraide apinun.

**Ol Maisin bai amamasim Krismas** • Ol Maisin pipel bilong Tufieria insait long Oro provins bai putim ol kain tumbuna singsing na danis bilong selebretim Krismas na Nu Yia.

# Sik taifoid i pinis long Kiunga

IAN KAKARERE i raitim

SIK taifoid insait long Kiunga eria long Westen Provins i pinis nau bihainim ol aweanes ol haus sik woklain i karimaut long dispela.

Tripela pipel i bin dai long las mun taim sik ya we i save kisim ol man na ol i pekpek blut long en.

Sinia klinik helt ekstensen

opisa John Lari i tok aweanes na tu ren i stat long ponsaun nau i helpim long daunim dispela sik nogut na nogat nupela keis i kamap.

Mista lari i tok planit lain i bin kisim marasin long dispela sik ya na tripela tasol i bin dai.

Em i tok aweanes kempein we ol nes, dokta na haus sik woklain i bin wokim long pablik i lukim gut hajjin bilong ol i bin go gut na sik

i pinis.

Mista Lari i toksik taifoid i bin kamap na go nogut long mun Oktoba na Novemba long wanems ples i drai olgeta na bikos nogsat wara, planti setelmen lain i wok long dringim wara i doti na i no gutpela.

Em i tok wanpela man i gat dispela sik i kam long narapela provins inap long givim sik na ol lain long Kiunga i kisim long en.

# Nesanel Kapitel bai gat spesel krismas operesen

HELEN REI i raitim

OL PLIS komanda insait long Nesanel Kapitel Distrik (NCD) i karimaut ol aweanes kempein long Krismas na Nu Yia operesen we bai kamap long siti na ol ples klostu.

NCD Sentrel Provins Plis Komanda Jeffrey Vaki i tok aweanes ya i bin stat long las wik. Em i raun lukim pinis ol ples olsem Pari na ol arapela. Long dispela wik em i raun i go olsem long Kila Kila na em bai go olsem long Tubuseria.

As tingting long wokim dispela kempein em long mekim ol manmeri i luksave long kain operesen we bai kamap long taim bilong Krismas.

Mista Vaki i tok em i givim oda i go long ol steven komanda insait long siti long toktok long ol pipel insait long ol setelmen long dispela operesen.

Em i tok dispela em i hap wok bilong ol long redi long Krismas na Nu Yia.

Ol bai lonsim operesen insait long dispela wik.



# Amamasim "Krisimasi" long Cape Vogel

IVAN BAYAGAU i raitim

**OLGETA amamas bai kamap wantaim pipel bilong Cape Vogel eria insait long Milen Be provins taim ol viles lida i bung long ol haus to pasim tok long wanem progrem bai kamap long long amamasimKrismas. Olgeta progrem i save stat wantaim singsing lotu we ol yut grup, yunien bilong mama na piknini na narapela ol samting we inap kamap wantaim na go moa long wanpela wik.**

Bikpela samting tru we i save kamap long Krismas de em long ol man i save singim ol kainkain Krismas singsing i go raunim wanwan haus. Ol i save singim ol dispela song long English na Wedau (bikpela tokples bilong distrik), Arre (tok ples bilong eria) na sampela singsing ples we i save go wantaim Kundu dram inap tulait i bruk.

Mi bin spendim Krismas taim bilong mi long viles bilong appa bilong mi long Wabubu vuiles insait long Cape Vogel eria long Raba Raba distrik long 1999 na dispela em nambawan taim bilong mi long lukim Krismas ol manmeri bilong ples stret i kamap.

Cape Vogel i stap long bus liklik we Anglican sios i stap bikpela na i save tokim ol pipel long mekim Krismas olsem wanpela bikpela samting insait long laip bilong ol na ol i mas selebretim.

Mi bin stap long siti longpela tiam tru na mi ken tok dispela taim i bin namba wan taim bilong mi long amamasim Krismas na kisim tru mining bilong em.

Long taim i kamapo klostu, olgeta wok bilong viles i kamap long stap. Ol manmeri i no moa go long gaden olsem ol i save mekim.

Ol famili na wantok bilong ol na narapela haus lain i kisim kainkain wok bilong redi long selebresen. Ol mamam na piknini meri i save sevim mai ol i kisim taim ol salim ol sel pis, kaikai na donat klostu long misin stesen. Ol i givim wok long ol kainkain haus slain long mekim wanwan samting olsem kukim rais, pik, pis na anrapela kaikai bilong selebresen. Kainkain amamas na hatwok i go insait na mi ting ol manmeri i hatwok planti tru long amamasim wanpela de tasol.

Mi asua. Ol i mekim olgeta wok bilong amamasim Krismas insait long wan wik olgeta inap ol i go

kamap na bungim Niu Yia.

Wankain taim ol redi kaikai, ol pipel bilongviles i wok long tingting tu long wanem samting ol bai werim long taim bilong Krismas stret taim selebresen i stat.

Wanpela anti bilong mi wok long askim mi sapos mi gat wanpela spesial klos samting long werim long dispela taim tasol mi ting olsem jin kat bilong mi wantaim T sot bilong mi bai orait.

Namba tu taim mi asua gen. Long Krismas de stret mi kirap na mi ken pilim amamas bilong ol pipel i stap bikpela tru na ol pipel hariap tasol pinisim olgeta samting ol i bin redim gut i kam.

Taim em i laik apin un nau ol amma i kisim piknini bilong ol i go wasim ol na kaikai na redi long lotu we bai stat long 8 kilok nait stret.

Narapela samting mi lukim long dispela nait em olsem ol bikpela manmeri na yangpela i no kaikai na mi tu i bin hangre tasol mi no tokaut long wanpela man.

Taim mi redi mi ting mi mas senis na noken werim ol klos mi tingting long werim na werim tasol wanpela soptpela trausis na singlet na tongs.

Tasol taim belo i pairap olgeta manmeri bilong wanwan haus i kam aut wantaim olgeta naispela klos, wanpela lapun man tu i wokabout i go long sios wantaim wanpela nek tai long nek bilong em.

"Man, ol dispela piple i redi tru long kam bek bilong Jisas," mi ting. Mi no ting dispela kain samting bai kamap long viles bilong mi stret.

Mi tanim n a sekim long haus long painim wanpela naispela klos long werim na mi bin gat sans long painim sampela naispela klos long werim. Bihain long lotu bikpel selbresen i stat na ol yut i singsing na givim taim long ol apa mama i ken lusim liklik piknini long haus bilong ol.

Wanpela i winim konsel na mipela singsing i stat long wanwan haus lain i go. Taim mipela kamap long wanwan haus ol papamama bilong ahus i kirap givim mipela wara, buai, kaikai na ti long mipela ol lain bilong singsing.

Long sampela haus ol tromoi ol plawa o smel paura ol i kapsaitim long het bilong mipela. Ol i givim tu kerosin bilong mipela pulumapim ol lam.

Mi amamas nogut tru long singsing wantaim ol yangpela



• Paul na Lonie Tamate wantaim kasin Loretto Uraru i bisi long opim presen Orogen Santa Claus i bin givim ol.

tasol mi singsing long tok English tasol na liklik hapo bilong Wedau tasol mi painim hat tru long singsing long Arre (tok ples stret bilong mi) bikos mi no klia long tokples.

Wanem samting amamasim stret mi em long singsing tumbuna bilong ples we i stap long song lista na taim mipela singsing ples mipela danis ples long wankain taim.. Mi ting em gutpela tru.

Mipela bai singsing i go na long pinis bilong em olgeta bai tok "Merry Krismas na God bles" taim em pinis.

Ol i kamapim progrem gut tru na taim mipela pinis na san i kam antap stret: Mipela painim aut olsem i kamap bek gen long dua bilong haus lotuna pater i redi pinis na wet i stap kamapim bikpela las lotu na pinisim.

Mi pilim tait stret bihain long wanpela de tasol ol manmeri i kamapim selebresen i go inap wan wik olgeta.

Wanpela tok mi harim ol manmeri tok i olsem: "Dispela em wanpela d bilong amamas na yumi amamas gut tru pastaim."

Yes, taim i raitim dispela stori mi tingim bek ol piple bilong Cape Vogel husat holim strong tru mining bilong Krismas na driman olsembai gutpela sapos mi stap long hap gen dispela yia.

## Krismas toktok 2001

I kam long  
Asbisop Brian J. Barnes, OFM, MBE,DD  
Asbisop bilong Mosbi

Long taim yumi u amasin wanpela spesel de, o bikpela selebresen, yumi amamas na yumi pilim sori tu bikos i gat gutpela samting i kamap na sampela samting i no gutpela tumas.

Long taim Jisas i kamap, ol enjel i autim dispela Gutnius i go long ol wasman bilong sipsip na long olgeta pipel tu. Ol wasman i go lukim Jisas pinis na ol i go autim dispela bikpela nius i go long ol narapela manmeri. Tasol ol i no painim em long ples bilong ol king, nogut. Ol i painim em i slip long bokis kaikai bilong ol bulmakau we mama i karamapim em long hap laplap. Yosep na Maria i painim ples bilong slip tasol i no gat spes long ol haus slip.

Ol tripela king long ples longwe i bin lukim sta na bihainim i kam kamap na givim presen long Jisas. Bihain long ol i go, Maria na Yosep i kisim bebi Jisas na ranawe i go hait long lijp bikos ol lain bilong King Herod i harim nius na i wok long kilim olgeta piknini man krismas bilong ol i aninit long tupela yia.

Taim mama i karim Jisas em i taim bilong amamas na taim bilong sori tu.

Long dispela Krismas 2001, em i taim bilong amamas na sori tu. Bikpela birua long Amerika long Septemba 11 i kilim planti tausen manmeri na ol pipel long olgeta hap long wol i pret long dispela kain pasin nogut. Dispela kain bagarap i ken kamap long ol arapela kantri tu. Yumi tingim kantri bilong yumi PNG na skelim ol kain hevi olsem i save kamap long ol pipel bilong yumi. Kain kain trabel na hevi bilong lo na oda i bagarapim sindaun bilong PNG. I no gat moa rispek bilong laip long taim yumi amamasim de mama i karim Jisas, husat i as bilong olgeta laip.

Kantri i redi nau long nesenel ileksen neks yia na yumi lukim i gat sampela samting i kamap tasol i gat planti samting i no kamap gut tumas.

i go moa long pes 15

## MERRY CHRISTMAS AND A HAPPY NEW YEAR

The Management and Staff of Ela Motors Nationwide wish all its valued customers and friends a very Merry Christmas and a prosperous New Year.

Please take care, drive safely and enjoy the Festive Season.



**Ela Motors**  
**TOYOTA**

TOYOTA TSUSHO (PNG) LTD  
NATIONWIDE

**TOTAL SUPPLY. TOTAL SUPPORT**

PORT MORESBY PH 3229400 • LAE 4722322 • KOKOPO 9829100 • MADANG 8522188  
GOROKA 7321844 • MT HAGEN 5421888 • WEWAK 8562255 • KAVIENG 9842788  
KIMBE 9835155 • TABUBIL 5489060 • VANIMO 8571254 • PORGERA 5479367  
BUKA 9739915 • LIHIR 9864099 • ALOTAU 6410100

VISIT OUR WEBSITE - <http://www.elamotors.com.pg>



DAIHATSU

Hino

MASSEFERUSON

YAMAHA

RENAULT

Mac's

YANMAR

# Krismas olsem ol Korikunu i save kamapim

VERONICA HATUTASI i  
raitim

LONG kantri we yumi gat kainkain tokpels, haus lain na kastom olsem PNG, i gat kainkain rot na sampela wankain rot yumi save bihainim long makim na amamasim ol samitng ol sisen man i dai, bebi i kamap na narapela samting ol Krismas na Ista.

Long kain pasin olsem ol ppel i save redi spirit na kastom na dispela i save tingim tu wanem kain kaikai, klos, pasim het grasn awnaem anrapela bilas bilong skin long mekim selebresen kamap gut tru.

Kristan pasin i poilaim wanpela bikpela pat long laip bilong ol pipel long Bogenvil na long ol bikpela samitng olsem Krismas, kastom bilong ples na spirit wantaim i save bung long kamap makim selebresen bilong ples stret bilong amamas King bilong Graun na Sevia.

Ol piple bilong Korikunueria insait long Siwai, Saut Boghenvil i gat bikpela nmab bilong ol husat i stap Katolik. Ol Marist Misineri i senisim laip bilong planti manmeri

long hap taim ol i kamap namba wan taim moa long 100 yia i go pinis olsem na olgeta Krismas selebresen i save pinis wantaim bikpela selebresen bilong biknait lotu na bihain long neks de wantaim bikpela kaikai.

Ol pipel io save mekim kainkain wok bilong redi na amaamas long dispela de na wanem narapela bilas i savego wantaim long kamapim amamas.

Taim Krismas i kamap klostu ol famili i save sevim wanpela gutpela kaikai olsem yam, taro, banana, pik, kakaruk na wanem narapela kaikai bilong bikpela Krismas kaikai.

Taim mi stap pikinini yet na nau tu, pasin bilong lusim ples na go long nambis na bus tri o foapela wik bipo long Krismas i go het yet tude bilong kisim pis na abus bilong smokim na putim i stap bilong dispela Krismas kaikai.

Man na meri i save lusim pikinini anini tlong lukaut bilong ol bikpela pikinini na go daun long nambis, wara na bus arere long nambis long kisim pis, kindam, kapul, wel pik we ol in save s, mokim na kisim i g o long haus na ol i save skelim wantaim olge-


ta wantok bai ol i ken redim i stap bilong Krismas kaikai.

Taim bilong Krismas long Korikunu ol diwai i save soim sain wantaim plawa na narapela diwai we i save stap long bus na plawa bilong em i save ret olsem paia i lait.

Narapela samting em taim bilong ol pisin bilong bihainim sisen i kamap na pulap misin graun bilong Monoitu misin stesen. Mi bin kukim ol dispela pisin i kam na go planti taim na ol i save kam yet tude tu long wnakain taim bilong Krismas stret. Gutpela graun i stap long misin stesen na ol pisin i save kam dring wara bilong Monoitu misin graun na i go bek long nambis namel de nabaut.

Taim Krismas wik i kamap stret, famili, ogeta yanghpela na olupela, mama papa, pikinini i save redi na kaunim i stap inap 12 kilok nait bilong Krismas nait long Desemba 24.

Long dispela taim nau olgeta manmeri i baim opinis wanpeal naispela samting long weim long taim bilong Krismas lotu. Ol i save kaitim nupela hetgras na stail na sampela i save senisim kala



• Loretto Uraru i harim Orogen Minerals Santa Claus i stori.

bilong het gras.

Pasin bilong singim ol Krismas singsing na wanwan viles we planti sios i save mekim i stil kamap yet long Korikunu eria yet. Ol grup i save go raun long wanwan viles na singim ol Krismas singsing long tok ples, Tok Pisin na English na bekim builong em ol viles manmeri i save givim ol presen na dispela ol i save skelim long pinis bilong olgeta selebresen.

Taim bilong bikpela lotu bilong Krismas, ol i save givim wanpeal o tupela lies lain bilong stretim na bilasim haus lotu bipo long ol i ken bung..

Ol i save karim lip bilong kokonas na plawa i kam long bus o sampela taim arere long haus lotu i kam bilong bilasim haus lotu na ol i save kjamapim liklik kirb bilong bebi Jisas bai stap long em. Ol i save putim narapela ol bilas i kam long suta i go antap long bus bilas bilong haus lotu.

Bikpela haus lotu long Monoitu i save pulap wantaim tausen bilip manmeri na singsing bilong ol bai yu harim longwe yet na i save stap longpela taim long bikpela nait.

Lotu i save pinis bihain long tupela o tripela haua, olgeta manmeri i kirap sekan wantaim narapela arapela na toktok gut wantaim wantok, famili, lewa na long tyaim pren ol i no bungim na tok "Merry Krismas na Planti gutpela samting i ken kamap long yumi long nupela yia."

Bihainim dispela em taim bilong spesel Krismas kaikai ol i redim long we bilong haus long Korikunu pasin.

Ol kaikai i swit na i kain olsem pis, kindam, pik mit, kakaruk ol grisim wantaim kokonas. Long go v antaim abus, ol i save redi wan-

pela kain kek ol i kolim "tamata-ma" i redi i stap. Tamatama em ol i redim bilong spesel taim na ol i save kukim nating o sampela taim brukim i go sup na miks wantaim tapiok, taro o wanpeal spesol banana ol lain long Bogenvil i save kolim "faiv minit" long na grin kuing banana.

Long stretim tamatama na kamapim gutpela tru, planti ol i save sikirapim planti kokonas tru tasol i no sae putim wara na kisim stret gris bilong kokonas. OL i putim banana, taro o tapiok ol i mekim sup na subim long wanpela kontena ol i kolim "kuinua" long Siwai tokples wantaim wanpela spesel stil bilong em.


Ol i save mumuim ol anrapela kaikai wantaim na dispeal i save givim spesel tes stret i go long kaikai bilong Krismas.

Ol prut kain olsem watmelon, mau banana, painapol, kulau i save helpim long karim gutpela kaikai i go daun long nek.

Ol mama wantaim pikinini meri i mumuim kaika na ol boi wantaim papa i save helpim long mekim ol hatpela wok bilong redim kaikai olsem sikirapim kokonas, paitim tamatama bikos yu bai hamarim i go liklik sup stret.

Taim olgeta samting i redi ol famili i save sindaun gut treu na amamas long kaikai gutpela kaikai we ol i bin kisim longpela taim long redi.

Long pinis olgeta i nogat wanpeal bikpela samting i save kjamap. Tasol taim bilong wait man pasin i kamap bikpela namel long kantri blong yumi na kainkain presen em ol i save givim narapela arapela namel long famili yet, ol pren na wantok. Na yu tu wanem narapela rot em gutpela bilong pinisim Krismas.



**Menesing Dairekta bilong PNG Forest Authority,  
Mista Thomas Nen,  
ol Dairekta bilong Bod wantaim ol  
wok-manmeri i salim**

*Krismas Amamas*


na

*Niu Yia*

**long Gavman na olgeta pipol bilong  
Papua Niugini.**

*Lukautim yupela gut long dispela  
taim bilong Krismas  
na Niu Yia!*





Woklain bilong French Bake Veronica, Fore na Rudolf bai wok yet long Krimas.

# Sampela bai wok long krismas taim

TAIM planti bilong yumi sindaun raun wantaim wantok na famili dispela krismas sampeal manmeri bai lukim olsem ol stua i op long 8 kilok moning na nogat trabel i kamap long ol hap rot nambaut.

Dispela ol pipel i gutpela bilong Santa Clause i ken givim presen long ol bikos ol lusim famili bilong ol yet. Ol i laik ol pipel husat i no wok long krismas i ken gat gutpela krismas.

Ol tripela pipel bilong wok hat long French Bake seksen biling Stop "N" Shop Waigani Veronica Vanua, Fore Imone na Rudolf Ipsep ol bai wok hat long krismas na Niu Ya na insait long liklik hap kona bilong French Bake insait long Stop "N" Shop.

"Sapos mipela i no wok long dispela krismas, mipela inap kamapim sampeal babakiu wantaim famili bilong mipela," ol i tok.

Jimmy Teneke bai mekim wankain pasin long dispela krismas stret. Jimmy i kam i stap long holido long Pot Mosbi na i bin gat wanpela sans long wok wantaim City Pharmacy olsem wanpela pat taim wok man.

Jimmy i pinisim wnaplea yia long Divine Word Universiti long Madang. Em bai go bek gen long pinisim skul bilong em long lukautim ol turis.

Taim mipela askimw anem samting em bai mekim long diospela Krismas, em i tok: "Bai mi wok long dispela Krismas inap Niu Ya i kamap. Tasol sapos mi bin stap long ples long Buka, mi inap kukim kaikai bilong ol kainkain spakman.

"Tingting bilong mi strong olsem mi mas stap wantaim famili bilong mi tasol mi no inap mekim olsem na bai mi wok," Jimmy i tok.

Nau yumi ken luksave olsem ol dispela ol pipel i no save kisim malolo liklik insait long yia long mekim trabel pasin i go daun na rot bilong siti i ken stap gut. Wanpeal bilong ol dispela grup em long Tactical Resposne Unti - TRU bilong Waigani Plis stesen. Wantok i bin stori wantaim ol long lans las wik taim ol traimekim sampela liklik taim bilong baim ol samting bilong krismas presen.


Dispela em wanem samting Mista Bii, husat i namba tu bos bilong grup i tok>

"Ol TRU memba bilong mi mipela bai wok wankain olsem mipela save wok long olgeta Krismas na Niu Ya taim na dispela em long luksave olsem olgeta manmeri i amamasim Krismas na nogat wanpeal birua i kamp long wanpela.


"Mipela bai kamapim Krismas operesen bilong mipela olsem mipela save mekim olgeta krismas," em i tok.

Long wankain taim Julie Thomas na Hagara Raula bai amamas long stap long Krismas taim wantaim ol pren na famili bilong tupela dispela yia na tu i gat tingting long baim presen bilong wanpela arapela.


"Mi no tingting planti tumas long Krismas dispela yia tasol sapos wankain



Julie Thomas.



Hagara Raula.



Luke Aaupa.

pela i baim wanpela presen bilong mi, mi save kirap nogut. Tasol nogat mi tingting long stap isi wantaim ol famili na pren bilong mi long haus..." Hagara i tok.

Luke Alaupa i wok olsem wanpeal sekyuriti long Stop "N" Shop. Em i tok em ating bai stap long haus o nogat i stap wantaim wok bos i givim em long Krismas.

"Bai gutpela sapos mi mumu long haus na mipela pren na famili istap em i tok.

### i kam long pes 13

Dispela baset bilong 2002 em i helpim ol lain i kisim liklik pe tasol. Tasol olsem wanem long bikpela hevi em VAT bai kamapim long ol dispela husat i no wok o i kisim liklik pe tasol? Watpo na yumi no tingting long rausim VAT long ol kaikai olsem bai ol tarangu lain i no inap kisim taim?

Ol komyuniti tu i no amamas long lukim gavman i tok orait long apim pe bilong ol politisen, ol jas na ol senia pablik sevan. Ol pipel i pilim olsem dispela lain i no nidim moa mani tasol gavman i mas lukluk long apim minimem wej. Watpo na yumi wet yet long harim disisen bilong minimem wej?

Ol pablik i sapotim dispela tingting bilong rausim Rural Developmen Grent em ol Memba bilong Open Ilektoret i save kisim bikos mani i no go stret long mekim wok, planti taim mani i paul. Dispela em i wanpela rot bilong stapim korapsen na westim mani.

Tasol dispela pasin Palamen i mekim long rausim K15miliun dinau bilong Gaming Bod em i pasin nogut. Em i rabis pasin tru na i luk olsem ol dispela memba bilong Palamen husat i kisim ol dispela dinau bai i hait nau na yumi no inap painim ol na kotim ol.

Yumi wet yet long promis bilong gavman long rausim ol poka masin.

"Fri Edukesen" polisi bilong dispela gavman em i no gutpela samting tumas bikos:-

- PNG i sot long mani na kantri i no inap givim fri edukesen olgeta yia;
- I no gutpela tingting bikos ol papamama bai i slek long baim skul fi bilong pikinini.

Dispela polisis i no gutpela tumas bikos planti pikinini bai i no inap long go skul bikos i no gat inap skul, o ol klasrum o ol tisa. Inap tupela yia nau, ol skul subsidi na skul material i no bin kamap hariap na planti skul i mas pas hariap, olsem na sapos "fri edukesen" i no wok gut bai wanem kain bagarap i kamap long edukesen sistem bilong yumi?

Pasin bilong givim hap mani na helpim ol papamama na abrusim ol provinsal gavman em i gutpela rot bilong helpim ol skul. Ol pipel i no bilip long gavman sapos em i tromoi mani bilong praveitaisesen long edukesen na i no yusim long

bekim dinau bilong PNG long ol ovasis beng.

Gavman i mas sapotim kopi na kopra bisnis bikos planti ol grasrut i strong long ol dispela bisnis. Traim na mekim mentenens long ol bikpela rot na liklik rot tu. Bikpela wok i mas kamap long ol rot long helpim ol pipel i karim ol samting i go salim. Ating em i taim bilong kirapim tingting bilong ol pipel long stretim rot olsem ol lain i save mekim bipo na maski long sindaun wetim gavman bikos i no gat inap mani long mekim olgeta ol dispela wok.

Yumi lukim tu planti kros pait i kamap long NCDC na ol i skruim i go yet. Ating i mas gat gutpela prais olsem na ol i pulim i go yet. Wanem kain korapsen i hait aninit long dispela kros pait? Na ol dispela lain i tingting tu long sindaun bilong ol pipel bilong Mosbi o nogat?

Em nau yumi go insait long nupela yia na taim bilong ileksen, strong bilong Kina i pundaun yet, baset we i soim mani bai sot na prais long egrikalsa bisnis i pundaun, wok mani bilong kantri i no gutpela tumas. Ol raskal i givim taim long yumi na ol pasin bilong salim spak brus na baim gan i kamap strong we ol i redim ol gan na i ken yusim long kamapim trabel long taim bilong ileksen. Politikis em i isi rot long kamap maniman.


Dispela ol pasin nogut i stap, tasol yumi hop na pre olsem bai i gat ol nupela na strongpela lida i kamap bihain long ileksen.

Long taim yumi amamasim dispela gutpela nius bilong mama i karim Jisas husat i lait bilong wol i winim dispela sta i soim rot long ol tripela king, yumi pre long pasin bel isi na sekhan i kamap nau long Bogenvil bai kamap tu long yumi olgeta long PNG na bringim amamas we inap rausim ol wari na pen i stap insait long laip bilong yumi long PNG.

Hepi Krismas na blesing bilong 2002 i go long yupela olgeta.

+ BRIAN J. BARNES, OFM, MBE, DD  
Asbisop bilong Pot Mosbi

## MARIA I KARIM JISAS



Maria em i laik marit long Josep, em man bilong lain bilong King Devit. Long dispela taim king i putim wanpela tok olsem, olgeta manmeri i mas i go bek long asples na raitim nem bilong ol. Maria wantaim Josep i go long Bethlehem, em asples bilong King Devit. Long Bethlehem Maria i karim pikinini man. No gat rum i stap long haus pasindia olsem na Maria i kisim laplap na karamapim pikinini gut. Na em i silipim pikinini long bokis kaikai bilong bulmakau.



Long dispela nait ol man i lukautim ol sipsip bilong ol i stap klostu long Bethlehem. Wantu ensel bilong bikpela i kamap. Bikpela lait i raunim em na ol man i kirap nogut na i pret tru. Ensel i tok, "Yupela i no ken pret. Mi kisim gutpela tok i karh. God i laik helpim ol manmeri na em i salim nupela pikinini i kam. Yupela go long Bethlehem na bai yupela i lukim em i slip i stap long bokis kaikai bilong bulmakau". Wantu planti ensel moa i kam. Ol i singim song olsem, "Yupela tenkyu long God long Heven. Em i laikim tumas ol manmeri na em i givim bel isi long ol."

Ol ensel i go pinis na ol man i tok, "Goan, yumi go long Bethlehem. Yumi lukim dispela samting". Na ol i hariap i go long taun. Ol i lukim Maria wantaim Josep na pikinini i slip i stap long bokis kaikai. Na ol i stori long ol tok tok bilong ensel.



Orait ol saveman tu i kam, em ol lain bilong longwe kantri. Ol i lukim narakain sta i stap long skai na ol i bihainim sta i kam. Sta i go lait i stap antap long wanpela haus long Bethlehem. Ol saveman i lukim na ol i emamas tru. Ol i go insait na ol i lukim pikinini wantaim mama bilong en Maria. Ol i brukim skru na lotu long em. Ol saveman i kisim ol gutpela presen na ol i givim long liklik pikinini. Ol i givim em gol na gutpela sanda na paura i gat gutpela smel.



Bible Society of Papua New Guinea  
P.O. Box 335, Port Moresby  
P.O. Box 1017, Lae

## Resepi bilong Krismas

### Seafood platter

#### Ingredients

1 cooked lobster  
2 mud crabs  
12 (500g) cooked king prawns  
375g sliced smoked fish fillets  
Lemon and lime wedges

#### Ginger and lemon grass sauce

1/2 cup white vinegar  
1/2 cup sugar  
1/4 cup water  
1 stalk fresh lemon grass, sliced finely  
2cm piece fresh ginger, shredded  
2 table spoons fish sauce

#### Horseradish and dill cream

300g sour cream  
2 tablespoons horseradish cream  
2 tablespoons chopped fresh dill  
1 table spoon wasabi  
2 table spoons lemon juice

#### Method

Clean and prepare all seafood, leaving shells intact if desired.

Serve with lemon and lime wedges and ginger and lemon grass sauce and horseradish and dill cream.


#### Ginger and lemon grass sauce

Combine vinegar, sugar, water, lemon grass and ginger in a small pan: cook, stirring, without boiling until sugar dissolves. Bring to boil then simmer for 7 minutes or until sauce thickens slightly. Stir in fish sauce, then cool.

#### Horseradish and dill cream

Combine all ingredients in a small bowl; mix well serves 8 to 10 as an entree  
serves 4 to 6 as a main course

These sauces are great with most seafood, choose any type of seafood you prefer. Both of them can be made a day ahead and covered under refrigeration. Wasabi is prepared Japanese horseradish and is available from most supermarkets selling Asian foods.



### Glaze pineapple pork leg

#### Ingredients

1 leg of pork  
1 teaspoon salt  
1/3 cup honey  
1/4 cup light soya sauce  
440g can crushed pineapple  
1 tablespoon grated fresh ginger  
1/4 cup water  
3 table spoon corn flour


#### Method

Scour the pork rind well. Place the pork in a well-oiled baking dish. Rub salt well into the rind. Bake at 200 degrees celcius for 30 minutes until rind starts to crackle. Reduce heat to moderate, continue cooking until pork is well browned and tender. (Allow about 25 minutes per 500g cooking time.) When pork is cooked, pour combined honey, soya sauce, undrained pineapple and ginger over pork. Cook further 20 minutes, spooning sauce over occasionally. Remove pork from baking dish. Skim off excess fat which has formed on top of pan juices. Add blended water and cornflour to pan juices. Stir constantly over heat until done.



**Manesing Dairekta Mista Dan Kakaraya, ol Dairekta bilong Bod wantaim ol wok-manmeri bilong MRDC i laik tok tenk yu long olgeta kastoma, ol papa graun na seholda long bikpela sapot bilong ol long dispela yia 2001. Mipela i salim bikpela tok amamas bilong Krismas na Nu Yia long yupela wantaim ol famili bilong yupela.**

**Mipela i lukluk gen long sapot bilong yu long 2002.**





## Krismas toktok i kam long Spika bilong palamen

Long pinis bilong 2001, mi sindaun bek na skelim planti pasin nogut tru. Planti pait, raskal pasin na kainkain pasin nogut pulap tude.

Hariap tru Osama bin Laden i bagarapim laip bilong klostu 4,000 manmeri na ol samting mani mak bilong ol samting i go antap tru. Amerika kirap kapsaitim planti bom long Afghanistan na ol gutpela Moslem manmeri nating i kisim bagarap.

Long ples tu yumi kmaapim kainkain pasin olsem kilim ol misineri, pulim meri na mekim nabaut na bagarap bodi bilong God.

Yumi lida i asua tru wankain olsem ol haus lain manmeri bilong yumi husat i stil na mekim kainkain pasin nogut. Yumi kamapim lo, polisi na disisen we kamapim pret, belhat na mekim ol pipel i stap rabis tru.

Sam Kaona o husat praim ministra i no inap tok yumi winim wa long Bogenvil. Moa long 15,000 laip i lus na yumi olgeta i lus.

Yumi bagarap maunten, wara na bus bilong yumi long rausim gol, kopa, oil, timba tasol yumi yet i no save makikm prais bilong ol dispela samting. Ol narapela man long arapela kantri i save givim rpais long wanem gutpela samting i kamap long graun bilong yumi.

Gavman polisi na lo bilong yumi i wok orait tasol pawa bilong ol bikpela kantri long graun i wok long bagarapim yumi.

Long kain taim nogut olsem 2000 yia i go pinis, bebi Jisas i kamap olsem refuji na ronawe long Isip, i no long bot olsem ol pipel mekim nau tasol long wanpela donki. Yumi stap long taim nogut na yumi kisim God yet tasol yumi yet i tanim beksait na sapotim ol pasin nogut bilong dispela graun.

Mi save krai taim mi lukim olsem kantri bilong mi ris long gol, oil, ges, pis na arapela samting tasol bilong wanem roit i bagarap, bris i pas na nogat marasin long haus sik. Bilong wanem yumi salim olgeta samting i go ovasis na i no laik kamapim sampela long kantri.

Taim bilong pait mani na balus wantaim bikpela mani i save go insait long redi ol samting tasol bilong wanem yumi no laik yusim dispela mani long traim rausim na stretim ol pipia man husat stap raun long graun.

Mi sori long sutim tok tasol planti spak man, les long wok, mekim hom meid gan na dringim hombru, planti pasin nogut olsem raskal, pulim meri n aplanti piknini na i dai na nogat inap wok i kamap long kantri bilong olgeta manmeri

Mi no ting yumi mas go olsem olgeta taim. Yumi mas senis na noken poinim pinga long wanpela man. Olsem ol Kristen, yumi mas mekim wokabaut bilong yumi olsem Jisas Krai i mekim.

Yumi noken tok "MI TASOL" na lus tingting long narapela. Yumi olgeta i stap tasol. Yumi kamapim ol samting long graun bilong yumi tasol yumi no i save makim prais bilong kaikai.

Yumi olgeta i mas wok hat na traim kamap klostu long God. Wanem disisen yumi mekim i mas glasim gut wanem samting ol liklik pipel bai kisim long helpim ol i stap gut. Long kamap man, yumi mas wok klostu wantaim God na larim em i kamap ples klia long laip bilong yumi.

Taim Jisas i dai, em i bir nogat wanpela graun na graun bilong yumi yet i stat bagarapim yumi.

Jisas i no bin gat planti samting bilong graun. Tasol nau mani na wanem yumi gat i wankain olsem rop bilong pasim nek bilong yumi. Jisas i no bnin go long wanpela koles. Tasol ol koles bilong yumi kamap olsem matmat. Krai i no bin kamap praim ministra


tasol planti man i pret long em na killim em i dai bikos em save toktok strong na i no pret long wanpela samting na em i gat planti save tru.

Jisas i bin God tasol em kam daun olsem wanpela bebi nating. Yumi mas kamap wantaim gutpela tingting long holi taim olsem na traim senisim laip bilong yumi.

Planti hevi i stap wantaikm yumi tude tasol em bai gutpela sapos yumi senisim laip na redi long wanem samting kamap.

*God i ken blesim yumi olgeta.*

**Bernard M. Narokobi**  
Speaker



**Ol Bod, Menesmen na ol Wokman-meri bilong Invesmen Koporesen Jan bilong Papua Niugini i laik tok tenkyu long ol gutpela lain, Klaiens, Siaholda na Kontribusiutas long bikpela sapot long dispela yia na mipela i wisim ol na famili**


**Bikpela Hamamas**

**bilong Krismas**

**na Gutpela**

**Niu Yia 2002**

**Mr John K. Ruimb**  
**Managing Director**



# Gutpela presen i stap long City pharmacy

NOKEN lus tingting long baim ol Krismas present long City Pharmacy bikos i gat kainkain presen we yu inap givim long wanwan memba bilong famili i stap.

Long mekim yu baim ol samting gut, olgeta City Pharmacy stua insait long kantri i gat ol gutpela bilas na i redim pinis kainkain presen bilong ol manmeri husat go aut nau na laik traim painim ol krismas presen bilong famili na pren bilong ol dispela krismas.

City Pharmacy stua i salim planti kainkain gutpela samting na inap bekim mani taim yu baim presen bilong olgeta famili memba bilong yu i stat long liklik bebi inap lapun bubu long haus.

Gutpela preen yu ken baim em long gutpela presen bokis bilong man na meri na bokis presen bilong ol bebi na narapela memba bilong famili. Bilong ol pikinini i gat kainkain doli na planti arapela samting we inap kamap olsem gutpela Krismas presen. I gat tu ol gutpela samting bilong bilasim haus o opis i stap kain olsem Krismas Diwai we wanpeal i ken baim.

Wanpela manmeri i ken makim na baim sampela presen we ol i pasim pinis bilong yu ken givim long wanpela man o meri yu laikim long en. Pepa na pasim bilong ol dispela kain presen i fri na ol gutpela wok manmeri bilong ol City Pharmacy stua bai helpim yu.

OL kastoma bai kisim tu wanpela fri presen ol i kolim Santa "Kina Bear" sapos yu spendim moa long K150. Ol i kollim dispela "Kina Bear" bikos K1 bilong dispela mani bai City Pharmacy i givim i go wad bilong ol pikinini long Pot Mosbi Jenerel Haus sik. Long mekim olgeta samting spesel stret dispela Krismas, City Pharmacy i gat wanpela bikpela 7 fut long Dancing Santa Claus long tripela stua bilong ol long Boroko, Stop "N" Shop Waigani na Anderson's Foodland long Koki.



• Richard Yawasing wantaim Santa 7ft.

Paul Vincent,  
Krismas 6,  
St John Pre-skul,  
Tokarara

**Dia Santa,**

Mi no bin bikhet insait long dispela yia na mi tingting long i gat gutpela Krismas. Bubu (tumbuna man) bilong mi i tokim mi olsem ating bai mi lukim em long Krismas pait bilong em dispela wiken. Olsem na plis bringim wanpela naispela Krismas presen bilong mi.

Tenkyu Santa na lukim yu bihain.....  
Laikim yu nating tru, Paul.

Louie Tamate,  
Krismas 3.  
save stap long haus

**Dia Santa,**

Mi no go long skul yet olsem na mi save stap olgeta taim long haus wantaim bubu (tumbuna meri). Tasol mi laikim wanpela baisikol long Krismas taim. Sapos yu givim mi wanem samting mi laikim stret, mi olgeta taim bai tok tru long yu.

Tenkyu Santa, lukim yu bihain.

## Krismas em i taim bilong tingim taim Maria i karim Jisas

Jisas i no pret, emi sori long man husat i gat sik lepra, na Jisas i putim han long em ...

< Mak 1:41 >



Nau, yumi igat maresin igat strong

long pinisim sik lepra

na yu tu, yu no ken pret.

Yu no inap kisim sik lepra

sapos sikmanmeri i kisim, o pinisim, maresin, o

long sua, o bagarap, bilong sik lepra

Yumi mas poromanim, na givim helpim long

olgeta husat igat dispela sik lepra, na

ol lain husat igat sua, o bagarap, bilong sik lepra

Emi laik bilong mipela - yupela olgeta mas save gut,

**YU NO KEN PRET**

**OL MANMERI HUSAT IGAT SIK LEpra**

Bel isi bilong Bikpela istap wantaim yupela long Krismas na long nupela yia bai ikamap.

Dispela tok save ikam long Leprosi Misin

## Baim samting dispela Krismas long Mr B na pundaun i dai

HA! KRISMAS taim! Tru, planti taim tingting na save i save paul taim ol pipel lukim kainkain bilas bilong Krismas long ol windo bilong ol supamakem na bikpela dipatmen suta. Krisma sem taim tu bilong selbretim na makim taim Jisas Krias i bin bon. Em i taim bilong amamas, skelim wanem liklik yumi gat na givim presen long wanpela arapela.

Na sapos yu no go aut yet long painim wanpela presen bilong famili o pren, ol Brian Bell stua insait long kantri i gat gutpela samting yu ken makim. Long Brian Bell bai yu painim Akira VCD pilaia long liklik prais bilong K375 we yu inap givim wanpela gutpela presen long pren bilong yu. Long liklik prais moa em Singer Straight Sawing masin we ol i salim long K239. Dispela em wanpela gutpela presen tru bilong ol mama na bai helpim ol famili bihain taim tu na yu inap painim namba tu graun level bilong Brian Bell Plaza long Boroko shopping senta.

Bilong ol pikinini i gat kainkain doli we wanpela inap makim. Ol baisikol tu i stap. Wanpela 12-inch baisikol wantaim samting bilong karim kago long beksait em ol i salim long K59, wanpela 16-inch baisikol em ol i salim long K119, wanpela 26-inch maunten baik wanpela lek brek na tu 26-inch 10 spit maunten baisikol em ol i salim long K399 tasol.

Dilong ol papai gat ol gutpela tramountina, tul, gaden, tul, eskies na planti moa. Wanpeal kastoma i gat sans long makim wanpela K40 presen sapos em i spendim moa long K200. I gat ol gutpela doli bilong holim pasim i stap olsem dok, luiklik



• Orogen Santa Claus givim presen long ol pikinini.

rat o walabi. OL bai karamapim fri olgeta krismas presen yu bai long Brian Bell na dispela inap helpim planti pipel husat laik baim Krismas presen.

Na bilong bilasim opis o haus bilong yu, i gat planti kainkain samting yu inap makim. Sampela bilong ol i olsem Krismas Tri na Kat wantaim lait. Ol diwai i kam long tupeal kain. Narapela em Amerikan Pain Diwai na narapela em 16 fut Canadian Pain tri.

Sapos yu baim ol samting long Brian Bell bai yu amamas bikos planti manmeri i go insait pinis long dispela stua we ol i bilasim ol samting nais tru. Nogut las minit na planti manmeri pulap na yu painim hat.





• Pikinini long Kitty Play school danis na singsing long amamasim Krismas.

## Carols by Candle Light Christmas Songs

Jingle Bells, jingle bells, jingle all the way  
Oh what fun it is to ride on a one horse open sleigh hey!  
Jingle bells, jingle bells, jingle all the way  
Oh what fun it is to ride on a one horse open sleigh!

Dashing through the snow on a one horse open sleigh  
Oh what fields we go laughing all the way  
Tails on bobtails ring.....making spirits high  
Oh what fun it is to ride on a one horse open sleigh

Hey Jingle bells, jingle bells, jingle all the way  
Oh what fun it is to ride on a one horse open sleigh hey!  
Jingle bells, jingle bells, jingle all the way!  
Oh what fun it is to ride on a one horse open sleigh!

## Rudolf The Red Nosed Reindeer

Rudolf the red nosed reindeer  
Had a very shiny nose and  
if you ever saw it you would even say it glows  
(like a light bulb)  
All of the other reindeer's used to laugh and call him  
names they never let poor Rudolf play in  
any reindeer games.....

Then one foggy Christmas eve  
Santa came to say, Rudolf with your nose  
so bright won't you guide my sleigh tonight

Then all the other reindeers  
let him play in all their reindeer games  
They knew that poor Rudolf  
Would go down in history...

## Silent Night

Silent Night! Holy Night! All is calm all is bright  
Round young virgin mother and child  
Holy infant so tender and mild  
Sleep in Heavenly peace  
Sleep in Heavenly peace

Silent night! holy night!  
Shepherds watch at the sight  
Radiant beams from thy holy face  
With the dawn of redeeming grace  
Christ the saviour is born  
Christ the saviour is born

Silent night! Holy night  
Son of God loves pure light  
Radiant beams from thy holy face  
With the dawn of redeeming grace  
Christ the saviour is born  
Christ the saviour is born

## Oh! Holy Night

Oh Holy night! The stars are shining brightly, It is the night of the dear Saviour's birth. Long lay the world in sin and error pining, Till he appeared and the soul felt its worth. A thrill of hope the weary world rejoices, For yonder breaks a new and glorious morning.

Fall on your knees! Oh hear the angel voices! O night divine, O night when Christ born; O night, O Holy night, O night divine.

Led by the light of faith serenely beaming, With growing hearts by the cradle he stand. So led by the light of a star so gleaming, Here came the Wise men from out the orient land. The King of kings lay thus in lowly manger, In all our trials born to be our friend. He knows our need, Our weakness is no stronger, Behold your King! Before him lowly bend! Behold your King! Before him lowly bend.

Truly he taught us to love one another, His law is love and his gospel is peace. Chains shall he break for the slave is our brother, And his name all oppression shall cease. Sweet hymns of joy in grateful chorus raise we, Let all within us praise his holy name.

Christ is the Lord! Then ever, ever praise we, His pow'r and glory evermore proclaim! His pow'r and glory ever - more proclaim!



MINISTRY OF BOUGAINVILLE  
AFFAIRS  
OFFICE OF THE MINISTER



**Toktok Bilong  
Krismas na Niu yia i kam long  
Minista bilong Bogenvil Afeas**

**P**asin bilong bipo yet, Krismas em i taim bilong bel isi, amamas na gutpela sindaun. Na Niu Yia em taim bilong skelim laip bilong yu yet na redi long nupela salens.


Em i rait taim nau bilong ol pikinini, meri na man long amamasim Saining bilong Bogenvil Pis Agrimen long Arawa long mun August 30, na gutpela wok olgeta pati i bin mekim long wokbung na kamapim dispela Agrimen.

Em i gutpela taim tu long lukluk i go bek long dispela hevi we planti samting i bin lus. Em i taim bilong tingim tu laip bilong ol pipol na kago, pablik propeti na sevis we i bin bagarap long taim bilong Bogenvil Kraisis.

Ol pikinini, meri na man wantaim gutpela tingting i mas bung wantaim na noken larim dispela kain hevi i kamap gen long laip bilong mipela. Mipela mas mekim olgeta samting long kamapim gutpela sindaun na bihainim gutpela rot long kamapim nupela laip gen taim yumi rausim olgeta gan na oi samting bilong pait long Bogenvil.

Oisem na mi laik kisim dispela taim long tok Hepi Krismas na gutpela Niu Yia i go long ol pipel bilong Bogenvil na Papua Niugini long nau na bihain taim.

HON. MOI AVEI, MP  
BOGENVIL AFEAS MINISTA



# Krismas i kamap olsem wanem

NELLY SAWERI i raitim

KRISMAS i save kamap long Desemba 25 long selebretim bon de bilong Jlsas Kraiss. Husat man tru i kamapim nambawan Krismas em nogat manmeri i save.

Tasol planti save manmeri i tingting olsem Krismas i kamap wantaim ol nambawan Kristen manmeri na i bin stat long kantri Germany. Tok Krismas i kam long wanpela tok ples bilong insait long Yurop we wan tok ples nau i stap long kantri olsem Welsh, Ireland, Gaelic, Scotland, Britain na Gauli. Ol i bin selebretim taim ais i pundaun long ples bilong ol na long taim san i laik kamap na senisim ples bilong em antap long skai i go olsem long North o taim em i laik go daun long South.


Krismas em ol lain Kristen tasol i bin holim long yia 3000 na ol i bin putim kastom olsem bilong kisim kaikai, presen na narapela lip bilong diwai nabaut we ol pipel i ting i gat holi pawa i stap long en.

Krismas Diwai - Diwai we lip bilong em i save grin olgeta taim na ol i save putim lait na narapela bilas bilong mekim Krismas

luk nais tru. Dispela grinpela diwai i makim diwai we i sanap long Gaden bilong Eden long Paradais na ol i bin statim long wnapeal ples ol i kolim Strasbourg long kantri France long 1700 yia i go pinis. Bihain dispela pasin i bihainim i go olsem long Germany na narapela kantri bilong North Yurop. Long 1814 Prins Albert Britain (wantok bilong Kwin Victoria bilong England) i karim tingting bilong Krismas Diwai i go insait long Great Britain. Long hap em i go long United States bilong Amerika taim ol pipel bilong hap i lusim Great Britain na laik i go i stap long Amerika.

Long wankain taim ol lain bilong Netherlands i kamapim tingting bilong Santu Nicholas, man husat i save karim presen bilong ol manmeri na pikinini long taim bilong Krismas.

Ol i ting olsem long Desemba 6 Santu Nicholas i save karim presen bilong ol pikinini i kam. Ol lain bilong Britain husat kam stap namel long ol pipel bilong Netherlands i kisim dispela pasin na putim wantaim bikos ol i ting Krismas em wanpela gutpela taim bilong ol pipel i ken givim presen long narapela arapela na kamapim gutpela selebresen.



• Gretel Matawan i lukluk long toihaus bilong bebi Jisas i silip long em.

Nau long tok English yumi save kolim "Santa Clause" bilong ol pipel bilong Netherlands i save kolim em 'Sintklass' we taim yumi tanim gen nau i kamap olsem Sint Nicolas (Santu Nicholas). Long dispeal hap Santa

Clasue i tanim na kamap olsem man yumi save gut tru tude; wanpela patpela man bilong amamas olgeta taim wanpela longpela maus gras. Husat save werim ol repela klos wantaim waitpela makmak na werim bikpela bilakpela belt, husat i save slip olgeta taim long North Pole na kamap olgeta taim long Krismas wantaim presen.

Long taim bilong ais i pundaun, ples i save kol nogut tru olsem na yumi safve tok em werim ol bikpela klos tru bikos ol pipel husat slip arere na klostu long ples we ais i pundaun i save werim wankain klos taim ais i laik pundaun long ples bilong ol. Olsem na olgeta taim yumi save tingting olsem Santa Clause i mas slip long ples kol olgeta taim long North Pole.

Yumi save ting olsem olgeta taim em i save draivim wanpela samting ol dok i save pulim long


ais na karim presen bilong ol yangpela pikinini husat i bin harim tok na i no mekim wanpela bikhet pasin. Em i save karim presen i go long olgeta hap bilong graun long Krismas nait stret. Ol 8-pela meme bilong husat save stap long ais ol i kolim reindeer i save pulim masin builong em raun na em i save kisim presen i go long olgeta hap bilong graun.

I gat bilip olsem ol reindeer i save flai wantaim Santa Claus. Em i save go long olgeta haus insait long graun insait long wanpela nait na i gat bilip olsem em i save kam stap antap long haus na kam daun long ples we smok i save go antap.

Em i kam insait long haus pinis na i save kisim ol presen i kam na putim aninit long Krismas Diwai na em i save putim wet soks bilong em long drai klostu long paia ples.



Promotim ol Vokesenel Trening Projek



PNG-German Gavaman Koporesen

Long makim dispela bikpela de we bai kamap klostu olgeta wok manmeri bilong

- Promosen ov Vokesenel Trening Projek long Pot Mosbi bilong
- German Ejensi bilong Teknikel (GTZ) Rijinel Dipatmen Sautis Esia na Pasifik Ailan na
- German Federel Ministri bilong Ekonomik Koporesen na Developmen (BMZ) Rijinel Dipatmen bilong wokbung Koporesen Progreim insait long Sautis Esia na ol Pasifik Kantri,

i tok

*Meri Krismas  
na  
Hepi Niu Yia 2002*

i go long savman na ol Pipel bilong Papua Niugini.

Mipela i lukluk yet long go het yet wantaim ol sevis bilong mipela long bringim developmen na gutpela sindaun bilong Papua Niugini na ol pipel bilong Papua Niugini long nupela yia i kam long sapotim Nesenel Dipatmen ov Edukesen long opim rot long Edukesen, Trening, na Skils Developmen long olgeta sitisen bikos,

**"Long dispela taim nau ol ekonomi we i stap antap long skills na save, wanem samting yu kisim bai kamap long wanem samting yu lainim."**

Bill Clinton, Presiden bilong Amerika

Long dispela taim mipela i laik givim bikpela tok tenkyu i go long ol skul na wanwan lain manmeri husat i bin sapotim wok na helpim gutpela wok bilong dispela projek long dispela yia we bai pinis. Ol lain mipela i tingim em ol wok manmeri na ol opisa bilong Nesenel Dipatmen ov Edukesen aninit long gutpela lidasip bilong Sekretari bilong Edukesen, Mista Peter M. Baki.

GTZ Projek Tim, Edvaisa na Konsalten bilong Promosen ov Vokesenel Trening long PNG em:

Mista John Vilivili    Mista Martin Kase    Mista Tapi Pochelep    Mis Geua Morea    Mista George English  
Mis Prisca Vilivili    Mista Horst W. Hansel    Misis Mechthild Hansel

## Bomana Plis Kolis i selebretim krismas

Joyce Ding i raitim

PLIS Kolis long Bomana insait long Nesenel Kapitel Distrik i bin stat long amamasim krismas wantaim krismas singsing o Kerols we ol i bin singim wantaim kendel long Fraide 14 Desemba.

Olgeta sios bilong ol narapela lotu i bin bung long rikrut mes long kamapim dispela so long amamasim stat bilong krismas.

I bin gat ol rikrut na plis ben tu i bin stap long dispela so na tu ol yut i bin kamapim ol pilai o drama na tu ol i bin pilaim ol ben.

Long dispela taim ol manmeri i bin holim ol kendel na singim ol krismas singsing taim plis ben i bin pilaim ol krismas musik bilong ol.

Seplin bilong Plis Koles reveren Manu Guigui i tok olsem ol pipel i amamasim krismas long kainkain we bilong soim amamas bilong ol yet, dispela taim em i taim bilong selebretim na taim bilong tingim bonde bilong Jisas husat mama Maria i karim em moa long 2000 yia i go pinis.

Sief Suprintenden Trening Komanda bilong kolis, Jerry Frank husat i bin stap long dispela konsert i tokim ol sumatin husat i stap holide nau mas helpim ol papa na mama bilong ol long dispela taim.

Mista Frank i amamas stret long olgeta pipel insait long kolis long sapot bilong ol i go long menesmen bilong kolis tu.



# Kapi tokim ol sumatin long tingim agrikalsa



• Memba tokim Enga pipel bilong em long tingim agrikalsa.

OL skul i mas lainim ol sumatin gutpela skil bilong agrikalsa na dispela samting i mas stap insait long buk bilong ol sumatin husat i stap long skul.

Memba bilong Wabag Open Daniel Kapi i bin mekim dispela toktok taim em i bin go raun long olgeta skul long ilektoret bilong em las wik.

Mista Kapi i mekim dispela toktok bikos em i laikim ol manmeri long save olsem kantri nau i stap long taim nogut na ol i mas tingting gut.

"Olgeta skul i mas lukluk long agrikalsa sekta na tingting strong long wok gut long dispela eria bikos em wanpela samting ol inap tru long mekim gut tru," Mista Kapi i tok.

Em i tok nau em taim bilong kantri i gat planti hevi long mani na ol i mas tingting gut na helpim ol yet bikos gavman i no inap stap

long helpim ol tasol.

Mista Kapi i tokim ol skul olsem ol wok long edukesen sekta inap long givim 2,000 wok tasol 60,000 sumatin i save greduet long olgeta yia na dispela em i bikpela namba tru.

Em i tok ikonomi bilong kantri i no gutpela tu na nogat nupela indastri i kamap na dispela i min olsem nogat nupela wok bai kamap long 58,000 sumatin husat i lusim skul wanwan yia.

"Sapos ol sumatin i no tingting gut long skul bilong ol bai ol yet i kamap birua nogut bilong ol yet," em i tok.

Mista Kapi i tokim ol sumatin long lukluk i go insait long ol yet na askim ol yet wanem samting tru ol i laik kamap long bihain taim. Ol i mas tingting strong na sapos ol i tingim sindaun bilong ol long bihain bai ol i no inap painim bel hevi.

Em i tok planti ol sumatin i gat graun we ol inap long yusim wantaim save ol i kisim long skul.

Mista Kapi i tokim ol sumatin olsem em i hatpela samting tru bikos ol sumatin i givim planti yia tru long go long skul tasol ol i no save long bihain bilong ol bai kamap olsem wanem.

"Gavman i toktok long fri edukesen na giaman ol pipel bikos ol i ken go long skul planti yia tasol bihain bilong ol i ken painim wok em gavman i no tingting long dispela," Mista Kapi i tok.

Em i tokim ol sumatin olsem ol i mas go bek long ples na putim han long graun bai ol i ken kisim moa helpim sapos ol i no inap go het long bikpela skul.

Mista Kapi i tok olgeta i no inap painim gutpela wok na tu moa i no inap go long yunivesiti na koles olsem na ol i

mas tingim graun bilong ol bai ol i ken helpim ol yet.

## Enga provins bai kisim fri helt sevis

GAVANA bilong Enga provins Peter Ipatas i promisim ol pipel bilong Enga olsem olgeta bai kisim fri helt sevis stat long neks yia.

Em i tok ol helt senta na ed pos bai givim sevis long ol pipel fri bikos em bai stretim we long baim olgeta helt sevis.

Mista Ipatas i tok skul fi neks yia em gavman bai peim tasol ol sumatin husat i go long ol bikpela koles na yunivesiti em Enga provinsel gavman bai baim yet skul fi bilong ol.


"Gavman bai givim fri edukesen long ol pikinini bilong mipela na nau bai Enga provinsel gavman bai baim ol helt fi bilong yupela," em i tokim ol mamapa na studen bilong greduesen long Kopen Sekendari skul las wik.

Tasol Mista Ipatas i wari olsem ol pablik long Enga wantaim ol papamama i no mekim inap wok ol yet long helpim ol yet.

Em i tok ol pipel i wok long pilai kas na bingo na ol i lusim ol gutpela wok ol i save mekim long ples.

"Taim gavman i peim skul fi yupela ol papamama i mas go long skul long toktok na sapotim ol sumatin long soim ol gutpela tingting na toktok," Mista Ipatas.

Em i tokim ol papamama olsem ol yet i mas lainim gutpela pasin long ol pikinini bai ol i no ken givim hat taim long ol tisa bikos taim ol pikinini i kamap yangpela manmeri bai ol tisa i no inap gat kontrol olsem na wok bilong ol papamama em long lukautim ol pikinini na lainim ol gutpela pasin long haus.



• Enga Gavana Peter Ipatas laik givim fri helt sevis long Enga.

## Enga memba egensim fri skul fi plen

MEMBA bilong Wabag Open Daniel Kapi em i pes memba bilong palamen long tokaut strong egen-sim Fri Edukesen Polisi bilong nesanel gavman.

Mista Kapi i toktok long sampela 4,000 pipel husat i bung long greduesen bilong Kopen Sekendari Skul las wik.

Em i tokim ol olsem kain toktok bilong fri edukesen em i katim stret nek bilong ol pipel na tingting bilong ol pipel nau bai stap long kisim ol gavman sevis we i fri tasol na dispela i no gutpela.

"Taim ol pipel i save olsem gavman bai baim skul fi bilong ol pikinini bilong ol bai ol i no inap tingting long baim skul fi na les nabaut," Mista Kapi i tok.

Em i tok ol kopi gaden na gaden bilong planim kaikai bai na kisim mani bai kamap bus na les tingting bilong ol pipel bai i no inap mekim wok.

Kain tingting olsem bilong wanem bai mipela wok taim gavman bai peim skul fi na marasin bilong mipela.

Mista Kapi i tok ol pipel bai pilai bingo na kas na ol i no inap wok hat long painim mani long helpim ol yet.

Em i tok giaman politiks bilong Pipel's Demokretik Muvmen (PDM) i bagarapim ikonomi

bilong kantri na bai ol yangpela pipel bilong bihain bai karim hevi bilong rong disisen gavman i mekim nau.

Mista Kapi i mekim ol dispela toktok taim Enga Gavana Peter Ipatas i tok provinsel gavman bai givim fri helt sevis long ol pipel long Enga.

Em i tok yet olsem PDM i mekim rong yet long em i no tingim olsem taim ol pipel i no wok long kopi gaden bilong ol bai agrikalsa indastri i no inap kamap gut tu.

Dispela kain tingting em gavman i no tingim na gavman i ting em i givim sevis long ol pipel tasol taim yumi lukim long bihain taim bai planti hevi i kamap.

Mista Kapi i tok planti ol memba na politisen i salim ol pikinini bilong ol i go long ovasis long skul na bilong wanem ol i toktok long fri edukesen we i no inap helpim ol yangpela pipel bilong bihain.

Gavman mas larim ol papamama husat i wari tru long edukesen bilong ol long baim skul fi na dispela bai soim olsem ol i gat tingting long laip bilong pikinini na taim ol i baim skul fi bai ol i strong long pikinini i skul gut.

Taim ol i no baim skul fi bai ol i no inap wari tumas long skul bilong pikinini bikos em fri skul fi.

### PJV helpim tupela meri long yusim kompyuta

PLIS het opis long Wabag i gat wanpela nupela kompyuta em pestaim tru ol i baim taim opis i op long taim waitman i lukautim provins.

Wantaim dispela nupela masin bai plis inap long putim ol ripot na ol narapela wok bilong plis i go insait long kompyuta long ol fail bilong em yet.

Pogera Join Vensa (PJV) i lukim dispela hevi bilong plis long Wabag na kampani i larim tupela sekretari long plis opis i go stap long main kem long Pogera na lainim ol gutpela skil bilong kompyuta.

Sekretari bilong provinsel plis komanda Anna Henry na sekretari bilong Wabag plis stesen Rose Wak i bin go slip long main ples long foapela de na kompyuta trena long PJV Martha Tade i lainim tupela long we bilong yusim kompyuta.

Long pinis bilong trening bilong tupela em PJV i givim tupela meri

wanwan setifiket long soim wanem gutpela samting tupela i lainim.

Los Kontrol Operesen Kodineta Brendan Kelleher i tok PJV i bin amamas long helpim tupela meri long lainim kompyuta skil na em i tok kampani i amamas tasol long lukautim tupela long taim tupela i kisim trening.

Mista Kelleher i tok plis long Enga i gat bikpela wok long putim gut long fail na kompyuta em i wanpela samting we ol i mas gat long mekim dispela wok na em i amamas olsem tupela meri i kisim helpim.

Tupela meri i tok bikpela tenkyu long kampani na Misis Tade husat i givim taim bilong em long lainim tupela long we bilong yusim gut kain masin.

Tupela i tok wanem samting tupela i lainim bai tupela i givim long helpim plis dipatmen long lukautim ol fail bilong plis.




Planti lusim kalabus  
 • Taim Northern Alliance winim Kandahar siti, ol Taliban i bin kalabusim 2000 man olgeta. Planti bilong ol i bilong narapela kantri tasol gavman les long lusim ol i go bikos Taliban brukim het bilong ol na paitim ol nogut. Sampela i no save long ol yet tu.

Ami bilong Amerika raun long Afganistan

• Amerika i bin tromoi bom tasol na pait wantaim gan long graun i bin kamap namel long Taliban na Northern Alliance. Tasol dispela piksa i soim spesol fos bilong Amerika i go insait long pait Osama bin Laden long ples hait bilong em long hul bilong ston long ol maunten sait.


The Weekend Australian



• Wanpela ami bilong Israel i sanap long redio na televisen stesen bilong Palestain ol i tromoi bom long en. The Weekend Australian

### Israel laik pait bek long Palestain

AMI bilong Israel i statim pinis wanpela pait bilong bekim ol birua we i wok long kamap long ol manmeri nating bilong Israel. Ol pait man bilong Palestain i pasim ai na kamapim kainkain birua wantaim bom. Ol i save pasim ai na dai wantaim bom long ol pablik ples olsem bikpela supamakot, haus sik na PMV bas we i gat planti manmeri bilong Israel i stap long en. Israel i tromoi bom na kilim planti manmeri na bagarapim haus bilong ol long Wes Bank ples. Gavman bilong Israel i sutim tok long Palestain lida Yaser Arafat long ol birua i kamap na tingting bilong Israel i strong tru olsem ol i mas ronim ol Palestain pipel. Ol Palestain lain i nogat balus o helikopta bilong kirapim woa olsem na ol i save pasim ai long dai wantaim wanpela bom namel long ples planti Israel manmeri i stap long en. Long Novemba 23 i kam inap nau, 34 manmeri na piknini bilong Palestain i dai, 53 Israel manmeri i dai na narapela 40 i stap klostu long mak bilong dai long haus sik.



## NATIONAL WEEKLY HIT PARADE

December 22/12/01

SPONSOR: TRADEWINDS

W/B	L/W	T/W	SONG	ARTIST
1	1	1(6)	WHY MY ANGEL	SLUMZ OF SIMBU
2	2	2	REGGAE IS LAREVA	BASIL "BLITZ" GREG
3	3	3	FRIENDS FOR A LIFETIME	SLUMZ OF SIMBU
4	4	4(6)	OULAMAGI	DEMAS SAUL
9	7	5	PAINA NUKUE	PATTI POTTS DOI
13	8	6	SKEN KEWA	SLUMZ OF SIMBU
5	5	7	LAIKIM YU NATING TRU	NEW PAINIM WOK
12	10	8	PILLOW MAFU MORI	ROBERT OEKA
8	9	9	PASIN BRATA	DEMAS SAUL
20	11	10	LAGIHUSA	HITSY GOLOU
6	6	11	BETENISI	ZHON BOSCO/LOUIE WARUPI
7	12	12	WI SIMBO	RAIOT 08
10	13	13	MAMA	PATTI POTTS DOI
16	15	14	NOLBEE	KUAKUMBA RUTZ BROS
14	14	15	SMILE NATING	DUSTYS BAND
15	16	16	NGAU MALABONG	QUAKES
0	0	17	HAT WOK(LUS NATING)	JUSTICE MOKINIZ
0	0	18	BEO NATA	REMINISENCE
11	17	19	KEKENI KEKENI	KRYMUS II
0	0	20	BISI VAVINE	HITSY GOLOU

IN HAT WOK(LUS NATING) JUSTICE MIKINIZ  
 BEO NATA REMINISENCE  
 BISI VAVINE HITSY GOLOU

OUT HAPOLASA EDEN SOULS  
 NONGA BASE ANSL0M  
 TINGANA VUDU NEW PAINIM WOK

SOURCES: YUMI BELO SHOW  
 LAIK BILONG ANKOL E.T.  
 COCA COLA GARAMUT  
 FLAME CULTURE & PHONE ENQUIRES

# Piksa soim Osama bin Laden asua

WANPELA muvi piksa i soim olsem Osama bin Laden tokaut olsem em i save wanem kain birua bai kamap long Wol Tred Senta long New York. Dispela muvi gavman bilong Amerika i putim aut long pablik las wik i soim Osama bin Laden i sindaun stori wantaim ol arapela lida. Em i tok em amamas nogut tru taim 110 stori WTC i pundaun taim tuplea balus i go bamim. Tingting na plen bilong em long bamim antap foa o faivpela tasol em i wanbel olsem tupela bilding wantaim i bruk na kilim planti moa manmeri winim namba ol i ting bai dai. Olgeta hap long graun ol manmeri i bin malolo long wanem wok ol i mekim na sindaun lukluk long dispela piksa. Sampela Muslim grup i no bilip long dispela piksa na i tok ol Amerika i trikim na kamapim piksa, Bin Laden i no stap long piksa tasol Amerika strong olsem ol i yusim kainkain savemani bilong luksave sapos dispela piksa i gijaman o tru. Displea tep em ol Amerika i painim long wanpela haus long Afghanistan we bin Laden na ol lain bilong em i bin hait i stap long en. Bin Laden i tokaut tu olsem ol man husat pailotim balus i no bin save long narapela arapela. Ol i ting ol wan bai kamap santu tasol wanpela man i bin stap beksait na givim tok-save long wanwan wanem samting ol i mas mekim. Taim tripela balus olgeta i pas long han bilong ol. Ol i flaim streit i go long wanem hap ol i mas go. Ol narapela manmeri i ting olsem olgeta i wok olsem wanpela grup tasol dispela i no tru. Wanpela man i givim tokkot na ol i bin wok wanwan yet. Osama bin Laden i mekim manmeri husat lusim wantok na famili long birua i belhat nogut tru. Long piksa em i luk amamas na i luk wankain olsem em i amamas olsem manmeri i save mekim taim soka o ragbi tim bilong ol i win.



## Ol Birkpela Samting i kamap long Bogenvil wantaim VERONICA HATUTASI

**Long dispela yumi lukluk long: Tripela birkpela samting i stap long Bogenvil Pis Agrimen**

BIRKPELA samting long pinisim Bogenvil hevi i stap insait long Bogenvil Pis Agrimen (BPA).

Na i gat tripela birkpela samting long en olsem yumi tok pinis. Em long atonomi o gavman i gat moa pawa, referendum o indipenden na wepons disposel o lusim ol gan samting bilong pait.

Long dispela taim, program bilong lusim ol gan samting i stat pinis long Torokina sab-distrik na i wok long go het.

Birkpela samting nau em program i stat pinis na i mas go het bikos dispela bai strongim sait bilong sapot long ol Palamen memba long sapotim vot long kamapim senis long Mama Lo na ol i ken kirapim otonomi gavman long Bogenvil.

Bilong kamapim senis long Mama lo, birkpela mak olsem tu tets o 82 memba i mas vot long sapotim senis.

### OTONOMI

Otonomi long Bogenvil i min olsem gavman i gat moa pawa long en long ranim ol wok na mekim ol birkpela disisen long wok politiks, fainens, edministresen na ol risos samting.

Otonomi gavman bai

wok aninit long Mama Lo bilong Bogenvil yet we ol i kamapim bilong stiaim ailan na gavman. Mama Lo ya bai i no wankain wantaim Ogenik Lo bilong Provinsel na Lokol Level gavman. Otonomi gavman bai i gat publik sevans bilong em yet, plis, rot bilong kisim takis long en, ol non benking fainensel institusen na tok.

Long Bogenvil Nesenel Kot bai i stap antap tru taim Suprim Kot bai i stap olsem apil kot.

Nesenel Gavman bai gat pawa antap long Difens, Foren Afeas na karensi o mani.

Otonomi gavman bai gatwankain pawa we Interim Provinsel Gavman long Bogenvil i gat long dispela taimna em bai kisim ol arapela pawa isi isi na faivpela krismas bihain long sanapim otonomi gavman.

Otonomi gavman bai strongim ol Bogenvil pipel long luksave long laik bilong ol tasol dispela i bihainim Mama lo bilo g PNG.

Taimtebol long rot bilong kisim dispela atonomi gavman em bai kamap long dispela stori.

### REFERENDUM

Referendum em vot ol save kisim long kisim tingting bilong ol pipel long ol birkpela samting long kantri na provins.

Olsem i stap aninit long

BPA, Bogenvil bai holim wanpela referendum vot long politikel futja bilong ol. Dispela em 10-pela krismas bihain long de we Bogenvil i kisim otonomi gavman long en na bipo long abrusim 15-pela krismas. Kondisen bilong holim referendum o indipenden vot em long ol paitgrup long ailan i lusim ol samting bilong pait. Na tu sapos otonomi gavman i ron gut.

### LUSIM OL GAN SAMTING BILONG PAIT

Lusim ol gan em i birkpela samting na kliarim ailan long ol gan i mas kamap long trupela gutpela sindaun na fainel politikel setmelten i kamap long en.

Olsem ol i tok orait pinis long en aninit long BPA, lusim ol gan bai kamap long tripela hap.

Namba wan hap em long karimaut publik aweanes. Bogenvil Pis Kodineta Peter Sohia i wokim dispela long olgeta Mande nait long Redio Not Solomon.

Pis Proses Konsaltativ Komiti (PPCC) we Yunaitet Nesens Obseva Misis long Bogenvil (UNOMB) bos Noel Sinclair i go pas long dispela komiti bilong was long wok bilong lusim ol gan. Ol arapela emmba long komiti ya i kam long Nesenel Gavman na kombaian Bogenvil lidasip. Bihain long dispela, ol

eks paitman long wan wan eria bai bungim ol gan n aputim ol long loka we ol i lokim insait long ol birkpela kontena. Dispela i wok long kamap nau, stat long Torokina tupela wik i go pinis.

Namba tu hap bai kamap bihain long taim Palamen i givim sapot vot na tok oraitim senis long Mama Lo bilong sanapim otonomi gavman bilong Bogenvil. Long dispela taim tu, ol bai putim ol kontena i gat ol gan long en i go long wanpela hap na givim ki long, wanpela long UNOMB bos long holim na narapela tupela em BRA na resistens fos komanda long holim.

Namba tri hap em long wanem samting bai kamap long ol gan em bai kamap bihain long ol i sanapim otonomi gavman.

Nesenel Gavman i bin wari long taim ol wok long lusim ol gan i no go het kwik long Bogenvil tasol wantaim namba wan seremoni long dispela i kamap long Torokina tupela wik i go pinis, ol samting i wok long muv i go het nau taim ol arapela grup tu i bihainim ol Torokina na lusim ol gan long han bilong UNOMB.

Long dispela tripela birkpela samting i go het sampela arapela samting i mas kamap.

Namba wan em Palamen i mas pasim o tok oraitim Bil long kamapim

sampela senis long Mama Lo na otonomi gavman i ken sanap na tu long holim referendum vot.

Senis long Mama Lo i mas kamap bikos long dispela taim, Mama Lo bilong kantri i nogat lo i tok we i larim otonomi gavman na referendum i mas kamap long en long kantri. Bogenvil Afeas Minista Moi Avei i bin tebolim Agrimen long Palamen long Oktoba 17, 2001 long givim inap taim long ol Palamen memba long ritim na luksave long en. Na long Novemba 22 na 23, Prait Minista i bin singautim wanpela spesel Palamen bung we ol memba i bin dibei long agrimen. Ol bin paitim toktok i go na i kam long putim sapot na egen-sim.

Tasol i bin gat gutpela sapot na tu i soim olsem ol memba i gat save na wari long ol samting i kamap long Bogenvil.

Long wankain taim, loya bilong gavman na ol teknikel opisa bilong Nesenel Gavman na Bogenvil i bin wok wantaim na kamapim ol senis bai kamap long Mama Lo we nau i wetim Palamen long sapotim wantaim vot.

Ol bai holim namba wan vot long dispela long namel bilong mun Janueri 2002.

Moa long dispela neks wik.

## Ol meri Torokina amamas long ol eks paitman

VERONICA HATUTASI  
i raitim

OL MERI na ol pikinini long Torokina nau bai wokabaut na stap gut bihain long ol eks paitman i lusim ol gan samting bilong pait, Rose Semos wanpela meri lida long eria i tok.

Misis Semos i bin tok olsem taim seremoni bilong ol eks paitman ilusim ol gan bin kamap long Torokina las Fonde.

"Tude mipela i amamas long tok olsem mipela ol mama, ol meri na ol pikinini i ken lusim pret pasin na wokabaut fri," Misis Semos i tok.

Em bin tok ol mama long olgeta hap bilong Bogenvil i bin mekim birkpela wok long wok bilong painim gutpela sindaun na kamapim bel isi pasin tasol long wankain taim tu, ol bin karim hevi.

Em bin tok em bin kisim birkpela hatwok na longpela taim long kamap long samting we ol bin witanesim las wik.

"Tudem lewa bilong mipela i krai wantaim amamas tru long ol pikinini man bilong mipela i pusim ol samting bilong pait wantaim wanbel.

Dispela em praut taim long wanem mipela i ken wokabaut wantaim fridom na i no moa pret," Misis Semos i tok.

Long wankain taim tu, Siaman bilong Banoni konstituensi Michael Purema i tok dispela seremoni i sanapim samting we ol arapela hap bilong Bogenvil.

## Gavman delegesen toktok long rausim gan program

TAIM wok bilong lusim ol samting bilong pait i go het nau long Bogenvil, wanpela gavman delegesen i bin lusim Pot Mosbi i go long ailan bilong strongim ol wok long dispela samting.

Long aste, wanpela grup i gat long em ol opisa bilong Opis bilong Bogenvil Afeas, Nesenel Gavman, plis, Difens na Atoni Jenerel i bin go long Buka aste bilong holim ol toktok wantaim Wepons Disposel sab komiti long ol samting i sut long lusim ol gan.

Deputi Dairekta bilong Opis bilong Bogenvil Afeas John Sania i tok grup bai i stap inap long Sarere na long tripela de long hap, ol bai toktok long program bilong ol eks paitman bihain long ol i lusim ol gan bilong ol na tu program bilong lusim ol gan.

Mista Sania i bin tok gavman na Palamen i laik lukim ol ekspaitman i lusim ol strongpela gan ol i wokim long fektori.

bin yusim long Wol Wo 1 na ol dispela ol i wokim long ples yet tasol moa birkpela em ol i laik lukim ol hap pawa gan.

Bogenvil Afeas Minista Moi Avei i wokim wankain singaut tu taim em i tok ol Palamen memba i givim gutpela sapot sapos moa grup long ailan i lusim ol gan, moa yet ol strongpela gan ol i wokim long fektori long en.

"Palamen na kantri i laik lukim moa komyniti i lusim ol gan na dispela i karamapim ol hai pawa o strongpela gan we yuni save olsem i ol i stap long han bilong ol. Na gutpela sindaun i ken kamap," Mista Avei i bin tok.

Long wankain taim, ol eks paitman i wok long lusim ol gan nau.

Bihain tasol long ol ekspaitman bilong Torokina i lusim ol gan, ol lain long Eivo eria long Torokina sab-distrik yet i bin holim wanpela seremoni long lusim ol gan samting. Ol lain long Yunaitet Nesens Obseva Misis long Bogenvil (UNOMB), i bin stap

long seremoni ya na olo i lokim ol gan long dispela sem kontena long ples Piva we namba wan grup i bin lusim ol gan long en.

Provinsel Pis Kodineta Peter Sohia i tok Ravunia sensus eria i bin holim narapela long dispela Mande na ol lain bilong Bogenvil Pipels Presiden Kongres lida Presiden Joseph Kabui insait long Karato/Kaspeke bai holim bilong ol long Janueri 10.

Mista Sohia i bin tok ol ekspaitman bilong Toberaki i karamapim ol hai pawa o strongpela gan bai lusim ol gan bilong ol long Nu Yia taim ol lain long Bana/Siwai boda bai wokim bilong ol long Janueri long nupela yia.


Em bin tok tu olsem moa grup bai wokim dispela long nupela yia.

Em bin tok i mas gat moa aweanes long ol pipel i koen save wanem samting i kamap long ol samting i stap insait long Bogenvil Pis Agrimen bikos lusim ol gan na putim long kontena i no hatpela samting.




HITS & MEMORIES

**FM 100**



RADIO NETWORK



PORT MORESBY FM 100.3	MT. HAGEN FM 100.4	TABUBIL FM 100.3	ALOTAU FM 107
BOROKO FM 100.3	LAE FM 100.5	WEWAK FM 100.8	BOREGORO FM 107.7
GOROKA FM 100.2	POPONDETTA FM 100.5	MADANG FM 100.8	HOREALOA FM 107.5
KAVIENG FM 100.2	RAMU FM 101	KOKOPO FM 100.8	WATERHOLES FM 107.3
LORENGAU FM 100.3	KUNDIWA FM 101	BUKA FM 100.3	KAINGUMA FM 107.1
KIMBE FM 100.3			DIMODIMO FM 107.7

When you advertise on FM 100, you can rest assured that your message is being heard in and around these locations on these frequencies right around PNG. Just call 300 4300, fax 300 4399 or email us at kalang@tiare.net.pg & we'll take care of all your advertising and promotion needs.

# Birua i no man, em i husat?

**Dia Edita,**  
 Dispela birua nogut i no wanpela man i karim akis o naip samting. Dispela birua i no kam wantaim bom, o katris, o baint samting nogat.

Dispela birua i no gat lek han na i no inap wokabout i go long haus. Planti moa manmeri bilong Papua Niugini i singaut strong long dispela birua i mas i kam insait long graun bilong yumi.

Ol yet i holim dispela birua long han. Ol yet i bringim dispela birua i

kam insait long haus bilong ol. Dispela birua mipela i toktok long em, em husat dispela birua i no hait. Em husat? Em i no hatwok long painim dispela birua.

Dispela birua i gat nem bia, wiski, ram, bakadi, jin, wain na ol kain strongpela dring. Em birua bilong haus na femili. Ol botol na tin na skin katen i stap long ol haus na rot na ples na nambis. Ol manmeri i no tingim dispela em i birua bilong ol. Ol i tok dispela i pren bilong ol. Ol i tok

strongpela dring i givim amamas long ol na is trongim ol. Na olgeta dring i gat wanpela strongpela marasin nogut i stap insait long en. Taim manmeri i dring, orait dispela marasin nogut i go insait long bel na i go gen insait long blut bilong ol. Olsem na dispela

strongpela marasin nogut i raun insait long blut na i wok long paulim olgeta hap bodi bilong yumi olgeta manmeri pikinini long bus na nambis. Holim na tingim gen long dispela stori.

**Ben Kenozio  
 Pot Mosbi, Nesenel  
 Kapitol Dstrik.**

# Nawaeb pipel les long karim pen

**Dia Edita,**  
 Mi wanpela manki bilong Wain insait long Nawaeb ilektret long Morobe provins na mi stap long siti bilong yumi long Lae.

Mipela long Nawaeb i pilim pen i stap long ol kain pasin we ol manmeri long hap. Dispela long Wain eria i soim dispela hevi long rot na

bris. Yumi mas save na em taim bilong soim tingting maski long giaman na givim pawa nating long kisim selpis man. Kain man wok pinis nau i no gut bai i wok long dispela ilektret na tu i no olsem memba bilong makim pipel.

Inap long Kennedy. Mi bilip olgeta long hap antap long kolples wan-

taim lukluk pastaim long dispela na tingim hamas taim mipela save mekim planti na slip nabaut long rot.

Makim tru tru lida bilong Nawaeb Open long 2002.

**Masta Wantu  
 Lae, Morobe  
 provins.**

# Makim gutpela man bilong Kabwum

**Dia Edita,**  
 Mi wanpela pikinini Kemba long Kabwum distrik long Morobe provins. Nau mi kam long Lae siti na bai mi go bek long ples bilong mi. Tok na lukluk bilong mi wantaim papamama na pikinini bilong Kabwum. Insait long Kabwum olgeta taim bilong nesenel ileksen i save kamap nau tu long 2002 bai nesenel ileksen bai kamap.

Panti saveman i save wok long taun ol i save i gokontes long ileksen na taim ileksen i pinis, ol i save i go long taun bilong ol na ol i no save tingim bek ol ples o distrik bilong ol Kabwum.

save karim rokok na holim stik na wokabout long wok misin o patrol long mekim wok bilong sios o gayman wantaim husat hevi em i stap yet long Kabwum distrik.

Indipendens long 1975 i kam inap nau 2001 dispela hevi em i stap yet. Olsem na mi toksave long yupela papamama, brata susa yumi mas makim wanpela man long ples stret long sanap long 2002 nesenel ileksen. Ol save-man mekim wok na mi karim hevi na i no inap tok pait long hevi bilong ol manmeri long Kabwum distrik.

Man i gat save na eksperiens bilong karim hevi bilong ol manmeri long ples em inap tok pait na bringim sevis long tupela sait wantaim bodi na spirit developmen na pisikol developmen. Em tingting bilong mi na luksave bilong mi raitim.

2002 Nesenel Ilekseen yu papamama, brata susa na tumbuna bilong mi. Yupela mas lukluk gut na seklim pasin bilong ol. Toktok bilong man wokabout bilong man na sindaun bilong man na ilektret o autim em long 2002 Nesenel Ilekseen.

# Memba i stilim bikpela mani i kamap friman

**Dia Edita,**  
 Belhevi bilong mi i go olsem taim Michael Somare i stap Praim Minista na Paias Wingti i stap memba tu Praim Minista long dispela taim mi lukim planti ol provinsal memba na sampela nesenel memba tu i bin stilim mani bilong pipel na lo i mekim save long ol na ol i go kalabus long Baisu haus kalabus long Westen Hailans provins.

Tasol nau taim gavman bilong Sir Rabbie Namaliu, bihain Bill Skate na moa gavman bilong Sir Mekere Morauta ol dispela gavman i kamap mi no lukim wanpela memba i go kalabus. Taim ol memba i stilim bikpela mani bilong ol pipel insait long Kantri, lo i kamap long dua bilong opis bilong memba na i tok yu rong na lo i putim em long lidasip kot na taim lidasip kot i kamap long dua orait memba i hait tasol kalap long wanem na i go ausait na raun long spesel ka olsem Eriman slip long hotel olsem friman, go long

ovasis olsem friman.

Tasol taim ol grasrut man long ples i stilim wanpela masis boks long taun hariap tasol ol plis i holim gan na sutim na kilim em olsem wanpela wel pik na em i dai olsem em i mekim bikpela rong insait long kantri.

Yupela ol memba i kamap olsem ol king na mipela ol pipel i kamap olsem ol enimol gutpela long yupela i abrusim lidasip traibunel kot na raun olsem friman, tasol wanpela taim bai i kamap na long dispela taim bai yupela ol memba bai kamaut na tpkaut long wanem kain pasin yupela i mekim bilong rulim dispela kantri wantaim mipela ol pipel.

No ken putim wanpela olsem ol enimol na yupela yet i raun olsem friman na kamap olsem King.

**Peter Bakly  
 Mt Hagen, Westen  
 Hailans' provins.**

# Rot bilong Kabwum i bagarap

**Dia Edita,**  
 Mi wanpela manki Kabwum husat i no amamas long Ginson Saonu i no mekim wok insait long ilektoret bilong em. Sapos yu husat man o meri tok, Ginson i mekim gut wok, okay yu autim wanem projek em mekim insait long 10-pela yia. I tru kopi masin, pik, savol long wokim rot na givim K3000 long yu.

Dispela i no gutpela helpim long developim Kabwum na bringim sevis kam long ol pipel. Nau em taim bilong yu long opim ai na yu no ken westim vot bilong yu gen. Mi no politisen mi manki long ples tasol kot lukim rot kondisen i nogat tru olsem na mi putim tingting bilong mi long Wantok niuspepa tasol long ol Kabwum bai lukim.

**Kei Mith  
 Kabwum, Morobe provins.**

# Ol man bilong kaikai buai na smok mas rispek

**Dia Edita,**  
 Wanpela man bilong Kilipi Kunai long Saut Koroba insait long Hela tasol nau mi stap long Porgera distrik bilong Enga provins.

Tok mi laik salensim ol manmeri husat i save kaikai buai na smok raun.

Mi tok olsem bikos taim bilong givim hap Coke long narapela brata i no save kaikai buai na smok orait smel bilong buai na smok i stap yet long maus bilong ol na ol i

givim hap Coke long em. Dispela kain pasim i no gutpela long ai bilong God. Sapos yu laik givim Coke plis no ken givim hap. Yu mas baim narapela na givim em.

Mi pilim olsem dispela kain pasin i moa gutpela. Em tasol long autim tingting bilong mi na mi stap wantaim belsisi.

**James P. Hupiko  
 Porgera, Enga  
 provins.**

Mi laik tok save long brata susa na papamama bilong mi Kabwum distrik olsem. Yumi save kolim developmen i senis bilong kirapim ples i no kamap tumas long Kabwum distrik. I gat liklik hap developmen i kamap em wokim rot i go liklik hap na sanap, skul wokim 1 o 2 klasrum na 3 o 5 haus bilong tisa na haus sik long givim haus marasin na wokman haus 1 o 2-pela na sampela em bus meterel, dispela em i no inapim developmen o senis long Kabwum distrik.

Bikpela hevi em long rot, ol papa tumbuna ol

# Makim ol Kumul bilong las yia gen

**Dia Edita,**  
 Mi manki kol ples, Goroka tasol nau mi wok long stap long Pom siti. Mi laik autim tingting na wari bilong mi i go olsem long Kumul selekta olsem kisim olgeta pilaiia husat i bin pilai long wok kap long las yia long Inglen.

Em ol wanpela na gutpela tim we ol i bin i no pilai. Papua Niugini i amamas long ol i win na go lus long leta fainel las yia. Dispela yia tim husat bai pilaim Australia Kangaroos bai kisim zero bikos nogat gutpela eksperiens man olsem Adrian Lam, Bruce Mamando, David Buko, Michael Mondo, Andrew Norman, Elias Paiyo, Leo Kondai na Alfred Songoro. Ol dispela lain tru i stap insait long Kumul tim. PNGRFL bosmas rausim ol Kumul selektas na makim ol nupela lain gen.

Kangaroos bai givim kiau long ol Kumul bikos Kumuls ol i no gat weit o hevi eksperiens na spit.

Sampela em pestaim long ol long pilai long Kumul. Dispela kain pasin na Kumul olsem Bruce Mamando i pul aut. Kumul selektas mas sem long dispela.

**Asi Vireso  
 Pot Mosbi, Nesenel Kapitol Distrik.**

# Ausait lain givim tingting long salim ol bisnis

**Dia Edita,**  
 Mi yet wanpela manki Sepik na mi stap long Kimbe, Wes Nu Briten provins. Mi yet nau i laik sapotim pas bilong brata John Kikwasing bilong Kaiapit distrik, Morobe provins.

Pas bilong brata John Kikwasing i bin kamap long isu namba 1,416. John i bin toktok liklik long pravitaisesen ol salim ol sekyuriti bilong gavman. Em hia ol poin na toktok:

- 1) Sapos yumi grasrut manmeri i lukluk gut insait long PDM bin i gat painimaut o papa tru bilong pati em stap na papa bilong pati em Paias Wingti.
- 2) Na tu Mista Paias Wingti em i minista bilong Saut Pasifik kantri.

Long klaim namba wan poin bilong mi em olsem Sir Michael i wok

long kisim edvais i kam long Paias Wingti bilong pravitaisesen o salim ol bisnis bilong gavman bikos em i papa bilong PDM Pati taim pravitaisesen i wok long go het na nogat man i baim ol samting na gavman i salim nau em bai Paias Wingti yet i lukluk long baim bikos em i gat planti mani na tu em papa bilong PDM.

Mi bilip olsem dispela pravitaisesen tingting i kam long papa Paias Wingti. Na tu olgeta taim yumi save harim long redio na lukim o ritim long niuspepa olsem mani bilong yumi sot gavman save kisim long Wol Benk na IMF i kam na i save go we tru na nogat wanpela wok kamap.

Go bek ken long poin bilong mi em olsem. Mi laik tokaut long olgeta

lain bilong Papua Niugini olsem 2002 ileksen i kam klostu nau na yumi olgeta i mas lukluk long na makim man. Nogut yumi putim mak long rong man na bai salim yumi long maus bilong wail dok.

Dispela pravitaisesen lo we i laik kamap na lukim olsem papa na painim pati bilong PDM yet i givim edvais long Sir Mekere Morauta husat nau i Praim Minista na em i laik wokim o salim aset bilong kantri olsem PNGBC, Air Niugini, PTC na Telikom.

Dispela asset o sekyuriti bilong kantri sapos Paias Wingti i baim nau yumi bai stap olsem wanem nau?.

**A. Mangu  
 Kimbe, Wes Nu  
 Briten provins.**

# Napo save long rot

**Dia Edita,**  
 Mi bilong Buang insait long ples Dawong. Na nau mi stap long Lae Morobe provins yes mi gat bikpela amamas tru long memba bilong Bulolo. Samson Napo long em i givim planti senis long ol pipel bilong em.

Olsem bildim haus lotu, skul, rot na kainkain helpim long ol manmeri long hap bilong em. Olsem na mi ken tokim yupela olsem tru tumas pawa bilong bikpela i stap wantaim em.

Olsem na yupela ol Buang no ken

traim long sanap na brukim vot bilong Napo. Tingting gut pastaim na yu makim vot bilong yu long ol bisnisman na bai ol i no inap tingim yu bai tingim bisnis bilong ol tasol.

Nau mi lukim olsem rot long Mumeng i go long Bulolo i kamap gut pinis. Olsem na givim narapela sans long Napo na bai em i ken pinisim rot i go long Wau Garaina na Biarua.

**Stikie Diabo  
 Lae, Morobe provins.**

# Noken bagarapim Kimbe taun

**Dia Edita,**  
 Mi wanpela man Hailans tasol nau long dispela taim mi stap long Kimbe taun. Na mi lukim sampela Hailans ol i wokim o sakim maus bilong lida bilong provins na ol wokim provins i no luk gut.

Gavman bilong provins. Taun Otoriti i tambu long salim buai бага na smok long stret tasol. Planti ol Hailans manmeri wantaim na sampela ol nem sapos ol i go het long sakim maus bilong lida bilong provins long dispela kain we em yupela i wokim na yupela i olsem yupela i no save rispekim gavman bilong provins bilong yupela sampela hap insait long Hailans.

Mi i no inap tokim ol tasol long Simbu yupela bilong Gumine. Salt Nomane na Yobai Diani, yupela i no save karim maket kaikai i go antap long Kundiawa maket ya, yu tingim sans bilong yu i kam stap long narapela provins, yu man bihainim lo na plis bilong provins long dispela kain em bai yu soim olsem yu i gat rispek long provins bilong yu na tu yu i gat lo long provins bilong yu.

Maski long karim plastik buai, daga na smok i go raun raun long ol ai bilong stua long taun na i go i kam long Kisere Frant bilong Kimbe Supamakem em yupela ol save manmeri wokim na givim kam long ol gutpela Hailans.

**Peter Table Kaupa  
 Kimbe, Wes Nu Briten provins.**



# Watpo muruk i wokabaut

**B**IPO bipo taim bilong tumbuna. Muruk em i stap king bilong olgeta pisin long bus. Na tu em i save plai i go i kam na i stap long diwai tasol.

Tasol wai na em wokabaut long graun tude bai yumi skelim na painim aut taim em i stap long diwai em i save ronim na rausim ol arapela pisin na ol i ronawe.

Na em yet i save kaikai ol frut bilong diwai na sampela taim em i save daunim ol liklik pisin tu.

Wanpela taim olgeta pisin i holim bikpela bung na insait long dispela bung ol pasim tok olsem ol bai rausim em i go i stap long wanpela hap.

Nau ol kisim binatang bilong kaikaim diwai i go soim em long feveret o brens o han bilong diwai na dispela binatang i stat long kaikaim i go na larim liklik hap tasol i stap.

Bihain long nait dispela muruk i kam na sindaun tasol han diwai i bruk na em i pundaun i kam daun long graun na brukim lek na wing bilong em.

Em i stap sampela de pinis long as bilong diwai na em i no kisim kaikai bikos olgeta lek han i bagarap pinis.

Wanpela animol em i kam em magani na em i askim em, inap mi yusim han bilong yu na mi painim kaikai pastaim bai mi givim yu bek.

Na dispela magani i wanbel na rausim tupela han na givim em. Na em i yusim na go. Turangu magani nait na nogat na em, kisim bruk bruk lek bilong muruk na em yusim olsem han i stap i go.

Tasol i no inap gutpela olsem na em i kalap kalap i go. Na tude yu lukim em bai i no inap wokabaut long han bikos em sotpela tumas.

Sapos yu no save yet long wokabaut bilong em yu ken go long Botanikol gaden long Yunivesiti na luksave long em.

**Jatu Avex Pega**  
Lufa, Goroka, Isten Hailans provins.



Nem: Jim Mele  
Krismas: 20 (man)  
Adres: P.O. Box 153, Biaila, Wes New Britain Province  
Save laikim: Go long lotu, waswas long nambis, plai soka na serim samting wantaim ol narapela.

Nem: Elhaine Andi  
Krismas: 18 (man)  
Adres: Sena Flieri Seminary, Private Mail Bag, Logaweng, Finichalen, Morobe Province.  
Save laikim: Harim gospel musik, plai volibol, basketbal na ritim kainkain buk.

Nem: Jackson Mark  
Krismas: 14 (man)  
Adres: Vogol Secondary School, P.O. Box 684, Mendi, Southern Highlands Province  
Save laikim: Plai futbol, basketbal, mekim gaden, go long lotu.

Nem: Harry Peter  
Krismas: 15 (man)  
Adres: C/O- Mista Peter Alex, Department of Works, P.O. Box 103, Aioltau Milne Bay Province.  
Save laikim: Ritim buk, harim musik, plai basketbal na mi promis bai mi bekim olgeta pas bilong yu.

Nem: Benzman Ruin  
Krismas: 16 (man)  
Adres: Coelbeno Vocational Centre, P.O. Box 157, Mt Hagen, WHP.  
Save laikim: Plai ragbi tas, tok stori, rait long pen pren, sensim polo na go long painim abus.

Nem: Robert Carton  
Krismas: 17 (man)  
Adres: Popondetta (STC), P.O. Box 26, Popondetta, Oro Province.  
Save laikim: Rait long pen pren.

Nem: Ronald Meketa  
Krismas: 17 (man)  
Adres: Paglum SDA High School, P.O. Box 735, Mt Hagen, WHP.  
Save laikim: Plai ragbi, soka na mekim pen pren.

Nem: Mishek Opa  
Krismas: 16 (man)  
Adres: P.O. Box 720, Mt Hagen, WHP.  
Save laikim: Harim musik, watchim televisen na kuk.

Nem: Janta Kada  
Krismas: 18 (man)  
Adres: P.O. Box 234, Kimbe, WNB  
Save laikim: Kaikai kokonas, harim gospel musik, mekim pani, go lotu, ritim pas.

Nem: Benny Itai  
Krismas: 21 (man)  
Adres: P.O. Box 2733, Boroko, NCD  
Save laikim: Mekim pen pren na sensim polo, go lotu, stap gut long tude laip.

Nem: Emil Manson  
Krismas: 19 (man)  
Adres: P.O. Box 2733, Boroko, NCD  
Save laikim: Mekim pen pren na sensim polo, present, daun lukim nupela pies na harim musik.

Nem: Joyce Fynn  
Krismas: 17 (man)  
Adres: P.O. Box UC 233, Cape Coast, Ghana  
Save laikim: Plai musik.

Nem: Agnes Memnsah  
Krismas: 20 (man)  
Adres: P.O. Box UC 233, Cape Coast, Ghana  
Save laikim: Singing na ritim buk.

Nem: Charles Banis  
Krismas: 26 (man)  
Adres: P.O. Box 887, Kimbe, WNB  
Save laikim: Prenim ol singel mama long Mussau alan long Kaving, Wallis alan long Is Sepik na Trobriand alan long Milne Be provins na sensim ol presens.

Nem: Tawas James  
Krismas: 20 (man)  
Adres: Walindi Plantation Resort, P.O. Box 4, Kimbe, WNB  
Save laikim: Go lotu na poromanim arapela bratasusa. Na mi laikim poro kam long mi.

Nem: John Win  
Krismas: 18 (man)  
Adres: Alima Community School, P.O. Box 1643, Mt Hagen, WHP.  
Save laikim: Spots, ritim pas long Wantok na sensim polo, go kam.

Nem: Speight Bane Maluwa  
Krismas: 18 (man)  
Adres: Aitape Vocational Training Institute, P.O. Box 34, Aitape, Sandaun Province.  
Save laikim: Ritim Wantok nuspepa, harim poo na gospel musik, wokbung, go long wiken long plies.

Nem: Felix Seng  
Krismas: 18 (man)  
Adres: Nipa High School, P.O. Box 228, Mendi, SHP  
Save laikim: Plai ragbi tas, tok stori, rait long pen pren.

Nem: Ken Jack  
Krismas: 19 (man)  
Adres: Okapa Provincial High School, P.O. Box 1311, Goroka, EHP.  
Save laikim: Mekim pen pren, plai gim na ritim buk.

Nem: Henry T. Samuel  
Krismas: 24 (man)  
Adres: Frontier Holdings P.L., Puan Camp, P.O. Box 40, Baimuru, Gulf Province.  
Save laikim: Go long lotu, ragbi, goi swim, lukim buk na painim wanpela patina long bipo taim.

## Mi laikim helpim bihain long Gret 10

**Dia LAIPLAIN,**

**Mi wanpela sumatin na mi bai lusim skul behain long sikspela mun.**

**Mi stap wantaim famili bilong mi inap long 17 pela krismas pinis. Luk olsem nau bai mi lusim famili bilong mi na go stap mi yet bihain long mi pinisim skul.**

**Olsem na long redim mi yet mi stat wantaim dispela leta mi raitim long yupela ol Laiplain. Mi gat sampela askim mi laik bai yupela bekim bilong mi.**

**a) Inap yu givim mi sampela tingting long luksave long wanem kain wok mi inap mekim long bihain taim.**

**b) Inap yu tokim mi wan-**

**pela gutpela wok mi ken kisim bihain long mi pinisim Gret 10 bilong mi long skul.**

**c) Inap yu givim me luksave long wanem rot mi ken kisim long kamap olsem Sivil Enjinia.**

### WARI LONG BIHAIN TAIM

**Dia PREN,**

Yu givim mipela tripela askim long wari bilong yu bilong bihain, taim yu pinisim Gret 10 bilong yu long dispela ya.

Namba wan askim bilong yu em long helpim yu long makim wanem wok yu bai aplai insait long skul livas pom.

Ask namba tu em long tokim yu long wanem gutpela wok yu

ken kisim bihain long Gret 10.

Namba tri askim em i long mipela long givim yu sampela rot long kamap Sivil Enjinia.

Bekim bilong mipela long yu painim wanpela wok bihain long Gret 10 em i liklik tru.

Mipela laikim bai yu skul igo inap yu pinisim Gret 12 long wanem yu bai gat gutpela rot long ol arapela skul olsem univesiti na ol Kolis o bai yu gat sampela hap long wok tu.

Long askim bilong yu long Sivil Enjinia, mipela i laik tokim yu olsem yu mas rait igo long Yunivesiti bilong Teknoloji long Lae long wanem ol i save givim 4 pela ya digri cos long dispela askim bilong yu.

Laiplain i laikim bai yu sindaun na toktok long hetmaster o gaidens tisa bilong yu tu long



**LAIPLAIN**

dispela warri bilong yu.  
Bekim bilong namba tu askim bilong yu istap long skul mak bilong yu na laikim bilong yu long dispela wok.

Tasol mipela i laik tokim yu olsem long kisim wanpela gutpela wok long bihain, yu mas skul yet igo long Gret 12 na bihain go long Yunivesiti o long ol arapela kolis.

LAIPLAIN

Sapos ol hevi na wari bilong yu i akm long LAIPLAIN, P.O. Box 6047, Boroko. Yu ken ringim mipela long telipon namba 3260011. Mipela i no inap long autim trupela nem bilong yu long hia.

Laiplain

# KANAGE



Lapun Kanage em bilong Tomba long Westen Hailans provins. Wanpela apinun em redim kaukau long salim long Hagen maket. Long bik moning yet em kirap long bet na putim longpela seket bilong em na lus tingting long putim taget na kisim kaukau bek na sanap long rot. Inap longpela seket, ya i bin pasim ai bilong em gut tru na em lus tingting olgeta long taget. Taim em bendaun long salim kaukau bilong em long Hagen maket, taget bilong em i stap ples kliia. Ol manmeri wok long singaut na ai nogut tru. Tasol lapun Kanage ting olsem ol laikim kaukau bilong em na ol amamas na lap na kirap tokim ol olsem, "Yupela save kamapim kain kaukau olsem ol "Baim nau." Nau planti manmeri wok long sanap klostu long em na kilim skin long lap stret. Lapun Kanage amamas nogut tru na ting olsem em bai gat planti kastoma na kaukau bilong em bai pinis kwiktaim. I no long taim wanpela blu lang kalap long ai bilong lapun Kanage long stretim wari bilong em wantaim wanpela hap pipia bilong aste. Lapun Kanage pulim han bilong em, sut tru na em ting em Kilim lang ya nogat, em putim han bilong em stret long nus hul bilong em stret na em pairap olsem ol kundu bilong ol Morobe. Kwik taim em pilim olsem em nogat taget na em i stap ples kliia, ol man lukim na lap. Lapun kanage sem nogut tru na lusim kaukau long maket na tekov long Tomba.

**Ralphbiss Kewa Kimbe**

Kanage em wanpela manki Tambul long Westen Hailans provins na em wanpela hai skul tisa long Tambul hai skul tu. Wanpela Sande moning em sindaun long verenda bilong haus bilong em na foapela wan wok bilong em ol kam kamap long em. Ol stori gut tru na kaikai buai i stap. Na long sem taim Misis Kanage waswas pinis long batrum na laik tenis na go lotu tasol em i no werim kolos gut na em i go ausait long verenda. Em sem long go kisim na singautim Paps Kanage long kisim kolos bilong em na givim. Paps Kanage harim tasol em giaman sindaun bikos ol wan wok bilong em ol tu i stap. Meri ya singaut foapela taim olgeta tasol Kanage harim na

giaman sindaun gut tru na wok long tok stori wantaim ol wan wok bilong em. Misis Kanage belhat nogut tru na tokim Mista Kanage olsem. Kanage! Taim bilong rausim ol dispela kolos, ya save yusim lek na han tasol bilong kisim, ya sem na les. Ol wan wok bilong Mista Kanage harim na lap. Mista Kanage sem na tokim Misis Kanage olsem. Mi no maritim yu long ol narapela wok, em' long dispela wok tasol. Misis Kanage belhat olgeta na tokim Mista Kanage olsem, yu lukim skin bilong yu na karamapim wantaim ol wan wok bilong yu, skin bilong yu em dai pulap na yu go bun nating bikos yu no save malolo. Kanage sem nogut tru na kilim Misis Kanage.

**Ralphbiss Kewa Kimbe**

Papa Kanage bilong Tambul eria long Westen Hailans provins. Em i no save gut long tok pisin. Wanpela taim em laik go long Wabag na sanap long rot bung bilong Tambul na Wabag i stap. I no long taim tupela marit draiv i kam na tokim Kanage long kalap long ka bilong ol. Long hap rot ren wok long pundaun na tupela tokim Papa Kanage long kam insait long fran. Ol wok long stori i go na draiva kirap tokim Papa Kanage olsem papa ol man olsem yu long pes bilong mi yet ol bikman tasol ol save gat planti pik na stori na tu ol save maritim planti meri. Papa Kanage em i no kiia. Em ting olsem draiva ya laik em peim wanpela meri long em. Papa Kanage tu em wanpela bikman long Luteran sios long ples bilong em yet na nau em wok long tingting planti na kirap tokim draiva olsem. Pikinini em yu tok tru, tasol sapos mi no lotu, em bai baim meri bilong yu nau tasol. Draiva i no wanbel na tokim em long go kalap baksait na sindaun long ren.

**Ralphbass Kewa Kimbe**

Kanage wantaim liklik brata bilong em tupela bilong Kaiapit distrik long Morobe provins. Het bilong Kanage em bol het o het kela na i save sain olsem san ben bilong Nadzab long olgeta taim. Wanpela taim Kanage wantaim brata bilong em tupela i go

long gaden na kamap long haus gaden long nait. Tupela i nogat paia bilong kukim kaikai olsem na bikboi Kanage tokim brata bilong em olsem: "Mi tupela bai wokim tumbuna paia. So yu stap na mi go painim long haus." Insait long haus i tudak tru olsem na bikboi Kanage tekov i go insait long haus na stat long tromoi han isi isi i go na holim wanpela daiman na singaut nogut tru olsem "a-a-aya mama mi ya Kanage. Na em i laik ron i kam ausait tasol wanpela diwai i stap long dua takolim Kanage na em pundaun na brukim tupela tit bilong em. Kanage kirap tokim brata bilong em olsem. "Wanpela devol i stap insait ya paitim mi na mi pundaun. He-i-i yumi tekov. Trangu i gat bikpela pen long ti tasol em i givim gep long brata bilong em. Kanage pret nogut tru long daiman na em i go pas na hait long lip kaukau. Tasol em i no haitim gut kela bilong em. Taim brata bilong em i kam bhain trangu em pilim hangere nogut tru olsem na boi brukim suga kein i kam na ruts bilong bobom bilong Kanage i sain gut tru olsem wanpela waitpela ston. So boi kisim suga kein na em ron i go." Tasol antap long het kela bilong Kanage stret Kanage kirap nogat wantaim bikpela guria na singaut nogut. "A-o-o ya sit nating bobom bilong mi i bruk pinis na em ron i go." Tasol brata bilong em i ting em paitim wanpela devol olsem na em tu ronawe i go. Tupela brata ya ronawe long tupela yet. Taim tupela kamap long haus tupela i no stori long wanem samting tupela i bin mekim. So tupela bisi tru long kukim kaikai i stap na taim paip i hot na rol i kam daun long kela bilong Kanage na kamap long ribs bilong em. Kanage apim tang na pilim sait o tes bilong suga kein olsem na Kanage askim brata bilong em. "Brata ating devol mas paitim kela bilong mi long suga kein long gaden ya." Taim brata ya harim em i lap nogut tru na i tok. "Yu tu ya kela bobom bilong yu i luk olsem waitpela ston olsem na mi brukim suga kein kela bilong antap long het kela bilong yu. Bikboi Kanage em wail tru long brata bilong em tasol em i wok long kilim em yet long lap. Olgeta manmeri long ples harim na ol tu kilim ol yet long lap.

**Annisa Bee Samuel Lae**

**Yawasi Kisawa Okapa**







Praim Minista Hon.  
Mekere Morauta



Hon. Muki Taranupi

## DIPATMEN OV EDUKESEN

# PABLIK TOKSAVE LONG SKUL FI BILONG 2002

**Dispela toksave i tok klia long amas moa skul fi Nesenel Edukesen Bod (NEB) i makim, wok bilong Nesenel Gavman, Provinsal Gavman na Lokol Level gavman long kamapim Nesenel Gavman Polisi long Edukesen Subsidi bilong 2002.**

Ananit long Edukesen Ekt (Sapta 163) "fi" i min olsem buk, fi bilong baim skul long silip long skul, baim tisa o ol narapela fi we i gat wok wantaim edukesen na dispela em fi bilong ranim skul.

Dispela polisi i bilong olgeta edukesen atoriti na ol studen insait long olgeta skul we i kam ananit long Nesenel Edukesen Sistem (NES), ol skul we i kisim luksave i kam long Nesenel Gavman ananit long lukautim bilong Nesenel Minista bilong Edukesen na tu ol praivet skul.

Toktok long polisi long 2002 Edukesen Subsidi em as tingting bilong em long givim ol pikinini bilong PNG gutpela sindaun long bihain taim Nesenel Gavman i givim fri elementri, parimari na sekendari edukesen. Narapela moa tingting em long givim planti moa pipel save long rit na rait, lainim ol gutpela skil, gat planti moa save we ol pipel bilong kantri i ken gat gutpeia edukesen long wok bung long helpim developmen long kantri.

### 1. AMAS MOA SKUL FI NEB I MAKIM LONG 2002

Amas moa skul fi NEB i makim na Nesenel Eksekutiv Kaunsil i givim tok orait long en. Atoriti bilong dispela em Seksen 17 (1); (i) bilong Edukesen Ekt. As tingting bilong dispela em long painimaut mak bilong amas moa skul we bai i soim ol provinsal gavman na provinsal edukesen atoriti long makim ol skul fi we ol pipel bilong PNG i ken baim.

### DAUNBILO EM AMAS MOA SKUL FI LIMIT BILONG OL SKUL LEVEL BILONG YIA 2002 EM NESENEL EDUKESEN BOD I MAKIM NA NESENEL EKSEKUTIV KAUNSI I TOK ORAIT LONG EN:

Subsidi we wanwan level bai peim	Fi NEB i makim	2001 Edukesen Subsidi bilong wanwan studen
Elementri (Prep Gred 2)	40	40
Praimari Gred 3 i go 6	80	80
Praimari Gred 7 na 8	250	250
Sekendari Gred 7 i go 10 (De)	600	600
Sekendari Gred 7 i go 10 (Boda)	900	900
Vokesenel Gred 7 i go 10 (De)	600	600
Vokesenel Gred 7 i go 10 (Boda)	900	900
Sekendari Gred 11 i go 12 (De)	1,000	1,000
Sekendari Gred 11 i go 12 (Boda)	1,200	1,200
Koles ov Distens Edukesen	70	70
Pemitet skul	n/a	40

Long 2002 Nesenel Gavman bai peim NEB moa skul fi mak bilong olgeta studen long elementri, komyuniti, praimari, vokesenel senta, provinsal haj skul, sekendari skul, nesenel haj skul na Koles ov Distens Edukesen.

Dispela kontribusen i no karamapim olgeta ful kos o mani bilong edukesen na em i no senisim wok fanding bilong bilong provinsal na lokol-level gavman ananit long Ogenik Lo.

Taim wanpela provinsal gavman i laik makim wanpela fi we i antap moa long fi Nesenel Edukesen Bod i makim na Nesenel Gavman i tok orait long en, em wok bilong ol provinsal atoriti yet long stretim.

### 2. KONTRIBUSEN BILONG NESENEL GAVMAN

Nesenel Gavman i gat wok long kamapim nesenel polisi, developim ol skul karikulam na saplai na lukluk long ol stendet bilong ol skui we i kam ananit long kontrol bilong Nesenel Minista bilong Edukesen na tu ol praivet skul. Nesenel Gavman i makim K150 milien bilong Edukesen Subsidi long 2002 baset. Ol mani bai go long wanwan level bilong ol skul stat long pes tripela mun bilong yia 2002. Dipatmen ov Edukesen bai go pas long lukautim we dispela ol subsidi mani i go long ol skul.

### 3. KONTRIBUSEN BILONG PAPAMAMA

Edukesen bilong pikinini em wok bilong papamama na em i bikpela invesmen long givim helpim long bihain sindaun bilong pikinini. Eria we ol papamama inap long mekim trupela kontribusen na we i gat gutpela mining long en em long helpim ol skul bod long klinim skul graun, stretim ol bilding na arapela samting bilong skul na developim ol infrastraksa na sapotim ol tisa na wok lain long skul.



### 4. KONTRIBUSEN BILONG PROVINSAL NA LOKOL LEVEL GAVMAN

Fanding na sapot bilong ol edukesen sevis em wok bilong ol provinsal na lokol level gavman ananit long Ogenik Lo. Dispela tupela level bilong gavman bai i no inap mekim karikulam bilong ol skul. Kontribusen o helpim na wok bilong tupela gavman em long sapotim wok bilong skul long baim pablik ka bilong helpim skul, skul infrastraksa na developmen, ol fasiliti na masin. Ananit long lo dispela em i wok bilong tupela na subsidi i no inap karamapim dispela wok.

### 5. PINISIM TOKTOK


Nesenel Gavman Polisi long Edukesen Subsidi bilong yia 2002 i givim klia tingting long ol pipel olsem em i no tingting tasol long gutpela sindaun bilong ol pikinini bilong PNG long bihain tasol em i givim tu bikpela strong long developim ol gutpela wok ananit long rifom Nesenel Edukesen Sistem.

**HON. MUKI TARANUPI, M.P.**  
 Minista bilong Edukesen



• Antap lephan: (l-r) Kembu, Henry Ben na Peter Pulu i kam pinis long 200 mita fainel.

• Antap raithan: Miriam Goiye (1500 mita) i go pas long resis. Em i no laki tumas.



• Antap: Emil Pasvic bilong Clay Target tim i makim target long sut.

• Lephan: Sandy Katusela i kalap long Long Jump.

• Aninit lep: Tripela husat i win Pulu (gol), Kembu (silva) na Ben (bronze).

• Aninit rait: Squash tim: Derreck Hunter na Naluge Guy husat i winim gol na wantaim bilong ol Tam i winim bronze.





# Kofayufa holim volibal fainel

## VOLIBAL RIPOT

KOFAYUFA Volibal Aosiesen (KVA) bai holim gren fainel bilong em long dispela wiken.

Insait long gem bilong ol man, Kem Springboks bai salensim FGN Nipie long A gret resis.

Na long A gret bilong ol meri, Boundary Bulldogs bai bungim Kona Rot Trouts.

Vais presiden bilong KVA Kassen Nahe i tok olsem kompetisen i bin ran gut tru long las tu mun. Na em i gat bilip olsem gren fainel bai pinis wantaim gutpela pasin long Sande

Mista Nahe i tok ol i putim dispela kompetisen long amamas krismas tu na bungim ol pablik sevans insait long Kofayufa hauslain na ol skul pikinini.

Em i tok ol wina bilong gren fainel insait long A gret na B gret bai kisim tropi na mani. Na ol tim i pinis namba tu bai kisim prais tasol

Nahe i tok ol bai givim arapela ol

prais i go long ol tim husat i stap insait long dispela volibal kompetisen.


Insait long B gret gren fainel, Kofa Bullets bai salensim Garden City Knights long man na long fainel bilong ol meri, FGN Nipie bai bungim ol lain meri Rockstar.

Vais presiden i tok i gat 12-pela tim i bin stap long dispela kompetisen husat i sponsarim ol yet.

Ol tim em i bin kamapim fanraising ektiviti long painim mani long baim yunifom, net na bal bilong pilai long stap insait long dispela volibal kompetisen.

Mista Nahe ol dispela tim husat i go long gren fainel bai putim moa kala na stail long mekim dispela fainel i kamap namba wan long dispela ya

Ol tim i resis long 2001-2002 volibal kompetisen em Lutu Hawks, SSG Ou Raiders, Rockstar, SKK Daulo, Kems Spingboks, Garden City Knights, Boundrary BULLdogs, Yomba Jets, KO4 Bullets, Kofo Tourist, Frigano Nipie, FGN Nipie na Kona Rot Trouts.



• Sampela ol sapota bilong Wantok tim i soim tropi bilong ol long Word Pabliishing kompaun long Renbo Estate.

## Wantok i sempion bilong Renbo tas resis

WANTOK i autim Mekere Kap ragbi tas taitel bilong Renbo Spot long las wiken taim em i nekim Mix Raiders 2-1 long A gred gren fainel.

Wantok i bin kam aninit tru long namba tu las tasol em i pait strong na i wok long kam antap isi isi inap em i winim ples long fainel 6 long nokaut. Taim em i bin kisim dispela sans long nokaut, em i wok long winim olgeta nokaut inap em i kamap long gren fainel na bungim Mix Raiders long las wiken.

Dispela i bin wanpela strongpela gem tru bikos Mix Raiders em wanpela strongpela tim na pilai bilong em i gutpela.

Wantok i luksave long dispela gutpela pilai bilong Mix Raiders na em i pasim tingting long skorim namba wan trai long traime go pas long salens. Olsem na em i no wesim taim long skorim namba wan trai taim John White i tromei wanpela pas i go long Simon Kelo long winga na Simon i paia i go insait long banis bilong Mix Raiders na ron long spes we em yet i go i go putim namba wan trai.

Mix Raiders i no wari long dispela na ol i stat long tromei bal igo i kam na painim rot long bekim dispela trai. Tasol Wantok i holim strong difens inap hap taim.

Long namba tu hap, Wantok i strongim tingting long putim wanpela moa trai long givim em gutpela spes long go pas. Olsem na James Goroka i kisim bal long fulbek na i ron

i go stret long spes na givim i go long hap bek Robert na Robert i ron insait long spes na i go putim namba tu trai bilong Wantok.

Namba 6 bilong Wantok, Foxy i mekim planti gutpela kik tru we i wok long pusim Mix Raiders i wok long go bek long graun bilong ol olgeta taim. Na dispela i stapim ol sans bilong Raiders long kisim bal i kam antap long banis bilong Wantok.

Tasol Raiders i no givap. Ol i soim olsem ol i strong tim olsem na ol i pait strong long putim wanpela trai. Dispela trai bilong Mix Raiders i kamap taim winga wantaim hap bek i bung wantaim na painim spes long senta bilong Wantok na ol i putim namba wan trai bilong ol.

Dispela taim Mix Raiders i kirapim strong taim Wantok i wok long slek liklik. Tasol Wantok i kisim tok stia long bos bilong ol Yakam Kelo long taitim difens na pilai isi long kilim taim. Olsem na Wantok i holim bal isi tasol na kilim taim inap fultaim na ol i winim 2-1 long fultaim.

Kepten bilong Wantok John Black, Foxy, James, Tony na Robert i bin pilaim gutpela gem tru long dispela taim. Long Mix Raiders, olgeta boi i pilaim gutpela strongpela gem tru tasol planti dropim bal tasol i givim hevi long ol.

Long B gred gren fainel, Mix Raiders i autim tiket bilong Dusty Dogs long winim dispela sempionsip bilong ol wantaim 2-1 skoa long fultaim.

# Kunabau kukim Kerowagi distrik

## OP-SISEN RAGBI LIG

KUNABAU op-sisen ragbi lig kompetisen insait long Kerowagi long Simbu i pinisim raun 4 resis-bilong em las wiken.

Insait long dispela raun Tigers i go pas yet wantaim 4-pela stret win taim ol i nekim Jokers 10-4 long Sande. Tigers i winim dispela gem bikos long hatwok na strongpela pilai em bikipela fowat Kamarie Vaipa i bin putim we ol sapotai bin wanbel na amamas tru long kain skul pilai bilong en.

Taim gem i stat, Tigers i no westim taim taim Vaipa i go pas na brukim difens bilong Jokers na setim senta Andrew Dum long sait-step i go insait na slip antap long trai lain. Na lapun Konduagle i kikim gut konvesen na Tigers i go pas 6-0.

Kirap nogut Jokers husat i pilim olsem Tigers i minim tru bisnis long daunim ol, ol i pait bek strong we ol i yusim ekspirens bilong fowat Mondo Kua, Kondum Nomba, Petr Ejoe na Gande Gris long memeim stret difens bilong Tigers.

Tasol ol pilaia bilong Tigers i sanapim strongpela banis na pasim stret sans bilong Jokers long skoa. Mekim olsem i go i kam inap hap taim we skoa is tap yet olsem igers 6 na Jokers 0.

Long namba tu hap, Jokers i kam bek strong tru na i no larim Tigers i abrusim mak bilong ol.

Tasol dispela strongpela pilai i

wara wasim taim Tigers i putim presa antap long ol pilaia bilong Jokers na salim smok balus fulbek, John Pappy husat i kisim wanpela gutpela pas i kam long Joe Wauglabol na kukim stret 60 mita long skorim trai. Dispela i surikim skoa bilong Tigers i go long 10-0.

Long dispela mak Tigers i kamapim strongpela banis na i defendim dispela skoa inap klostu long fultaim, Jokers i kamapim sampela gutpela bal wok na putim wanpela trai. Ol i mekim sampela moa stail na bal wok tasol taim i ron aut long ol.

Skoa bilong ol arapela gem i sanap olsem Kondo East daunim Country 10-8, Souths kukim Spiders 18-10, Kuna West nekim Western Eels 8-2 na Yur Steelers rausim trausis bilong Lime Cats 16-10.

Nau yet opisel poin lata i sanap olsem Tiger i stap long 8 poin, Steelers 8, East 5, Eels 4, Joeks 3, Country 2, Souths 2, West 2, Spiders 4 na Lime Cats 2.

Bihain long dispela raun 4 kompetisen, presiden bilong Kunabau op-sisen lig, Kawagle Tara i tok as tru bilong kamapim kain kompetisen em long bungim ol yangpela lain man na meri we ol i kam tekat na pilai spot na lusim tingting long mekim ol trabel nabaut.

Em i tok nau yet pasin bilong wokim na dringim hombru i go antap tru long Kunabau eria.

Presiden Tara i tok i gat planti ripot i kamap pinis olsem planti-lain i wok long painim sik bihain long dringim hombru. Na dispela kompetisen ol i kamapim nau em long traime na pulim ol dispela lain yangpela long lusim pasin bilong dringim hombru na i go insait na tekat long spot.

Em i tok tu olsem ol Kunabau lig selektas bai selektim ol skwat long representim Kunabau na patisipet isanti long Kundiawa lig kompetisen long 2002.

Presiden Tara i tok ol bin afiliet pinis wantaim provinsel lig na ol i gat sans long kisim anda 17, anda 19, Resev na 'A' gret tim long i go insait na pilai long Kundiawa lig. Na yet presiden Tara i apil i go long ol bisnis lain husat i laik long sapotim Kunabau opi sisen lig kompetisen we i wok long go het long olgeta wiken long Migende Katolik Misin Stesin.

Wanpela olpela pilaia bilong Ret and Blek Tigers insait long dispela kompetisen, Zachery Per i givim bikipela tok tenkyu i go long ogenaia bilong dispela kompetisen olsem Kawagle Tara (Presiden), John Kowagle (Vais-Presiden), Boi Timothy (tresera) na Herman Kai Per (Seketeri) long holim yet dispela kompetisen.

Kunabau eria i save kamapim c! biknem pilai olsem Maima Kawagle, Bal Michael, Dinbi Kawagle, Goiey Waine, Jerry Baglme, Joe Siune na Kumo Danga.

## GUSOL i strongim yet op-sisen kompetisen long Isten Hailens

### OP-SISEN LIG RIPOT

#### SAPE METTA i raitim

GOROKA Urban Op-Sisen Lig (GUSOL) i pinisim raun 12bilong em long dispela wiken. we i lukim Banana Raiders i das-tim Fish Wara Eels 26-0 long bikipela gem long Mambu Ragbi lig oval.

Ol arapela gem i sanap olsem Tigers rausim trausis West Marines 4-0, Sinimates autim BK Warriors 8-0, Jaiibirds i winim BOG Bullets 6-0, Crushers dro wantaim Kofi Roots 0-0, na El Speed daunim Goro Roots 14-0.

Ogenaisa bilong GUSOL i tok ol bai putim tu gem bilong ol meri olsem soka na volbal we bai stat long dispela wiken.

Dispela op-sisen gem em lokel bisnis man na patron Ben Noel i wok long sponsarim. Mista Noel i bin providim sponsa wna-tim K10,000 long dispela 2001-2002 op-sisen pilai.

# Kabiu go pas long KSA

## SOFBAL RIPOT

KABIU nau i go pas long poin tebol bilong Kokopo men's sofbal kompetisen taim em i rekotim tupela win long las wiken.

Emil Lucas na George Kiapen i lusim Kabiu na yangpela Alfred Kivung i kisim ples bilong bikipela brata, Kiapen long kosim dispela tim. George Kiapen nau i go pilai long Warongoi Jets.

Adwin Mila i kisim wok olsem kepten na i bihainim yet lek bilong papa bilong em long bosim Kabiu.

Ol boi long Gelagela setolmen i no gat ekspirens tasol i kamapim strongpela gem long winim NGI 16-2 na autim Ralas 2-1.

Beting em i bikipela hevi long tim long

wanem planti ol pilai i save pilai long riserv gret na kam antap long A gret. Tasol ol arapela pilaia olsem Mila, Koluua Kualalum, Ingal Vue, na Emil Paivu husat i save pilai wantaim NGI tim bilong Pot Mosbi bipo na i go bek na long Rabaul.

NGI i nogat sans stret long rekotim skoa na Ralas i no winim long winim bes na kisim skoa bilong ol.

Wanpela biknem tim, Warongoi Jets i lus long Ralas 7-3 na tu Island Hawks i wilwilim ol 5-0.

Maski Jets i gat ol biknem pilaia olsem Robin Lambert, Chris Timan, Timi Wartovo, George Kiapen, Jimmy Tabar, John Tovia na Michael Bobe, ol i no gat sans tru egensim ol tim ya.

Nupela tim, Nomads i winim tupela gem bilong em. Namba wan gem, ol i autim Fireballs

7-0 na bihain ol i nekim Wantoks 8-7. Kepten bilong ol Lasiel Kavivi who go pas long tim long lukautim ol yangpela long win.

Sempion tim Ivarak i winim tupela gem bilong em. Insait long namba wan gem ol i nekim VSC 7-0 na bihain ol barapim tru sindaun bilong ol boi Warongoi Jets 5-0.

Insait long wimens kompetisen, Wantoks nau i go pas long kompetisen lata bihain long ol i memeim stret ol Ralas 24-6. Tigers i rekotim namba wan win bilong ol long wiken taim ol i autim Ravalian 14-7.

PNGBC i rekotim namba tu wi bilong em 9-6 egensim Fireballs. Brian Bell husat i no pilai gut tumas long sisen nau i kamapim gutpela gem long nekim stret ol susa bilong Dodgers 10-1.

## Brown Eagles i winim POMSSA kompetisen

BROWN Eagles i soim tru olsem ol i gat laik long winim Pot Mosbi Men Laitning sofbal kompetisen.

Ol boi long Matupit i wilwilim stret ol sol bilong ol long Manus, Admiralty 23-5.

Brown Eagles i kamapim gutpela gem stret long beting na tu Paul Tabete i paitim wanpela hom ran.

Intanesenel pitsa bilong Brown Eagles Anslam Bunbun i kamapim gutpela pitsing tru we i givim hataim long ol beta bilong Admiralty.

Ol biknem beta bilong Brown Eagles olsem Lucas Marut, Tabete, Bunbun, Alan John, Blaise Tatai na David Maira i go pas long skorim moa

ran we ol i go pas long skoa 17-2 insait long namba tri ining.

Dispela em bikipela win bilong on boi Matupit.

Insait long arapela gem, Hawks daunim Dolphins 12-4 na AB Bears nekim Kopex 2-0.

Tupela fofit em Manalos na Samurai.

Dispela kompetisen em ol i POMSSA i statim long larim ol pilaia i pilai yet long traime bilong Krismas na Niu Yia.

Wina bilong dispela kompetisen bai kisim K500, na namba tu bai kisim K300 na namba tri ples bai kisim K200.

### Soka i gat 7-pela intanesenel tonamen

PAPUA Niugini Futbal Asosiesen bai i gat 7-pela intanesenel soka tonamen long 2002.

Ol dispela tonamen we OFC i go pas long em we Papua Niugini i mas salim tim long traim stretim renking bilong em long FIFA.

Dispela tonamen em i stat long Janauri neks yia we ol Anda 16 bai go pilai long Wollongong, Australia.

Ol arapela tonamen em

• Nations Cup (Preliminary) - Apia, Samoa March 2-15, 2002

• OFC Futsal Cup (Indoor Soccer) - Australia April 9-15, 2002

• OFC Under 19 (women) - Nukulofa, Tonga April 23- May 3, 2002

• 2002 Nations Cup (Final Competition) - Auckland, New Zealand July 5-15, 2002

• 2002 OFC Club Championship - Honiara, Solomon Islands September 17-27, 2002

• 2002 Womens World Cup qualifying - Australia November 19-29, 2002

Operesen menesa bilong PNGFA Paul Pondo i tokaut dispela tonamen i tru tasol em i mas tok klia pastaim long ful eksekutiv.

Pondo i tok dispela i min olsem ol meri bai i gat tupela tonamen long April (Anda 19) na long Novemba (sinia wimen).

Wantok Nius i save olsem PNGFA nau i tingting long stap insait long Futsal Soka tonamen (Indoor Soccer).

Tonamen ya bai kamap long namba wan bik bilong mun Ogas long Australia.

Pondo i tok siaman bilong PNGFA Teknikel Kisaku Posman i strong PNG i mas salim tim tasol dispela i mas kisim ful blesing bilong ol arapela memba bilong eksekutiv.

Pondo i tok dispela ol tonamen bai stap long ful kalenda bilong PNGFA we ol bai tokaut long em bihain long miting long Disemba 29.

# PNGFA i gat nupela teknikel menesa

## HENRY MORABANG i raitim

PAPUA Niugini Futbal Asosiesen i makim pinis wanpela ovasis man olsem nupela teknikel menesa bilong en.

Nem bilong em i Steve Cain. Em i gat 43 krismas na em bilong Liverpool long Ingran tasol em i save stap long Auckland, Nu Silan. Cain em i marit na i gat tripela yangpela pikinini.

Cain i bin tokim Wantok olsem nupela wok bilong em bai wanpela strongpela na bikpela salens bilong em.

Em i tok bikpela wok bilong em nau em long kamapim kosing developmen program bilong PNGFA. Dispela i ken helpim olgeta soka kosa long lainim wanpela kain stail long kosing (uniform coaching material).

Cain i tok kosing i mas stat long skul mangi na go antap long sinia kompetisen. Soka i noken kamap long namel nating long yut level.

Nupela teknikel menesa i tok wanpela samting em i laik kamapim taim em skulim ol



• Mista Cain i redi long bungim nupela salens.

kosa long wanem samting ol i mas mekim. Na narapela samting em long senisim pasin bilong ol pilai long taim bilong

pilai. Sapos pilai na kosa i no inap senis, soka bai i no inap kamap gutpela.

Cain i tok dispela ol senis bai i no inap kamap nau tasol. Em bai kisim longpela taim long senis i kamap. Sapos senis i laik kamap, orait soka (PNGFA) i mas stat long mekim dispela wok.

Em i namba tu taim Cain i kam long PNG. Namba wan taim em i stap olsem asisten kosa long Nu Silan White (nesenel soka tim) i kam salensim PNG long 1998 long Sir Hubert Murray stadium.

PNG i winim Nu Silan 1-0. Dispela taim Cain i ting PNG i pilai gutpela futbol tru we i nap kisim ol i go moa antap long narapela level. Tasol em i sori olsem ol i no strong tumas long seken raun bilong kwalifing gem.

Cain i tok soka long PNG i ken go long neks level sapos politiks i stap

"Politiks i no inap winim spot (soka). Soka em i bikpela samting tru long wol na politiks em i liklik samting. Sapos soka i laik kamap gut, em i laik politiks i noken kamap long wok soka," Cain i tok. Nupela

teknikel menesa i amamas tru olsem ol eksekutiv bilong PNGFA i kamapim PNG Soka Akademi. Dispela soka koles bai helpim tru soka insait long kantri long trenim ol elite soka pilai.


Cain i bin givim han long Ludwick Peka long tren wan-taim ol Anda 16 pilai bilong Pot Mosbi. Em i tok planti ol pilai i gat save long kik tasol ol i mas kisim moa trenim long tektik (tactics).

Na nupela teknikel menesa i no amamas tumas long taim bilong trenim. Em i sapotim toktok bilong Nesenel Yut Soka kosa Ludwick Peka olsem taim bilong trenim em i sotpela tumas.

Arapela kantri ol i kisim 6-mun long trenim. Ol i gat program long larim ol wanwan yangpela pilai i mekim trenim bilong ol.

Cain i tok nau yet yut kosa i nogat program bikos em i no save hamas mangi bai pilai o go long trenim kem. Em i go bek long Nu Silan tasol bai kam kisim tim i go long Wollongong long Australia na kambek long Nu Yia wantaim famili bilong em.

## PAINIM BAL RESIS NAMBA 11



### RUL BILONG PILAI:

1. Makim X long boks long poto yu ting bai i stap
2. Makim X long pen tasol
3. Katim poto long sisos na salim long: **PAINIM BAL RESIS NAMBA 9, Wantok Niuspepa, P.O. Box 1982, Boroko, NCD.**
4. Nambawan entri i makim stret-
5. Las de bilong kisim ol entri em **Fraide 28 Januəri, 2002**
6. Resis bai stat gen long neks yia Jenuəri, 2002.
7. Disisen bilong komiti i makim wanpela wina em i fainel.
8. Wina bai kisim sek mani, na i no long kes.
9. Sapos nogat wina bai skruim win moni i go antap long narapela resis.
10. Yu ken salim moa long wanpela entri, tasol noken yusim poto kopi.
11. Ol wokman meri na pikinini bilong Wantok niuspepa i no inap stap long dispela resisi.

Raitim nem na adres bilong yu:

Nem.....Address.....  
.....Krismas.....

NOKEN SALIM OL POTO KOPI PEPA I KAM LONG DISPELA RESIS.

## Pondo i kamap FIFA referi instrakta

OPERESEN menesa bilong Papua Niugini Futbal Asosiesen (PNGFA) Paul Pondo i kamap namba wan long kantri long kamap olsem referi instrakta bilong FIFA.

Pondo em bilong ples Sori long Manus provins, na em i wanpela olupela referi bilong FIFA. Ino longtaim i go pinis, em i kisim wok olsem Operesen Menesa bilong PNGFA long hetopis long Lae.

FIFA i makim Pondo bihain long em i mekim eksam (tes) long kisim FIFA tiket olsem instrakta long wanpela skul we i win kamap long Suva, Fiji, long mun Oktoba.

Em i kisim wok bihain long em i ranim wanpela skul bilong ol

Osenia Elite referi kem long Nu Silan long mun Novemba. Insait long dispela kem em i skulim ol Osenia Badge referi na asisten referi.

Bihain long dispela kem, panel bilong FIFA i amamas long wok bilong em na makim em olsem instrakta.

Pondo em wanpela top FIFA referi long kantri. Em i lusim wok referi taim em i kisim bagarap long skru bilong em. Em i lusim wok referi na dispela i helpim em stret long kisim wok FIFA instrakta.

Dispela nupela wok bilong em olsem FIFA instrakta i min olsem em i ken ranim ol FIFA referi kos long olgeta hap bilong wol. Na nau em i ken stap long ol

FIFA tonamen long rijonel na intanesenel level long skelim wok bilong ol referi.

Ol 4-pela referi bilong Papua Niugini i go stap long dispela kem em Gidas Bayung na Bobby Memelong (Lae) wantaim Job Minan na Hillary Ani bilong (Pot Mosbi).

Ani i bin go long FIFA Under 17 Wol Kap long Trinidad na Tobago long mun Oktoba. Em i kisim wok olsem asisten referi.

Sampela ol PNGFA referi na instrakta tu i bin sindaun long wanpela kos em olupela referi instrakta bilong Osenia na Australia, Gary Power i bin holim long Kimbe bipo long nesenel mens klab sempionsip.

## Renking bilong PNG long FIFA i no gutpela

PAPUA Niugini i kamap 195 long ol 203 soka asosiesen husat i memba bilong wol soka bodi, FIFA.

Dispela skel o renking i kamap bihain long PNGFA no makim tim long traim resis long Wol Kap kwalifaing raun we i bin kamap long Auckland, Nu Silan na Sydney, long Australia long dispela yia.

Arapela samting tu, PNGFA i winim Melanesian Cup long go stap long Wol Kap kwalifaing raun.

Dispela renking i soim olsem PNG i pini seken las namel long ol Osenia kantri yet. Tim i ge pas em Australia husat i kamap 51, Nu Silan em 87, Fiji 123, Tahiti 126, Solomon Ailan 134, Samoa 174, Tonga 175, Cook Ailan 176, PNG 195 na Amerika Samoa em 201.

Namba wan taim PNG i stap 126

ples em taim PNG i winim Melanesia Cup long namba wan taim long Lae. PNG i autim Solomon Ailan na Vanuatu. Bihain long dispela, PNG i pundaun i go daun 70 ples long sindaun long 195.

Papua Niugini i gat sans long senisim posisen taim em i stap long kwalifaing raun bilong Osenia Nesens Cup i kamap long Samoa. PNG i sapos long salensim Tonga, Cook Ailan, Nu Kaledonia na Amerika Samoa.

Renking bilong PNG i stap daunbilu tru long wanem PNGFA i no salim tim long pilai long ol intanesenel gem.

FIFA i save kamapim renking bilong ol taim ol i pilai Wol Kap priliminari raun, rijonel sempionsip olsem Melanesian Kap na ol friendly gem. Senis bilong renking i save kamap olgeta yia.



## PMSA i askim ol PNGFA eksekyutiv long holim wanpela wok tasol

POT Mosbi Soka Asosiesen (PMSA) bai putim kamap wanpela mosen long askim ol eksekyutiv bilong PNGFA long holim wanpela wok tasol.

Presiden bilong PMSA Fabian Chow i tok eksekyutiv bilong em i pasin toktok pinis long mekim dispela toktok taim ol asosiesen bai bung long wanem spesel jenerel miting i kamap long Lae long Disemba 29.

Mista Chow i autim dispela toktok taim em i mekim bikpela tok amamas i go long PNGFA long brukim graun olsem mak bilong

nupela PNG Soka Akademi long Lae las wik.

Em i tok ol eksekyutiv bilong PNGFA i mas tokaut sapos ol i no memba bilong wanpela lokal asosiesen na tu i noken holim planti wok insait long eksekyutiv.

Mista Chow i tok sampela memba bilong eksekyutiv i wari long wanem sampela ol opisel i holim planti wok tru. Em i tok olsem i no laik sutim toktok long wanpela man tasol dispela toktok em i gutpela long stretim gutpela pasin long lukautim soka insait long kantri.

Bos bilong PMSA i tok em bai

salim dispela toktok i go long Jenerel Sekretari Gabriel Pise bipo long miting i kamap long Disemba 29.

Mista Chow i tok em bai traim toktok strong wantaim ol arapela presiden long kisim sapot bilong ol.

Wantok Nius i save olsem wanpela eksekyutiv bilong PNGFA em Paul Pondo i kisim wok Operesen Menesa. Bipo em i kamap Operesen menesa em i Presiden bilong PNG Referi Asosiesen na tu presiden bilong Lahi Soka Asosiesen. Tasol taim em i kisim dispela wok em i pinis.



• Sampela ol Anda 16 yangpela mangi i hatim trening long namba wan kem long Pot Mosbi las wik. Foto Ivan Bayagau

## Anda 16 tim bai statim gen trening long Niu Yia

PAPUA Niugini Futbol Asosiesen (PNGFA) bai statim gen trening bilong Anda 16 long Januari 2-11 long Pot Mosbi. Dispela tim bai lusim kantri na go stap long

Osenia Anda 16 soka tonamen i kamap long Wollongon long Australia. Tonamen ya bai stap long Januari 14 i go long Januari 24.

Nesenel Yut kosa Ludwick Peka husat i bin stap trening wantaim ol pilaia long Pot Mosbi las wik i lusave pinis long sampela pilai husat i ken stap long dispela Anda 16 tim.

Peka i laik PNGFA i mas senisim pasin long trening ol yangpela pilai. Em i bilip olsem ol yut tim i mas kisim gutpela trening inap long 5-pela o 6-pela mun bipo ol i mas go ovasis.

Mista Peka i tok em i kisim gutpela sapot i kam long nupela teknikel menesa Steven Cain long lukautim ol yangpela pilai.

Mista Cain husat i tokim Wantok Nius bikpela wok bilong em nau long kamapim program bilong ol yut. Em i sapotim tingting bilong Mista Peka long PNGFA i mas givim moa taim long trenim ol tim long pilai long kain rijonel tonamen.

Cain i save trening planti yut tim bilong Nu

Silan bipo em i joinim PNGFA olsem teknikel menesa. Em i bilip olsem PNGFA i ken kamapim strongpela soka tim sapos em i givim moa taim long helpim yut soka tim.

Wantok Nius i painimaut olsem 15 pilaia bilong Lae bai kamap long Niu Yia long trening long Pot Mosbi. Na i luk olsem ol bai kisim 5-pela pilaia bilong Pot Mosbi long inapim namba long go kik long Australia.

Nem bilong ol pilaia long Pot Mosbi i stap long dispela trening kem em Ronald Adam, Lastina Dickson, Leslie Nongor, Francis Ben, Danny Ling, Abraham Popei, Tuman Gapenong, Philip George, Kritch Babona, Harold Demo, Andrew Potuam, Peter Kadedaya, Wayne Alau, Mako Roa, Michael Pomat, Patrick Topilaveka, Malakai Kabe, Simpon Numbuda, Claytus Timus, Kenneth Wabi, Pati Benn Wari, Reinol ivson, Napu Kison, Leka Tuli, Justus Bagasel na Malcom Ugup.

# Soka bai holim spesel AGM

PAPUA Niugini Futbol Asosiesen (PNGFA) bai holim wanpela spesel Anuel Jenerel Miting (AGM) long Disemba 29. Dispela miting bai kamap long Lae International Hotel.

Sekretari bilong PNGFA Gabriel Pise i tokaut olsem dispela miting em long stretim sampela toktok i wok long sut i go i kam long ol memba bilong eksekyutiv.

Em i laik askim olgeta memba asosiesen long kamap long dispela miting na pinisim dispela olgeta toktok na larim PNGFA i mas mekim namba wan wok long developim soka insait long kantri.

Ol toktok i bin kamap bihain long sinia vais presiden Seth Daniels i no amamas long sampela samting i wok long kamap long eksekyutiv level. Sampela ol samting em pinis bilong olpela sekretari, na wok

bilong Operesen menesa na nau nupela sekretari jenerel.

Mista Pise dispela toktok i bin kamap we i no gutpela tumas long PNGFA. Insait long dispela miting, em i laik olgeta toktok i mas stret na pinis na larim PNGFA i mekim wok bilong em.

Mista Daniel i bin go pas long traim singautim wanpela miting wantaim ol memba asosiesen tasol em i nogat namba long holim miting. Olsem na PNGFA i pilim olsem dispela i no gutpela na i mas holim wanpela spesel miting long stretim dispela ol toktok.

Sekretari Jenerel i tok insait long dispela spesel miting tu bai i gat sampela ol toktok we i kamap olsem;

- Goal Projek
- Ol nupela wokman bilong PNGFA sekretari-et
- 2002 Afiliesen Fi

- Fainensel Ripot
- Ilkesen bilong ol nupela eksekyutiv
- Toktok bilong olpela sekretari

Mista Pise i askim olgeta senta long kamap. Insait long namba wan muv bilong Mista Daniels, Nu Briten Palm Oil Limited tasol i bekim pas long kamap long miting na ol arapela memba asosiesen i nogat.

Wantok Nius i save olsem Mista Daniels i bin toktok wantaim Mista John Raka bilong NBPOL olsem em i gat olgeta sapot tasol bihain Mista Raka i painimaut olsem NBPOL tasol i wanpela senta.

Mista Pise i tokaut olsem Mista Raka tasol i tok yes long miting. Tasol nau i gutpela long wanem Mista Raka i ken kamap na autim wari bilong em long spesel jenerel miting long neks wiken.

## IBS givim sponsa long tupela skul meri

TUPELA yangpela skulmeri, krismas bilong ol inap long wanpela ten seven (17) i bin winim skolasip long go skul long Institut ov Bisnis Stadies neks yia.

Nem bilong tupela meri ya em Gei Gutuma bilong larowari Haikul na Cynthiah Geno bilong Laloki Haikul.

Dispela tupela skolasip em hap prais bilong bikpela Trukai Ran ran resis i save kamap olgeta.

Dairekta bilong IBS Mick Nades i tok IBS i amamas long givim dispela tupela sponsasip. Na ol i amamas tru long wok wantaim PNG Spots Federation na Trukai Industri.

"Mipela i bin mekim dispela wok long las tri yia. Na mipela bai go het long mekim wankain long ol yia i kam," Nades i tok.

Tupela lain husat i witnes long dispela dro em presiden bilong PNGSF Henry Kila na nupela Maketing menesa bilong Trukai Industri Brett Schofield.

Mista Kila na Mista Schofield i tok tenk yu long IBS long gutpela sapot bilong long Trukai Fan Ran.

Mista Schofield i tok amamas long PNG tim husat i go resis long Mini Saut Pasifik Gems long Norfolk Ailan.


Moa long 10,000 manmeri i save stap insait long resis bilong Trukai Fan Ran long wanwan yia.

Trukai i stat long sponsorim dispela Fan Ran taim biknem sponsa Pepsi i stap.

Pepsi i stapim bisnis insait long kantri na PNGSF i painim Trukai long sponsorim.

Man i go pas long sponsasip bilong Trukai em olpela maketing menesa Neville Whitecross.

Mista Whitecross i gat bikpela sapot tru long ol gutpela wok bilong PNGSF long salim ol spotman meri i go long ovasis gem olsem Olimpik Gems, Komenwelt Gems, Saut Pasifik Gems na tu mini Saut Pasifik Gems.



**Heki 10 Betde  
John "Cockatoo"  
Morabang**

**Bikpela tok amamas i kam long Animal Farm long Freeway**

**Ol brata na tupela susa Eric the Elephant, Jnr the Snake, Aggie the Butterfly, Tony the Hornbil na Tika the Bos**

**Las tru em Mama Tiger na Fada SNAKE**



• MRDC Eagles tim bilong Pam Ailan i redi long sutnus wantaim ol wantok bilong ol long taim bilong Lou Ragbi Tas kompetisen we bai kamap long Lorengau taun neks wik.

INSAIT LONG  
WANTOK NIUS  
LONG  
DISPELA WIK

□ Pondo kisim  
wok  
olsem FIFA  
Referi Instrukta



pas 30

□ Moa piksa  
bilong Mini  
South Pasifik  
Gems

pas 28

□ PMSA laik  
ol PNGFA  
eksekutiv i  
holim  
wanpela wok  
tasol

pas 31

□ Anda 16 bai  
holim kem long  
Jan 2-11



pas 31

## Boino i bagarapim sans bilong gol medal



□ Mowen Boino (namel) i sanap na apim hap bihain long em i winim 400m hurdle long mini Saut Pasifik Gems long Norfolk Ailan. Em i nap long winim arapela gol medal tasol sampela hevi i bagarapim. Poto JASON PINI

SEMPION rana Mowen Boino i bin bagarapim gutpela sans long winim tripela medal bihain long em wantaim sampela ol memba bilong atletik tim i go spak long Mini Saut Pasifik Gems long Norfolk Ailan. Ripot i kamap long

Wantok Nius i tokaut olsem Boino wantaim ol memba bilong tim i bin go spak na ol i no resis gut long taim bilong ran bilong ol. Ol opisel bilong PNG Atletik Yunion na tu PNG tim i no mekim toktok long wanem ol i wetim ripot

tasol. Boino em wanpela sempion rana long 110m hurdle na 400m resis. Em i winim wanpela gol medal tasol long 400m hurdle. Atletik tim i winim 4-pela gol medal. Peter Pulu i winim tripela.

Em i winim long 100m na 200m na 4x100m relay tim. Mowen i winim wanpela gol medal long 400m hurdle. Dispela birua nau i kamapim planti toktok long watpo na PNG Athletik Yunion i no makim Jeffrey Bai.

Jeffrey Bai i kisim saspensen long noken makim kantri taim em i lusim na pilai ragbi yunion na ragbi lig.

Tasol taim bilong Nesenel Atletik sempionsip long Goroka, Jeffrey Bai i soim stret olsem spit bilong em i no pinis na i winim dispela resis. Orait long las resis bilong nesenel atletik tim long Lae, Bai i winim Boino long 400m.

Jeffrey Bai i winim dispela tupela bikpela resis long traim senisim tingting bilong ol PNG Atletik Yunion na tu Jastifikesen Komiti bilong PNG Spot Federesen tasol ol i no kisim em long tim.

Na dispela i soim tru olsem seleksen bilong Boino i gutpela tasol sapos Bai i stap yet long tim, em inap winim dispela resis bilong 400m.

Jenerel Tim Menesa bilong PNG i go long Norfolk Island, Alu Ravusiro i toktok strong na askim PNG Atletik tim long givim ful ripot long dispela hevi i kamap long Kingston long taim bilong gem.

Em i tok dispela ripot i mas kamap long pinis bilong dispela wik.

Long semtaim tu, Chef de Misin Ivan Ravu i tok olsem ol spot i mas skelim na lukluk bek long tim bilong ol. Em i mekim dispela ol toktok bihainim hevi i kamap long Norfolk.

Mista Ravu i tok dispela ol hevi em i bikpela samting tru. Kain pasin olsem i no gutpela long nem bilong spot.

## Lou tas ragbi bai kukim Lorengau taun

**BEN LOVAX i raitim**

LORENGAU taun long Manus bai paia long dispela wiken taim 14 tim insait long kantri i go bung long salens insait long Namba 7 Lou Island Ragbi Tas (LRT) kompetisen. Dispela kompetisen bai kamap long Disemba 23-27.

Dispela LRT kompetisen i pulim ol tim i kam long Pot Mosbi, Lae, Goroka, Madang, Rabaul, Lorengau, West Coast, Lombrum, Baluan, Pam Eagles na ol tim yet bilong Lou Ailan.

Mausman bilong Ogenaising Komiti Soni Poli i tok ol i redim pinis tupela oval long Manus Provinsal Haiskul long holim dispela tona-

men. Poli i tok ol tim na ol pilaia long arapela senta i kamap pinis.

Na ol tim long asples long Lou Ailan tu bai kamap long Fraide na wokim kem bilong ol long nambis long stap insait long dispela tonamen.

Minista bilong Lands na Physical Planning Charlie Benjamin bai opim dispela tonamen long Sande.

Pot Mosbi Sharks na MRDC Eagles i lusim Pot Mosbi long wanpela spesel balus bilong Air Niugini long tude (Fonde) long go stap insait long dispela tonameh.

Difending sempion, Laelam bilong Rei viles long Lou i luk feveret long winim bek dispela taitel long wanem ol bai kisim sapos long ol asples bilong ol yet. Arapela tim

husat bai mekim nois em MRDC Eagles.

Ol boi Eagles em bilong Pam Ailan. Tasol ol i save stap raun na wok long Pot Mosbi siti.

Laelam i luk sap stret long winim dispela tonamen. Eagles em bilong traim tasol.

Na sapos ol i kisim gutpela sapat long ol viles lain, ol tu i ken mekim nais long taim bilong dispela tonamen.

Eagles i gat sampela ol pilaia olsem Kilangit Sapulai, Pakop Kurua, Robert Avou na tupela winga Moah"Sevua na Dennis Pokana.

Na ol lain Lou ailan bai strong blong smok balus bilong ol Micah Sivan, Ivan Ponowan, Sovo Kavon

na Raset Kasrnick na Heni Sevua. Long fowat ol tupela brata ya David na Dennis yet bai brukim bus na stretim rot long win.

Patron bilong LRT Lamech Palaso i tok ol i bringim tas tonamen i kam long Lorengau long pulim moa ol tim bilong arapela senta long kam pila.

Em i tok neks yia ol bai tingting long putim tim bilong ol arapela ples tu long dispela tonamen.

Mista Palaso i tok tenk yu long luksave bilong MRDC long sponsorim tropi inap long K2,300.

MRDC nau i join tupela arapela Nesenel Palamen Memba John Pundari, Charlie Benjamin na olupela memba, Arnold Marsipal long sponsorim dispela tonamen.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.